


20
1994

20

1994
1994



DEVISES
HEROÏQUES
ET
EMBLEMES


DE

M. Claude Paradin.

Reuoués & augmen-
tées de moitié par
Messire FRANÇOIS
D'AMBOISE.

A Paris
Chez Rolet Boutonni
au Palais en la Gallerie
des Personnes pres
la Chancellerie.
M. D. C. XXI.

Aug. Borel p. 1711



DE VISES
HEROIQUES
ET
EMBLEMES

DE

M. CLAUDE PARADIN.

Reueuës & augmentées de moitié par
Messire FRANÇOIS D'AMBOISE.

Et dedié à Monseigneur le premier President.



*Ex Catal. ff. 20
Regist. 100*

A PARIS,
Chez ROLET BOYTONNE', au Palais,
en la Gallerie des Prisonniers, pres
la Chancellerie.

M. DC. XXII.

AVEC PRIVILEGE DV ROY.

The first part of the document discusses the importance of maintaining accurate records of all transactions. It emphasizes that every entry should be supported by a valid receipt or invoice. This ensures transparency and allows for easy verification of the data.

In the second section, the author outlines the various methods used to collect and analyze the data. This includes both primary and secondary research techniques. The primary data was gathered through direct observation and interviews with key stakeholders. Secondary data was obtained from existing reports and databases.

The third section details the findings of the study. It shows that there is a significant correlation between the variables being studied. The data indicates that as one variable increases, the other tends to decrease, suggesting an inverse relationship.

Finally, the document concludes with a series of recommendations based on the findings. It suggests that organizations should focus on improving their internal controls and reporting mechanisms. Additionally, it recommends further research to explore the underlying causes of the observed trends.



A MONSEIGNEVR,

M E S S I R E

NICOLAS DE VERDVN,
Cheualier, Conseiller de sa Majesté
Tres-Chrestienne en ses Conseils
d'Estat & Priué, Premier President
au Parlement de Paris, & Chance-
lier de Monseigneur Frere vnique
du Roy.



ONSEIGNEVR,

*La Iustice, qui est la
Reyne des vertus,
& la porte qui con-
duit directement à
la gloire, fait voler vos genereuses
actions, comme fleches empennées de
l'Orient en l'Occident de la France:
& parce qu'elle est la forme essentielle
des autres qui se rencontrent en vous,
comme à leur centre d'honneur, on ne*

EPISTRE.

vous peut donner vn surnom plus illustre que celuy d'equitable & de iuste, pour cette grande vertu, qui loge en vostre ame, comme en son propre sejour, qui depuis le berceau vous a donné autant de moissons d'honneurs, d'eloges, & de gloire, qu'à tous les autres iuges de la terre. C'est à vous, Monseigneur, que Paris & Tholouze, referent pour la Iustice, vne grande partie de leur restauration; c'est en vostre prudence que ce grand abrégé du monde & des villes se repose, & par elle que Dieu a fait voir en nos plus grands besoins, les soins particuliers qu'il a de ceste grande ville: ausy est-ce à vostre protection que cette belle & auguste Cité, jette l'ancre de son salut, en l'absence de son Roy, comme à vn port assure', pour se garantir du naufrage, & des vagues inondantes de l'iniustice: c'est en

EPISTRE.

fin, à vostre memoire immortelle, que les deux premiers & plus celebres Parlemens de France, dressent les poinctes & les aiguilles d'honneur, pour en eterniser la durée. Et d'autant, Monseigneur, que vous estes au cœur de tous les bons François comme le feu des Vestales qui iamaïs ne s'esteint, & que le public ajouste à vos iustes deuises, cét ambre gris des Roys de Perse, appelé Theombrotion, qui signifie prompt remede à tous maux, je vous offre par deuoir, les Heroïques Deuises des plus illustres Princes de ia terre, & plus qualifiez personnages, qui par emblemes, blasons, armes & crayons hieroglyphiques ont tracé aux posteres les traictz plus naturels de toutes les vertus: l'inuention premiere de l'ouurage, reçoit son origine de Claude Paradin, Chanoine de Beaujeu; & son lustre parfait, des

EPISTRE.

curieuse: remarques de feu Monsieur
d'Amboise, de nouveau inserées en
cette derniere edition. C'est pourquoy,
Monseigneur, ie vous dedie en sa
memoire, ce recueil de Deuises, où les
plus belles actions des grands hommes
du monde, & les vostres se trouue-
ront tousiours dignement figurées, &
exposees au public, à la diligence de
celuy qui ne flatte ses desirs d'un con-
tentement plus grand que d'offrir à
vos iustes grandeurs quelque plus di-
gne témoignage de sa bonne volonté:
auec laquelle il ne cesse de prier Dieu
qu'il luy plaise donner, non des an-
nées, mais des siecles entiers, à vostre
vie, qui tant longue qu'elle puisse
estre, ne sera encore que trop courte
pour le besoin que la France a de la per-
sonne, de l'authorité & de la prudence
d'un si grand, si bon, si iuste, & sage
chef

EPISTRE.
*chef de iustice: Ce sont les vœux plus
ardens de celuy qui est,*

MONSEIGNEUR,

Vostre tres-humble, & tres-obeyssant
seruiteur, ROLET BOYTONNE'.



Aduertissement au Lecteur.



V T R E le grand plaisir & recreation, que la diuersité de Peinture donne à l'homme, le grand bien qu'il en peut recevoir n'est pas de peu d'estime : attendu mesmes, que par le moyen d'icelle, se peuuent beaucoup plus facilement moderer les plus enuieuses passions tant du corps que de l'esprit. Ce que les sages de l'antiquité n'ont jamais eu en mepris : & principalement les grands Roys, Princes, & Potentats : lesquels ayans de tout temps exercé leurs esprits dans les Ombres ou Idees de Vertu, ont tant fait s'aydans de cette Peinture, que jaçoit que ces Idees fussent passageres, & merueilleusement mobiles ; neantmoins les ont si bië caressées & retenuës qu'ils y ont mis leur affection. Le moyen de ce faire fut que chacun d'eux selon la particuliere affection qu'il auoit en son Idée, vint à figurer certaine chose, que cette Idée representoit, quoy que ce fust par sa forme, nature, complexion, ou autrement. Telles figures ainsi inuentées, furent appellées Deuises, combien que le vulgaire ignorant les nomme Armoiries, jusques aujourd'huy : pour autant

qu'ils les peignoient en leurs Armes, Escuz, Targes, Pavois, & Boucliers. Prenans plaisir à decorer la chose, en laque'le estoit posée leur totale esperance & dernier refuge : & aussi qu'estans en guerre, au milieu des dâgers de mort, se propoisoient telles Deuises deuant leurs yeux, comme se promettans viure & mourir en l'object, & vraye memoire de Vertu. Ainsi donc cette tant loüable intention prenant cours peu à peu, y ont esté ajoutez certains mots propres, seruans d'intelligence pour les gens lettrez ; ce qui s'est continué par tous les nobles personnages, jusques à present, auquel euidemment se peut voir, tant par les superbes & somptueux edifices, que par les Cours magnifiques des Roys & grands Princes, enrichies & embellies de telles Deuises, que par icelle l'amour de la Vertu n'y est en rien diminué : mais bien augmenté, d'autant plus que les actes & indices d'icelle y sont manifestes. Considerant doncques ces choses, comme vne merueille des effects de la Peinture: l'Autheur a employé quelque peu de temps, à mettre vn petit nombre de ces Deuises par memoire: à sçauoir d'aucunes jadis portées par les Anciens, autres par les souuerains Princes, Prelats, & grands Seigneurs modernes : il a tiré le reste en partie des histoires & gestes memorables tant des vns que des autres. Desquelles

intention par les lettres Hieroglyphiques: quasi par mesme moyen se pourra ayder le vulgaire à connoistre & aymer la vertu, auxquelles aussi on y pourra voir les curieuses additions de Monsieur d'Amboise sur icelles, qui seruiront d'intelligence & d'explication facile au Lecteur, ce que i'ay fait ajouter en cette derniere Edition, pour vous témoigner le desir que i'ay de contenter vostre curiosité.

I

D E V I S E S
H E R O I Q V E S.
Nullis presentior ather.




A nuls autres le ciel n'est si favorable.



A lettre Hebraïque, *Thau*, est vn saint & salutifere signe, & de croix, selon saint Hierosme

sur sainct Marc. De tel signe, iadis E-
 zechiel en esprit prophetique, vit mar-
 quer par l'Ange les fideles au front,
 reconneuz tristes en leurs cœurs, des
 abominations commises en Hierusa-
 lem, au moyen dequoy furent sauuez,
 & les obstinez par sentence diuine fu-
 rent soudainement occis. Dauantage
 signifie ceste *Thau*, consommation, &
 pour autant est finale de l'Alphabet des
 Hebreux, cloüant & consommant ice-
 luy, comme Aleph le cōn.ence. Cho-
 se qui n'est iamais ainsi aduenüë sans
 grand mystere, veu que nostre Redem-
 pteur, estant mis en Croix, vint à profe-
 rer ces derniers mots, auant ia mort,
Consummatum est, manifestât par iceux,
 la consommation de toutes propheties
 & écritures, estre auenuë à celle heure
 qu'il estoit esleué sus le signe de ceste
 lettre. Laquelle quant à sa forme, estant
 peinte en lettre versale, represente
 mieux signe de croix, qu'autrement, &
 la peignent tant les Grecs, que les La-
 tins, en propre forme de Croix, iusques
 aujourd'huy, T. Telle est doncques la
 vraye enseigne, ou estendart, des mili-
 tans en l'Eglise Chrestienne.

Manet insontem grauis exitus.



Triste fin à l'innocent.

ORVS Apollon, & apres luy Vale-
rius, disent que les Egyptiens en-
tre leurs lettres Hieroglyphiques, pour
signifier la vie future, peignoient ce si-
Orus A.
poilon.

4 DEUISES

gne de deux lignes , à sçauoir l'vne perpendiculaire sous l'autre diametrale : & de telle chose ne sçauoient rendre autre raison , fors que c'estoit vne certaine signification de diuin mystere : tel caractere estoit figuré aussi en la poitrine de leur Dieu Serapis.

Isidore. Isidore recite que les Antiques , pour remarquer en leurs escrits , ou noter le nombre des sauuez , ou des occis en guerre , peignoient les morts à telle lettre, ⊙ , (comme ayant le dard à trauers) ou plustost comme ⊙ , estant la premiere lettre de θάνατος, & les échapez à ceste cy, T. Et encores à ce propos dit Asconius Pedian, que iadis au fort des iugemens, il y auoit des marques de trois lettres, à sçauoir ⊙, en signe de condamnation : A, d'absolution : & N. L. *non liquit*, d'ampliation. Or est doncques ce signe de T. salutifere, ainsi

*Asconius
Pedianus.*

Exo. 17. que demonstroit aussi Moyse, priant , & estendant les bras sur ia montagne, pendant laquelle extension, les Israélites suppeditoient leurs ennemis, & au contraire les abaissant , estoient repoussez des aduersaires.

HEROÏQUES.

5

Secum feret omina mortis.



Augure de la mort.

LE serpent de bronze esleué es deserts par Moyle, (duquel le signe ^{Nomb} guerissoit les spectateurs, estans en dan-^{21.}


A iij

ger de mort par morsures de serpens enflammez) prefiguroit avec la Croix de Iesus Christ, aussi nostre salut & redemption.

Il fut long temps en grand honneur, iusques à ce qu'Ezechias Roy de Iuda Prince qui n'a point eu son semblable en pieté, voyant que iusques à ces iours les enfans d'Israël luy auoient fait, & faisoient des encentemens, & qu'ils en abutoient, il froissa ce serpent d'airain, 2. des Rois chap. 18.

Cest Henestche est de la Didon Virgilienne sur le poinct du sacrifice qu'elle alloit faire de soy-mesme.

Hic ratio tentandi ad itus.



Pour chercher passages.

LA clef de laquelle Esaye écrit en *Esa. 22;*
 ceste sorte. *Et dabo Clauem domus*
Dauid super humerum eius, & aperiet, &
non erit qui claudat, & claudet, & non erit

qui aperiat. Designe aussi la Croix de Iesus Christ.

Sander a écrit doctemēt de la clef de Dauid. Deux clefs en fautoir adossées, sont les armes & enseignes du Siege Apostolic. Le S. Pere les met au dessous de sa Thiare, comme vray successeur de S. Pierre, Prince des Apostres, auquel fut dit : Je te donneray les clefs du Royaume des cieux : ce que tu ouuiras en terre sera ouuert aux cieux, & ce que tu clorras en terre sera clos aux cieux. Puissance souueraine des clefs, qui pourront ouurir & ferrer iusques à la consommation des siecles. L'on dit que vne de ces clefs est dictē de science, l'autre de discretion. Quelques seigneurs comme les Ducs de Ferrare, Parme, & Vrbin, feudataires du sainct Siege, ont priuilege de porter telles clefs en leurs armes, comme en France la maison de Clermont-Talar, pour seruices faits à l'Eglise. P'en ay veu au dessus de celles des sieurs Barons de Cursol en Viarez, Ducs d'Vzés.

Pignora cara sui.



Chers Gages.

DE la Croix du Sauueur du monde, & mystere du S. Sacrement de l'autel a prophetizé Ieremie, parlant ^{1era. 11.} en voix inique des Iuifs, disant. *Mittimus lignum in Panem eius.*

Arimis illabere nostris.



Descen dans nos ames.

LE mauuais esprit de sa nature flatte & applaudit d'arriüée, puis contriſte, eſpouuante, & rend les humains eſtonnez : mais au contraire le ſainct Eſprit doux & benin, les eſpouuante à ſa venuë, & apres les aſſeure, reſioüit, & laiſſe tous conſolez, ainſi que furent

HEROIQUES. II

les saints Apostres au iour de Pentecoste, quand il descendit sur eux en forme de langues de feu.

Il auoit autrefois arboré son enseigne en forme de colombe de feu, pour guide aux enfans d'Israël : puis s'est manifesté en colombe au baptesme saint Jean, pour accompagner la voix paternelle, & notifier par son vol à tout le monde, que par le fils sur la teste duquel il se reposito visiblement, la grace estoit faite à nature humaine, tout ainsi que la colombe portant la branche d'oliue, donnoit espoir de reconciliation, & que l'orage estoit prest à se changer en calme.

Fortuna: fidem mutata novavit.



Fortune changee renouvelle la Foy.

*Saul
Emile.*

SUR le point que Childeric IV. Roy de France, fut contraint d'abandonner son Royaume par son infame lubricité : Guimeus sien fidele amy luy conseillant de se sauver en Thuringe pendãt qu'il seroit deuoir de moyenner son appointment, brisa vne piece

d'or en deux, & luy en donna la moitié, afin que par la conférence d'icelle avec l'autre (laquelle venant l'occasion il luy promettoit d'enuoyer) il fust certain de retourner en assurance & de tout parfait appoinctement. Chose qui aduint depuis, car tant practiqua ledit Guimeus, qu'un Gillon citoyen Romain se portant alors Roy des François, & les mal traitans par mauvais conseil, fut finalement dechassé, & Childeric aiant receu à propos les bons auis de son dit fidele amy, ou comme aucuns disent de son Chancelier, remis en son siege Royal.

Nutrisco, & extinguo.



Je nourry & étein.

LA Salemandre avec des flammes de feu, estoit la Deuise du feu noble & magnifique Roy François, & aussi auparauant de Charles Comte d'Angoulesme son pere. Pline lit que tel bestion, par sa froidure esteint le feu comme glace: autres disent qu'il veut viure en iceluy: & la commune voix

qu'il s'en paist. Tant y a qu'il me fou-
 uient auoir veu vne Medaille en bron-
 ze dudit feu Roy, peint en ieune ado-
 lescent, au reuers de laquelle estoit ce-
 ste Deuise de la Salemandre enflam-
 mée, avec ce mot Italien, *Nudrisco il*
buono, & spengo il reo. Et dauantage,
 outre tant de lieux & Palais Royaux,
 où pour le iourd'huy elle est enleuée,
 ie l'ay veüe aussi en riche tapifferie à
 Fontaine-bellaud, accompagnée de
 tel Distique:


Vrsus atrox, Aquilaque leues, & tortilis
anguis:

Cesserunt flamma iam Salamandra tua.
L'ours fier, l'Aigle legere, & le serpent
tortu,

Salemandre ont cedé à ton feu & vertu.

Par ces trois s'entendent les victoi-
 res que ce Roy auoit euës sur les Suif-
 ses, les Germains & les Milannois.

Monstrant Regibus astra viam.



Les Astres guident les Roys.

*Frois-
sart.*

LA confraternité de l'Ordre de l'Estoile en la noble maison de saint Oüen lez Paris, fut publiée & celebrée par le Roy Iean de France l'an 1351. Et portoit vn chacun des Cheualiers dudit Ordre vne Estoille au chaperon,
&

& aussi au lieu plus apparent du manteau. Ce chasteau de saint Oüen, est celuy qui de long temps a seruy de berceau à nos Roys près saint Denys, sur les bords de Seine de Clichy, & anciennement *Creciacum* dans la suite saint Gregoire de Tours, par ce que de ce lieu passa au ciel saint Oüen Archeuesque de Rouen, qui auoit esté premier Maistre des Requestes du Roy Dagobert.

Telle célébrité d'Estoille pouuoit estre possible en commemoration de celle celeste, qui guida les Roys d'Orient iusques au lieu de la naissance du fils de Dieu nostre Sauueur, de laquelle pourroit auoir chanté Virgile, ce neantmoins l'attribuant à la natiuité du fils de Polio en disant:

Ecce Dionei processit Caesaris astrum: Eclog. 4

Astrum, quo segetes gauderent frugibus:

Duceret apricis in collibus vna colorem.

Le Poëte Prudence en l'hymne de l'Epifanie a célébré cette Estoille des trois Roys avec plus hautes loüanges.

Donc totum impleat orbem.



*Jusques à ce que tout le rond
soit remply.*

LA Deuise du Tres-chrestien & victorieux Roy Henry II. de ce nom, est la Lune en son croissant. Es sacrées escritures doncques la Lune prefigure l'Eglise, quasi en tous passages, à quoy se conforme l'histoire recitee par Paul

Emile du Pape Calixte II. auparauant ^{Paul} appelé Guy, fils de Guillaume Comte ^{Emile.} de Bourgongne, lequel la nuict precedent sa creation, eut vision d'vn ieune enfant qui luy apporta & mit vne Lune sur le giron. La Lune aussi est sujette à mutations, croissant & décroissant de temps en temps: ainsi veritablement est l'Eglise militante, laquelle ne peut demeurer long temps en vn estat, que maintenant ne soit soustenuë & defenduë des Princes Catholiques, & tãtost persecutée des ennemis, & heretiques: au moyen dequoy est en perpetuel combat, auquel neantmoins la Royale Majesté, ou Roy premier fils de l'Eglise, promet de tenir main de protection, iusques à ce que reduite sous vn Dieu, vn Roy, & vne Loy, apparoisse la plénitude & rotondité de sa bergerie, regie par le seul Pasteur.

En sa ieunesse le mesme Henry II. portoit vne pleine Lune avec ceste ame *cum plena est amula solis*, aussi Diane estoit plus que la moitié de son ame. Bellay le voyant mort d'vn esclat de lance en l'œil luy donna cest epitaphe.

Hic iacet Henricus, qui fuit orbis amor.
Cy gist le Roy Henry qui fut l'amour du
monde.

Immensi tremor Oceani.



La terreur de l'Ocean.

LE Roy Louis XI. de ce nom, Prin-
 ce sage institua l'Ordre saint Mi-

chel, l'an 1469. auquel il ordonna pour
 enseigne & deuise, vn Colier d'or fait à
 Coquilles lacees, l'vne à l'autre, d'vn
 double lacs, assises sur Chemettes, ou
 mailles d'or, au milieu duquel sur vn
 roc auroient vne image d'or de S. Mi-
 chel, reuenant sur le deuant. Et eut sa
 deuotion à l'Archange, en imitation du
 Roy Charles VII. son pere : qui en
 portoit desia l'image en son enseigne,
 mesmes en son entree de Roüen. A rai-
 son toutesfois, comme l'on dit, de l'ap-
 parition saint Michel sur le pont d'Or-
 leans, defendant la ville contre les An-
 glois en vn furieux assaut. Ce Colier
 donc de l'Ordre Royal, & Deuise des
 Cheualiers d'iceluy, est le signe & vraye
 enseigne de leur noblesse, vertu, con-
 corde, fidelité, & amitié : gage, loyer,
 & remuneration de leur vaillance, &
 protieffe. Par la richesse & pureté de
 l'or duquel, est remarquee leur hautes-
 se & grandeur : par la similitude, ou
 semblance de ses Coquilles, leur equa-
 lité, ou esgale fraternité d'Ordre, en
 ensuiuant les Senateurs Romains, qui
 portoitent aussi des Coquilles es bras

*Eng. de
 Mon-
 strelet.*

*Es faits
 de la
 Pucelle,*

pour enseigne, ou Deuise: par la double laçure d'icelles ensemble, leur inuncible & indissoluble vnion: & par l'image saint Michel, Colonel des celestes intelligences, victoire du plus dangereux ennemy. Deuise doncques instituée au soulas, protection, & assurance de ce tant noble Royaume: & au contraire, à la terreur, espouuante-ment, & confusion des ennemis d'iceluy. Et pour laquelle Deuise porter, fut arresté par le Roy instituteur, que le nombre dudit Ordre seroit accompli de trente six Cheualiers: desquels il seroit le chef. Dont il en nomma quinze sur l'heure, cy dessous, pour la memoire mentionnée, à cause d'auoir esté les premiers.

Le Duc Charles de Guienne, frere du Roy.

*Le Duc Iean de Bourbonnois, & d'Au-
uergne.*

*Louis de Luxembourg, Comte de saint
Paul, Connestable de France.*

*André de Lual, Seigneur de Loheac, Ma-
reschal de France.*

Iean Comte de Sanferre, Seigneur de Bueil.

HEROIQUES. 23

*Loüis de Beaumont, Seigneur de la Forest,
& du Plessis.*

Loüis Destoutenille, Seigneur de Torcy.

Loüis de Laual, Seigneur de Chastillon.

Loüis bastard de Bourbon, Comte de Rossillon, Admiral de France.

Antoine de Chabannes, Comte de Dammartin, Grand Maistre de France.

Iean bastard d'Armignac, Comte de Comminges, Marechal de France, Gouverneur du Dauphiné.

Georges de la Trimouille, Seigneur de Craon.


Gilbert de Chabannes, Seigneur de Curton, Seneschal de Guienne.

Charles Seigneur de Crussol, Seneschal de Poictou.

Tanneguy du Chastel, Gouverneur des pays de Roussillon, & de Sardaine.

Le Lecteur curieux sera renuoyé au liure expres, concernant les Cheualiers dudit Ordre, recueilly par le Seigneur d' Hemery d'Amboise Maistre des Requestes.

Vltus anos Troia.



Ayant vengé nos ancestres de Troye.

LOVIS XII. de ce nom , Roy de France: Duchereditaire d'Orleans, & par consequent Comte de Blois, auoit pour Deuise le Porc espic: beste de laquelle la ville de Blois susdite, ensem-

ble du Loup, a fait d'ancienneté ses armoiries : ainsi que i'ay veu sur le lieu, en plusieurs pierres & portaux. C'est vne beste donques que ce Porc espic, si bien armée de nature, qu'elle se defend de ceux qui l'irritent, & sur tout des chiens, en leur iettant contre eux ses aiguillons, ou pointes : aussi vite que si c'estoit des fleches. Et pour plus amplemēt declarer la signification de cette Deuise, il y a en la susdite ville de Blois vne bonne maison, au deuant de laquelle sous vn Porc espic enleué en pierre, est aussi gravé tel Distique :

Spicula sunt humili pax hac, sed bella superbo.

*Ex nostroque salus vulnere, nexq; venit.
Aux humbles c'est la paix, aux orgueilleux la mort :*

Blesseure & guerison de ce mesme lieu sort.

Ce Porc espic, qui seruit de Deuise à Loüis XII. auoit seruy d'Ordre à son pere Charles Duc d'Orleans : car lors qu'il fiança Marie de Cleues, le bon Duc Philippes de Pourgogne luy voulut mettre au col son Ordre de la Toison, ce dit Froissard. Mais Charles d'Or-


leans ne le voulut souffrir, iusques à ce que le Bourguignon eust accepté le sien du Porc espic, dont on void que chaque Prince auoit ou pouuoit auoir vn Ordre, comme le Duc d'Aniou le Croissant, avec ce mot, LOS, EN CROISSANT, ceux de Bretagne l'Hermine avec ce mot, A MA VIE. Les murs du Chasteau de Blois en portent les marques.

La Deuise du Porc espic estoit: *Communis & eminus*, pres & loing.

La Deuise & Ordre du Croissant meritent vn traitté à part.

Auquel se voit pres la porte Coté & en plusieurs endroits l'escu d'Hermine, avec le Collier fait d'espics de blé, & au bas ce petit gentil animal.

Non sine causa.



Non sans cause.

EN toute administration & gouvernement de peuples, pays, terres & citez, il est necessaire sur toute cho-

se que Iustice y regne, autrement n'y estant administrée; & ne régissant icelle entre les hommes, c'est vn point affeuré, qu'il est force que toute humaine societé vienne à perir, & prendre fin. Sainct Augustin dit que sans la iustice les grands Royaumes ne seroient que grands brigandages: & Ciceron recognoist que les brigands entre eux mesmes en obseruent vne ombre. A cette cause doncques, la superiorité & puissance, & generalement tout Magistrat, tenant la Balance, & Glaue de Iustice en Main Royale, doit estre d'vn chacun obey & honoré, comme estant enuoyé de Dieu, & par luy estably ainsi, pour estre appuy, protection, & defense des bons, & terreur, crainte, & punition des meschans & peruers. Et ce suuant le conseil de l'Apostre disant:

Rom. 13 Ne voulons-nous donc point craindre ou auoir peur de la Iustice & puissance: Il ne nous faut que bien faire: & ainsi en lieu de crainte, nous receurons loüange d'icelle, car elle est seruante de Dieu pour nostre bien. Mais aussi si nous faisons mal, craignons-la: Car

elle ne porte pas gloire sans cause, entant qu'elle est seruante de Dieu, pour faire iustice en ire ou vengeance, de celuy qui fait mal : ce signal de la main de Iustice est présenté aux Roys en leurs Sacres. Et pourtant il faut estre suiuet, non point seulement pour l'ire, mais aussi pour la conscience. Pour cette cause aussi payez vous les Tributs, car ils sont les ministres de Dieu, duquel les Lieutenans sont les Princes & Magistrats. Rendez donc à tous ce qui leur est deu : à qui tribut, le tribut, à qui le peage, le peage, à qui crainte, la crainte, à qui honneur, l'honneur.

Craignons Dieu, honorons le Roy qui est son image, comme les Magistrats sont les images des Roys : car nous sommes tenus obeir aux Potentats de la terre, pour la reuerence du Dieu du Ciel, qui par son Prophete commanda à son Peuple élu, obeir au Roy Nabuchodonosor.

Vltra.*Plus outre.*

CHARLES V. de ce nom, Empe-
 reur Romain, a fait sa Deuise de
 deux Colonnes, que l'antiquité a nom-
 mées, les deux Colonnes d'Hercules.
 Qui font deux eminentes montagnes,

ou promōtoires, distantes l'une de l'autre d'environ sept cens pas. L'une en Mauritanie, du coste d'Afrique, nōmée Abila, l'autre au Royaume de Grenade de la part d'Espagne, nōmée Calpé. Et entre lesquelles est vne emboucheure de mer, qu'on dit le destroit de Gibraltar, ou destroit de Seuille. L'opiniō poétique tient qu'en ce destroit, iadis estoit vne seule Roche massiue, cloyant ceste entrée de mer entierement, & que par la force de Hercule ce passage fut ouuert: pour y introduire la mer Oceane. En memoire dequoy furent erigées par luy ces deux Colonnes, en deux diuerses parties du monde. Et pour autāt qu'anciennemēt estoit la coustume des grāds Princes, d'eriger des monumens, cōme arcs & colonnes es lieux, où ils finissoiēt leurs voyages, ou peregrinations, comme l'on lit auoir fait Alexandre en plusieurs lieux d'Asie: aussi pour auoir Hercules voyagé iusques au lieu des Colonnes susdites, on a pensé qu'il les ayt dressées. Lesquelles à la verité on ne sçait si elles sont naturelles, ou si elles ont esté fleuées artificiellement.

Tant y a que l'on conte y auoir eu vni temple, auquel sacrifia Hannibal, estant sur son entreprinse & dessein de la guerre d'Italie, là où aussi estoient deux colonnes de bronze, de la hauteur chacune de huit coudées : monstrans l'excellence de l'edifice, & estoit ce lieu, selon l'aduis de plusieurs, la fin du monde. Outre lequel lieu il n'est memoire qu'aucun ait nauigé, iusques au regne de Charles Empereur moderne, durant lequel ses sujets d'Espagne ont descouuert plusieurs isles & terres habitables. Pareillement les Portugais, qui ont fait de grandes conquestes, tant en Levant qu'au Ponent. Pour tesmoigner lesquelles proüesses & dilatation de limites, ledit Seigneur Empereur porte en sa Deuise les iudites Colonnes : avec espoir, comme il disoit, de pouüer auant, & conquerir encore *Plus outre.*

Mais Ronfard en la harangue qu'il dit auoir esté faite par le sieur Duc de Guise à Mets, lors qu'il y attendoit l'assaut, dit que la France auoit là limité son *Outre*, car il en fut vaillamment repouffé. Paul Ioue dit que l'inventeur

teur

HEROÏQUES. 33

teur de ceste Deuise si superbe, qu'elle se donnoit en songeant tout l'Empire du monde, estoit vn Louïs Marly Milanois Medecin & Mathematicien, qui depuis en fut Euesque.

Imperium sine fine dedi.



Empire sans fin.

AVGVSTE Cesar premier des hu-^{Sueton-}
mains Monarque de tout le mon-^{ne.}

de, & paisible Empereur, naquit sous le signe de Capricorne: il vainquit Marc Antoine & Cleopatre en bataille Nauale le iour des Kalendes d'Aouft, qui fut depuis ainsi nommé de son nom plein de bon augure. A raison de quoy l'eut en telle estimation depuis, qu'il fit battre de la monnoye, en laquelle estoit formé ce signe Celeste, tant il se confioit que cest astre de Capricorne luy auoit presagé son bon heur & felicité. De la monnoye susdite se trouue encores à present tant d'or que d'argent, en laquelle est imprimé le Capricorne, tenant és pieds vn monde, ou boule ronde, & ayant à dos la corne d'abondance, ou d'Amalthee qui est celle d'or. Et quant à la monnoye d'argent, il y a de plus vn gouuernail, ou auiron, tenant à la figure spherique du monde susdit. Et sont inscrites & l'une & l'autre espece, **AUGVSTVS.**

Cosme de Medicis sage & heureux, grãd duc de Toscane, estoit né sous mesme asendãt, ce dit Ioue, & prenoit mesme peinture, avec ce mot, *Fidē fati vir-*

HEROÏQUES. 35
tute sequemur. Nostre tres-illustre Roy-
ne Regente, la sage MARIE est fille
du Grand-Duc FRANÇOIS, fils du-
dit COSME.

La France ne leur sçauroit rendre
assez de louanges & benedictions.

Inextricabilis error.




Erreur qui ne se peut desuelopper.

CEVX qui ne pouuoient soudre la
question proposée par ce monstre
Sphynx aux passas, couroiēt fortune de
mort. Oedipe s'en aquita fort bien, di-

fant que l'animal qui au matin a quatre pieds , à m dy deux , & au soir trois, n'est autre que l'homme , qui en son enfance se veautre sur ses bras , & en sa vieillesse s'ayde d'un baston. Ce fut l'une des Deuises du susdit Auguste Cesar, comme voulant signifier par iceluy, ne deuoir le secret, dessein, & intention d'un Prince estre diuulgue : les affaires d'Etat comme les choses diuines, perdent leur autorité, quand elles sont par trop familiares entre la populasse. Cause iadis qui mouuoit les Egyptiens d'affiger ce Sphynx deuant leurs temples. Cest Empereur auoit trouué deux de ces monstres, Sphynx cōme dit Pline, entre les anneaux de sa mere, lesquels se ressembloient si proprement qu'on ne les pouuoit discerner. De l'un desquels ses amis pendant les guerres ciuiles seelloient les Edits, lettres, & depesches en son absence, selon que la disposition du temps le requeroit. Ce que confirme Dion, & qu'iceluy Auguste estant en Attie, Agrippa, & Mecenas administroient les affaires à Rome: lesquels auoient puissance d'ouuir,

& voir les lettres qu'il enuoïoit au Senat
 auant tous autres. Et pour cette cause
 receurēt vn cachet de luy, auquel estoit
 graué vn Sphynx. Deuisé toutesfois,
 comme dit Pline, qui ne fut sans mo-
 querie, & irrision, par les Enigmes que
 Sphynx apportoit : veu que telle chose
 donna occasion au brocard, par lequel
 on disoit qu'il n'estoit pas de merueilles
 si le Sphynx proposoit des Enigmes. A
 raison dequoy Auguste cessa de plus en
 vser, & scellerent vn temps de l'ima-
 ge d'Alexandre le Grand, puis finale-
 ment de la sienne mesme. De laquelle
 scella aussi apres, comme luy Tibere,
 Caligule, Claude Cefar, Domitian,
 & autres ses successeurs en l'Empire,
 dont est venuë l'vfance que nos Roys
 empreignēt en leurs grands sceaux leurs
 propres images seantes au lit de Iustice.


Mais comme Dauphin, ou Comte de
 Prouence, il est à cheual en conquerāt,
 armé de toutes pieces, au poing le Ci-
 meterre.

Securitas altera.*Assurance seconde.*

LE Roy Henry .d'Angleterre VIII.
de ce nom , auoit pour Deuise , la
grille ou Portecoulisse , nommée vne

herse, que l'on pend coustumierement derriere les portaux des Villes & fortresses. Iadis à Rome y auoit desja telle maniere de Portes-coulisses, mentionnées par Appian, au moyen desquelles Sylla, du temps des guerres ciuiles, s'assura de la cité, & se fit maistre d'icelle, en subiuguant la faction Carbonienne, qui se cuidant ietter dedans la porte Colline, fut repoussée par la cheute des Portes-coulisses, que les Syllaniens lascherent: lesquelles assommerent plusieurs Carboniens, & mesmes aucuns Senateurs, de ceste faction. Ce Prince estoit sçauant & vaillant, à l'emulation duquel le Roy François institua les Professeurs des langues & sciences, & mit des hommes excellens en lettres & charges & iudicatures. Mais les femmes & le vin qui font apostater les sages, ont perdu cet Anglois, qui ayant doctement écrit contre Luther pour les sept Sacramens de l'Eglise, embrassa depuis la mauuaise doctrine qu'il auoit reiettee.

Dederunt viam casusve, Deusve.



Soit Dieu, soit hazard.

DV Rosier a écrit vn docte volume qu'il intitule *Stemmata Ducum Lotharingie*, où il n'oublie ce qu'il scait des marques de cette royale maison de Lorraine, pepiniere de vaillans Princes de sa vertu, noblesse, & anuquité, &

que leurs alerions se trouuerēt en la fleche de Godefroy de Buillon, au siege de Hierusalem : laquelle le noble Prince auoit tirée contre la tour de Dauid. Presage de sa future grandeur, & autorité, & creation en Roy de Hierusalem. La maison de Lorraine, continuē de porter l'image desdits trois alerions en sa monnoye iusques à present, & en a fait d'vne deuise vne armoirie, avec ce mot pris de Virgile. Vray est qu'au lieu de la fleche y a vne bande sur laquelle sont les alerions, qui n'ont point de pieds, non plus que les merletes, n'ont ny bec ny pieds. Apres la deliurance de Hierusalē enuiron l'an 1100. ce pieux Godefroy esleu Roy eust des armes fausses d'vne croix potencée de metal sur metal : afin qu'on en demandast la cause. Tasse & autres Poètes se sont egayez sur ce riche suiet, dont l'histoire est décrite par Baudry Archeueque de Dol, & Guillaume Archeueque de Tyr, qui viuoient du mesme temps.

Fortitudo eius Rhodum tenuit.



Sa vaillance a tenu Rhodes.

CONTEMPLER ce grand Collier enlassé avec ces quatre lettres F. E. R. T. En memoire que les forces Sauoyennes ont tenu Rhodes, dont elles ont long temps porté la croix blanche que les François auoiēt prestée aux

Rhodiens : c'est l'Ordre del'Annōcia-
de qui fut institué par le Comte Vert,
Amé V. de ce nom. La Deuise duquel
Ordre il ordonna estre d'vn Collier
d'or, à ces quatre lettres entre lacees
de lacs d'amour, avec l'image de la salu-
tation Angelique.

Lesdites quatre lettres donques, si-
gnifient le mot que dessus, & ce pour
perpetuer en ladite maison, les faits che-
ualeureux, & prouesses d'Amé, premier
Comte de Sauoye, lequel voyageant
oultre mer contre les infideles, merita
tant de la Religion de Rhodes, deuant
Acre, que faisant l'office de Grand-
Maistre, il y fut requis de s'armer des
armoiries de ladite Religion, & luy &
ses successeurs, au Comté de Sauoye, à
present Duché, pour auoir sauué lesdits
Cheualiers Chrestiens, & iceux tirez du
peril de la tyrānie des ennemis de la Foy.

Le susdit Comte Vert, donques insti-
tuteur de tel Ordre, en se nommāt chef
d'iceluy, y appella aussi quatorze Che-
ualiers nobles, & luy faisant le quinziē-
me, auxquels il donna à chacun vn col-
lier d'or, à la Deuise susdite. Desquels

premiers Cheualiers les noms sont cy
inferez, à sçauoir :

Ledit Comte Vert.

Amé Comte de Geneue.

Antoine Seigneur de Beauieu.

Hugues de Challon, Seigneur d'Arlay.

Amé de Geneue.

Jean de Vieme, Amiral de France.

Guillaume de Grandzon.

Guillaume de Calamon.

Roland de Veyssi Bourbonnois.

Estienne bastard de la Baume.

Gaspard de Monneur.

Barle du Foras.

Thennard de Me. chon.

Amé Bonnard.

Richard Musard Anglois.


Le Duc Emanuel Philibert, apres que son pais luy fut rendu de la liberalité de nos François, prit les armes de Saixe, les cheuaux d'argent & sable y retenant en cœur sa croix d'argent en champ de gueules. Alain Chartier en son histoire abbregee, fait mention d'vn autre Ordre sainct Maurice, qu'institua vn Duc au Chasteau de Ripailles, où il faisoit si bonne chere apres le seruice Diuin, que

HEROIQVES.

45

de-là est venu le Prouerbe faire Ripaille: si ne laissa le bon Duc d'estre esleu Pape pour vn temps, dit Felix V. dont il se demit de son bon gré.

Non inferiora sequatur.




Ne suivant les choses basses.

CE mot ou hemistiche est du 6. de l'Eneide, pris par la feuë Royne de

Nauafre Marguerite d'Orleans, Princesse tres-illustre, & docte, & vraye Marguerite des bōnes Princesses, ayeule maternelle de nostre grand Henry IIII. laquelle portoit la fleur du soucy en Deuise: c'est la fleur ayant affinité avec le Soleil plus qu'autre, tant en similitude de ses raions, és fueilles, qu'à raison de la compagnie qu'elle luy fait ordinairement, se tournant de toutes parts, là où il va, depuis Orient iusques en Occident, s'ouurāt aussi ou cloyant, selon sa hauteur, ou bassesse. Et auoit telle Deuise la tant vertueuse Princesse, en signe qu'elle dresseoit toutes ses actes, pensées, volonte, & affections, au plus grand Soleil de Iustice, qui est Dieu tout-puissant, contemplant les choses hautes, celestes, & spirituelles.

Apollon ce dit Ouide soupçonant Clytie sa Maistresse de luy auoir fait faute, la quitta pour vne autre, dont de ialousie elle en paslit, & fut metamorphosée en soucy se tournant vers le Soleil, dont vient le mot *Heliotropion*, & y en a de plusieurs sortes.

Antè ferit quàm flamma miscet.



*Il fiert auant que la flamme
reluysc.*

LA Deuise du bon Duc Philippes de Bourgongne, estoit le Fusil frappant la Pierre, & faisant feu, qui semble

repreſenter la guerre entre deus forts & puiffants Princes, par laquelle ſouuent ſe minent, conſument, ou ruinent l'vn l'autre, outre le danger & dommage irreparable qui en ſort, par courſes, voleries, ſieges & rencontres de part & d'autre.

La haine entre les maiſons de France & Bourgongnen'a que trop prouigné.

Voyez Eraſme ſur l'Adage, *dulce bellum in expertis.*

Pretium

Pretium non vile laborum.*Cher prix des labeurs.*

LES claires histoires prennent quelquefois racine dans les tenebres des fables: comme de celle qui nous conte qu'un Frixus ayant trauerié la mer sur le dos d'un belier à la toyson d'or, en pendit la despoüille au tem-

ple, laquelle fut conquise par Iason, & les Arge-nochers. C'est sur ce suiet, que l'ordre de la Toison d'or fut institué par ledit bon Duc Philippes de Bourgogne, l'an 1429. pour lequel il nomma vingt-quatre Cheualiers sans reproche, non compris luy, comme Chef, & instituteur, & leur donna pour enseigne, vn Colier d'or composé de la Deuise du Fuzil, avec la Toison d'or reuenant sur le deuant, & ce en imitation de celle que Iason conquist en Colchos prinse coustumierement pour la Vertu, iadis tant aimée de ce bon Duc, qu'il merita ce surnom de Bonté, & autres louanges cōtenuës en son Epitaphe, en vers grossiers selon le temps, là où est parlé de cest Ordre de la Toison, en la personne du Duc disant.

*Pour maintenir l'Eglise, qui est de Dieu
maison,
I'ay mis sus le noble Ordre qu'on nomme la
Toison.*


Paul Ioue dit que ceste Toison est figure de celle de Gedeon.

Les premiers Cheualiers dudit Ordre, furent.

- Le Duc, instituteur & Chef.*
Guillaume de Vienne, Seig. de S. George.
René Pot, Seigneur de la Roche.
Le Seigneur de Rombaix.
Le Seigneur de Montagu.
Roland de Huquerque.
Antoine de Vergy, Comte de Dammartin.
David de Brimeu, Seigneur de Ligny.
Hue de Launoy, Seigneur de Santes.
Iéan Seigneur de Comines.
Antoine de Thoulangeon, Marechal de
Bourgongnes.
Pierre de Luxemboug, Comte de Conuersan.
Iéan de la Trimouille, Seigneur de Ionuelle.
Iéan de Luxembourg, Seig. de Beurenoir,
Gilbert de Launoy, Seigneur de Vilerual.
Iéan de Villiers, Seigneur de l'Isleadam.
Antoine Seigneur de Croy, & de Renty.
Florimont de Brimeu, Seig. de Mafincourt.
Robert, Seigneur de Mamines,
Iaques de Brimeu, Seigneur de Grigny.
Baudoin de Launoy, Seigneur de Moulam-
baix.
Pierre de Baufremont, Seig. de Chargny.
Philippes, Seigneur de Teruant.
Iéan de Crequy.
Iéan de Croy, Seig. de Tours sur Marne.

Cet ordre a esté recueilly par la maison d'Espagne, & d'Autriche, & a esté tenu en grand honneur, ne se communiquant qu'à peu de Grands.

Flammescit vterque.



L'un & l'autre flamboye.

DEUX batons ou branches de Laurier, frappées rudement l'une contre l'autre, font feu par leur concussion,

comme dit Pline, ce que font aussi les os du Lion, selon plusieurs. Ainsi par le heurt de deux forces, ne peut aduenir que danger. Le commun prouerbe suiuant aussi ce propos, est veritable, que fort contre fort, & fin contre fin ne sont pas bons à faire doubleure. Le portraict de ceste Deuise, retire à la croix S. André, de laquelle se remarquoit d'ancienneté la deuant nommée maison de Bourgongne, combien qu'il y ait difference quant à leurs significations.

Ce que nous nommons la croix S. André, s'appelle en bons termes armoiriques vn fantoir ou fantenil, tel que le porte desynople la maison de la guyche en Charolois. Ce ne sont les seuls Bourguignons, qui ont aymé telles croix, les Anglois y ont bonne part pour auoir esté par eux institué l'ordre celebre de la Iartiere, dans le temple saint André de Bordeaux, avec ce beau mot, *honnî soit, qui mal y pense.* Le Roy de la grand' Bretagne le tient encor, & son fils l'ordre des Cheualiers des bains, ancien au pais de Galles.

Zara à chi tocca.



A qui touche le ieu de dez.

RECVLE soy qui voudra, de la colere d'un Prince irrité: car elle est semblable à vn pot ou vase à feu, lequel ne peut estre ietté sur vnetroupe, sans endommager de toutes parts. Deuise

HEROIQUES.

55

que portoitiadis le Duc Iean de Bourbon, commel'on void encores en diuers lieux de Bourbonnois, & Villefranche en Beauiois.

Le sieur President de Pybrac disoit,
Vt cum igne, sic cum Principe. •

Nil penna, sed vsus.



Non la plume, mais l'vsage.

L'AVTRUCHE estendant ses aïles & belles plumes, fait vne grande montre de voler: ce neantmoins nes'en-leue point de terre. Et en ce, fait comme

les hypocrites, lesquels par externe apparence, representent grande sainteté, & religion : puis c'est tout, & n'y a que la montre: car en dedans, tout est au contraire.

L'Autruche selon Ioue peut seruir à d'autres Deuises, & interpretations : car si le vol en est tardif, le marcher en est plus prompt, & si ses œufs sont couuez avec ses yeux.

Humensia fccis.

L'humide contre le fcc.


LE Tizon ardent au bout, & soustentant deux seaux d'eau, que portoit

en Deuise, Galeaz Vicomte, deuxiesme de ce nom, Duc de Milan, se pourroit communement entendre de ceux que l'on dit qui portent le feu & l'eau. Si feroit aussi, le prenant plus haut, des ar dentes affections, avec lesquelles l'homme porte aussi par diuine prouidence, le moyen de les esteindre par la raison. La protieffe dudit Duc est aussi demōstree par ceste Deuise, car luy ayant vaincu au combat vn certain Seigneur Flama mand, qui la portoit premierement, la tira à soy pour le Trofee de sa victoire. Pris d'Ouide au l. de sa metamorphose.

Frigida pugnabant calidis, humentia siccis.

Il s'y pourroit trouuer d'autres plus subtiles interpretations.

DEVISES
Sola vivit in illo.



Seule vit en luy.

DIANE de Poitiers, de la maison de saint Valier, issue des Comtes de Poictou, avoit épousé Louys de Brezé Comte de Mauleurier, grand Seneschal de Normandie. Estat qui fut supprimé par l'erection du Parlement de

Roüen, que procura ce grand Legat
 Georges d'Amboyse. Elle a par sa pru-
 dence esté en credit, & fait amas de
 grandes richesses : c'est d'elle que Ma-
 rot dit en ses estreines,

Que veux-tu Diane bonne

Que te donne,


Tu n'eus onc, comme i'entens,

Tant d'honneur en ton Prin-temps

Qu'en Automne.

Elle maria son aisnee au Marechal de
 Sedan, la seconde au Duc d'Aumale, &
 en memoire de son dit mary, elle luy a
 dressé vn somptueux tombeau de mar-
 bre à Roüen, pres celle du Seigneur Le-
 gat susnommé. C'est ce cercueil dont
 vous voyez que sort vn traict avec des
 fions verdoyans, en esperance de la re-
 surrection. Elle s'est donnee vn autre
 tombeau en la Chappelle Collegiale
 qu'elle a fondee & dotee pres son An-
 net ou Dianet, où se voyent aussi d'au-
 tres Deuises par allusions, & la Diane
 chasseresse, dont s'en trouue vne dans
 Simeon d'vn dard : *consequitur quod-
 cumque perit.* Elle fit eriger ses terres de
 Dauphiné en tiltre de Duché de Va-
 lentinois.

Restat ex victore Orientis.



Reste du vainqueur du Levant.

*De Mö-
strolet.*

SALLADIN Soudã de Babylone & Damas, & Roy d'Égypte, mourant en


la Cité d'Ascalon de temps de Philippes Aug. Roy de France, ordonna que incontinent apres son trépas, la Chemise fust portee sus vne Lance, à trauers la dite Cité d'Ascalon par son grand Escuyer, faisant tel cry à haute voix: *Le Roy de tout Orient est mort, & n'emporte non plus de tous ses biens.* Aduertissement à tout homme, tant soit puissant & riche, qu'il luy conuient soy despoüiller de tout, au pas de la mort, & s'en aller aussi nud hors de ce monde, que fait le plus indigent, ou le plus pauure.

---- *Mors sola fatetur*

Quantula sunt hominum corpuscula.

Ces Saladins ont donné telle terreur au nom Chrestien, que les plus grandes leuées de deniers qui se sont faites se sont nommées Saladines. Cet Empire des Mammolus est à present englouty par le grand Turc avec ceux de Constantinople & Trapezonde.

Autor ego audendi.



Pris du
12. de
l'Enaid.

Je suis auteur, & te donne courage.

L'ESPEE versatile & flamboyante,
que portoit en Deuise, Charles
Cardinal

Cardinal de Bourbon, sous le tiltre de saint Martin, representoit le vray glaive des Prelats de l'Eglise, & glaive de l'esprit selon saint Paul, qui est la parole de Dieu.


Cette parole penetrante plus que le glaive tranchant des deux cotez, puis-que l'ame en son interieur en est penetrée & outrepercee.

Il est souuent fait mention en l'escriture sainte de ce glaive flāboyant, comme en Genese, où le Cherubin en a vn en sa main pour la garde de la porte du Paradis terrestre, apres qu'Adam & Eue en furent bannis.

Il laisse aux plus curieux de chercher dans les Docteurs Gregeois & Romains l'ancienne interpretation de ce feu, par lequel il faut que chacun passe apres le trespas.

Semblable arme menaçoit le Prophete Balaam, lors qu'il s'acheminoit à maudire le peuple de Dieu, qu'il deuoit benir.

Non que super terram.



Non ce qui vient de terre.

TOURNON comme chacun ſçait
 eſt l'une des plus anciennes & illu-
 ſtres maiſons d'entre toute; celles qui
 ſont arrouſées des riuieres du Rhone,

H E R O I Q U E S. 87

Et tient-on qu'elle tire son origine d'un saint I V S T Martyr, en memoire duquel, ils en retiennent encore le nom. Le feu Seigneur Cardinal de Tournon Archeuesque de Lion, Abbé de S. Germain des Prez, & Cote de Rouffillon, a succedé à la vertu & pieté de ses predecesseurs, & encore que de ieunesse il n'eust pas esté assez instruit aux lettres humaines : & si a-il fauorisé & auancé les Professeurs d'icelles. Il a eu l'oreille de son Maistre le Roy François I. manié de grandes affaires d'Estat, & s'est montré ferme & constant defendeur de la Foy des Maieurs. Mesmes au Colloque de Poissi, où il a fait paroistre sur tous son bon zele. Il s'estoit rendu digne du saint Siege, & y fust paruenue n'eust esté l'emulation de son confrere le Cardinal du Bellay, plus sçauant & moins Religieux.

Or auant qu'estre lié aux saincts Ordres, il fut seruiteur d'une Damoiselle de Fondi, pour laquelle ayant espuisé en magnificence toutes ses finances, & celles que sō Roy luy auoit departies pour vn Ambassade, il commanda que ses Deuises fussent delà en auant d'une me-

taisie atteinte & ruinée de coups de Tōnerres & grands orages, avec ce mot *FVNDI NOSTRI CALAMITAS*. Designât la perte prouenant de l'amour.

Et retenant ce mesme ſuiet il presenta à vne grand' Princesse pour Deuise vn Cœur d'un Temple, en perspective, avec ce mot : *Le Cœur est vostre, ordonnez du service*. Allusion sur ce mot de Cœur qui est equiuoque. Car nous departons les Temples en deux parties, le cœur & la nef. Le cœur ou chose venant du mot *chorus*. La nef on la pense estre ainsi dite comme representant vn nauire. Mais l'Etymologie en est meilleure du mot *N A O S*, qui signifie mieux vn temple qu'une nef, encore qu'il se prenne quelquefois en autre sens, & l'auant-nef vient de *pronaos*, & de là le mot de prone & proner.

Mais cette Deuise de la Manne qu'il prist estant proueu en dignitez, luy demeura comme plus seante & conuenable à vn Pasteur. La Manne du Ciel fut donnée au desert en Exode 16. pour pature aux enfans d'Israël, attendant qu'ils paruinssent à la terre promise. C'a esté l'une des figures de la vente du

HEROÏQUES.

69

corps & sang donné pour aliment celeste de nos ames en l'Eucharistie & sanct Sacrement de l'Autel ; sacrement des sacremens, de l'excellence duquel i'ay me mieux me taire que d'en dire peu en cet endroit.

Ab insomni non custodita Dracone.



Mal gardées par le Dragon qui ne dort point.

TOUT d'une main voyez la Deuise
d'un grand Cardinal de Ferrare,
E iij


Hippolyte d'Est Archeuesque de Narbonne. Ceste maison d'Est dite en Latin à *veste* d'une ville portant ce nom en la basse Lombardie, ne cede en antiquité à nulles de delà les Monts, comme prenant son origine de la Bulgarie avec les armes de l'Aigle blanc, telles que la portent les Rois de Pologne, attribuée à ce fameux Roger tant chanté par l'Arioste. Les Seigneurs de ceste Maison auant que tenir Ferrare en fief du saint Siege, ont esté Seigneurs de Padoüe avec ceux de la maison de Carrare portans en leurs armes vn chariot, au mesme siecle que les Escales portans vne eschelle commandoient à Verone. Ils ont esté encor Ducs de Modene & Rhege, fiefs imperiaux substituez en ceste illustre famille.

Or nostre Cardinal bon amy & seruiteur de la France, comme celuy de qui le frere aisné auoit espousé Madame Renée fille du Roy Louïs XII. & de la Royne Anne de Bretagne, & ayant de grands & riches benefices par la nomination du Roy François, il a voulu en memoire de nostre Hercule Gaulois,

qui estoit à soy les peuples enchainez par les oreilles, prendre vne Detense toute Herculiné, & ehoisie de l'vn de ses plus honorables trauatx. Combien que Varon le plus docte des Romains ayt fait vn calcul de tous les vaillans hommes nommez Hercules iusques au nombre de quarante trois, que Ciceron au 3. de la nature des Dieux reduit à six, si est-ce que tous les labours & gestes admirables soit douze, soit trente, car iusques à là va le côte, sont attribuez au Thebain fils d'Alcmene, & pour la quatorzième on dit qu'il conquesta les pommes d'or du sumptueux Iardin des soeurs Hesperides, apres en auoir vaincu, & tué le Dragon tousiours veillant, qui en auoit la garde. Et par là nostre Prelat vouloit dire que malgré l'enuie figureé par ce Dragon vomissant feu & flâme, il obtiendrait la recompense de vertu representée par ce plus riche metal, pour lequel les trois deesses eurent procès deuant le bergerot Paris, pour lequel Atalante fut vaincu à la course, par lequel Aconce attenta à l'amour de la belle Cidippe. Il n'ignore pas que les

pommes ne soient prises pour Deuises d'Amourettes, dans les tableaux du vieil Philostrate; Mais ce Prince genereux n'aspiroit qu'à la vertu & à la magnificence, comme le tesmoigne les superbes Jardins de Tiuoli. Muret luy dediand ses diuerles leçons entre autres Titali, le nomme singulier patron & protecteur de toutes belles sciences.

Non quàm diu, sed quàm benè.



*Non combien longuement, mais
que bien.*

LE cousteau Philosoꝛ hal, que plusieurs tiennent auoir esté forgé par

Saint Thomas d'Aquin de bien longue main, & avec merueilleuse obseruation des Astres, se trouua si bien acceré, que par iceluy fut coupée vne enclume à trauers, ainsi que l'on dit. A raison dequoy signifie la Deuise d'vn tel Cousteau, qu'il ne se faut arrester au long temps que l'on employe pour biẽ faire vne chose, mais que seulement elle soit bien faite: car comme disoit Auguste Cesar, *Sat cito, si sat bene.*

Suetone

L'histoire de Accius Nauius est notoire, qui d'vn rasoir fit tailler vne queuë à esguiser.

Quà procéres abiere py.



*Par où les riuieres & en decours
sont allez.*

4. Rois,
chap. 2.


COMME le Prophete helie fut esleué
& porté és cieux, sur vn chariot de
feu, en corps & en ame: pour avec He-
noc venir porter tesmoignage contre

l'Antechrist, ainsi que le contient le fragment saint Iude : ainsi l'esprit de sainte personne en ce monde est esleué & monté en haut par vn bon & ardent desir : au moyen duquel il se recrée en la contemplation des celestes beautez, & excelléces diuines. A quoy conuient ce que touche Ouide de Pythagore, disant au 15. de la Metamorphose,

*Mente Deos adit, & qua natura negarat Ouidi.
Visibus humanis, oculis ea pectoris ausit.*

Quoy que ce soit ce char flambant est vne belle Deuise, puis qu'en iceluy fut rauy le vieil Helie que nous tenons estre encor viuant au Paradis terrestre reserué avec Henoc pour conuaincre l'Antechrist. Les Peres contemplatifs ont escrit que le Seraphique S. François fut esleué en extase en vn pareil chariot ardent.

Hæc Latio restare canunt.



Seul reste au pays Latin.

PAR les Haches & verges attachées à icelles, ensemble des Laurées, que l'on portoit d'antiquité deuant les Cōsuls Romains, est assez representée la

puissance, domination, & autorité que iadis souloit auoir la triomphante Italie sur tout le monde. Par le moyen neantmoins de cōcorde, police, & amour de Republique. Mais aussi par les boucles & cadenas esquels sont enfermées lesdites Haches, est demonstrée la feruitude & captiuité, en laquelle le susdit pays est tombé miserablement auourd'huy, à cause de ses diuisions, factions, & partialitez.

Ceste teste humaine qui fut trouuée en fouillant les fondemens du Capitol, estoit vn augure de la Monarchie Romaine, & que cette cité seroit chef de la terre habitable. I'ay oüy tenir à ce grand G. Postel que Ianus auoit esté enterré en cette colline, & que c'estoit le bon Noé, auquel on attribuoit deux visages, pour auoir veu les deux temps dauant & apres l'vniuersel deluge.

Nous pouuons considerer que bien que cette empire temporelle soit fort effacée, si est ce que Rome retient & retiendra tousiours sa superiorité spirituelle par l'obeissance que tous Chrestiens doiuent au premier Siege & au successeur de saint Pierre.

Arbitrij mihi iura mei.



L'ay droit de faire à mon vueil.

LES antiques Alains, Bourguignõs, & Sueues portoient le chat, selon que Methodius en enseigne: beste que l'on cognoist assez impatiente de prison, à cause dequoy pouuoit estre la representation de Liberté.

Ce petit & vulgaire animal qui fert à nettoyer nos maisons, a eu assez de proprieté pour le faire adorer par l'Egyptienne idolatrie, dont s'est moqué Esope.

Mihi terra, lacusque.




A moy la terre & l'eau.

MECENE ce liberal bien faicteur *Dion:*
 des doctes sous l'Empereur Au-
 guste, estoit en tresgrande authorité,
 de maniere qu'il auoit toute puissance
 & gouvernement, tant par mer, que
 par terre. Occasion possible qui luy
 faisoit porter la Grenouille en sa deuisse,
 si autrement ne la portoit en signe de
 celles de Syrie, qui ne crient iamais, *Plin.*
 cōme dit Pline: car ainsi se pourroit re-
 marquer Secret, ou taciturnité: laquel-

Estrop. le estoit tant familiere dudit Mecenas, que pour ceste cause le reueroit grandement Auguste, ayant aussi en grande admiration, la haine qu'il portoit à l'enueuse raillerie. Voyez dans Homere la bataille des rats & des grenouilles.

ΦΩΣ ΦΕΡΟΙ ΗΛΕ ΓΑΛΗΝΗΝ.



Clair & serein.

MADAME Catherine de Medicis,
 treschrestienne Royne de France,
 a pour Deuse l'Arc celeste, ou arc en
 Ciel : qui est le vray signe de claire seren-
 nité, & tranquillité de Paix. Aussi a
 elle par sa sagesse appaisé de grãds ora-
 ges par la France: & pour la ferme ami-

tié que ceste chaste Princesse a eu à la memoire de Henry second son Roy, elle a laissé ceste premiere pour prendre vne rosée tombante sur des cendres non du tout esteintes avec ce mot.

Ardorem extincta testantur viuere flamma.

Voulant dire que son cœur cōseruoit éternelle la Royauté deuë à sō espoux & aux Roys ses enfans, aux affaires desquels elle a porté beaucoup de soïn & de vigilance. Ces Deuises se voyent és Tuilleries & autres superbes bastimens qu'elle a bastis & commencez.

Vltorem vlciscitur vltor.



Le vengeur venge le vengeur.

SAEPE *vindicta obfuit*, dit Seneque. Si Charles VI. de ce nom, Roy de France fut trop affectionné à venger la que-


relle d'Oliuier de Clifson son Conne-
stable, contre Pierre de Craon, aussi ne
luy en print il pas bien: ainsi qu'il ad-
uient souuent de trop grande conuoi-
tise de vengeance, & de faire son pro-
pre de querelle d'autruy. Car se met-
tant és champs à grosse puissance, tirât
en Bretagne contre le Duc, chargé
d'auoir retiré ledit de Craon, aduint
qu'en la forest du Mans, vn certain pau-
ure homme incogneu, se ietta entre
deux arbres, & arrestant tout court le
Roy, tenant son cheual par les resnes,
luy dit tout haut telles paroles: *Roy ne
cheuauche plus auant, mais retourne: car
tu es trahy.* Chose qui estonna mer-
ueilleusement le Roy, de sorte qu'il mua
& fremit tout de crainte, ioint qu'il e-
stoit ieune homme, assez debile & fe-
bricitant: ce neantmoins telle aduen-
ture mesprisee par les Princes, & mar-
chans tousiours auant avec le Roy, cō-
me ils se trouuerent hors de la forest à
pleine chaleur, suyuoient aussi derriere
le Roy, deux de ses pages, l'vn apres
l'autre, le premier desquels portoit en
reste son Timbre, & l'autre qui le suy-

uoit, sa Lance à fer émoulu, le dernier page se venant à endormir, luy eschappa la Lance Royale des mains, laquelle tombant, donna du fer sur le Timbre, que portoit l'autre page deuant, de maniere qu'au bruit du coup d'icelle Lance sur ledit Timbre, soudainement le Roy, encores tout fantasié de la rencontre de l'homme incogneu susdit, cōmença en sursaut à tressaillir de frayeur, & de telle sorte que tout furieux tirant son espée pour frapper de tous costez, sans auoir cognoissance de personne, & pensant estre entre ses ennemis en bataille, se print à crier: *Auant, auant, sur ces traistres.* Auquel cry les Pages se retirent de deuant luy, toutefois le Duc d'Orleans son frere estant assez près fut poursuiuy du Roy, à toute bride, l'espée au poing, tellement que sans la grande viftesse, dont il se sauua, il estoit en trop grand danger de sa personne. Finalement tant se trauailla le Roy, que venant quelque temps apres à se lasser, comme fit aussi son cheual qui n'en pouuoit plus, fut faisý le Roy par vn Cheualier, & apre. doucement re-

mené au Maus, en telle extremité de langueur, qu'on ne ſçauoit s'il en eſchaperoit: au moyen dequoy, le voyage eſtant rompu, & la gendarmerie retirée, demoura la perſonne depuis tout le reſte de ſes iours valetudinaire, & tant ſujette à intermittente frenesie, que ce fut choſe miſerable de tel inconueniēt, & meſmes pour l'infortune & malheur de ſon pauure Royaume, lequel à cauſe du moyen & entreprinſe ſuſdite, ſe ſent encores de ſa calamité.

Ce meſme Roy auoit en ſa ieuneſſe cuydé eſtre brulé en ſon habit de poil ciré, repreſentant les Sauuages en vne mōmerie à l'hoſtel des Creneaux faux-bourgs ſainct Marcel. L'hiſtoire en eſt au long dans Froiſſard.

Colligavit nemo.



Nul ne l'avoit lié.


IL se trouue de la monnoye antique, batuë en cuiure, ou bronze au nom d'Auguste Cesar, au reuers de laquelle est la Deuise du Crocodile, enchainé à la Palme, avec l'inscription. *Col. nem.*

F iij

id est, *Colligavit nemo*, comme voulant possible faire entendre ledit Auguste, qu'il n'y auoit aucun auant luy, qui eust iamais attaché l'Egypte à la victoire. L'Egypte, dy-ie pour autant, que c'est le pays arrosé du Nil: fleuue représenté par le Crocodile, lequel se trouue en iceluy, & non ailleurs. D'auantage, en ladite monnoye, est posé le Crocodile sur les Palmes, en signe qu'en Egypte il fait son triomphe, en l'arrosant, en lieu de pluye. Auguste Cesar doncques à propos de ceste Deuise, fut victorieux en Egypte, sur M. Antoine, & Cleopatre.

Et de là en auant resta seul Seigneur paisible de ce grand Empire, & ferma le temple de Ianus pour donner lieu à la naissance du Sauueur du monde.

Latet anguis in herba.




Le serpent se cache sous l'herbe.

EN cueillant les fleurs, & les Fraizes
des champs, se faut d'autant gar-

der du dangereux Serpent, qu'il nous
peut enuenimer, & faire mourir nos
corps. Et aussi en colligeant les belles
authoritez, & graues sentences des li-
ures, faut euitier d'autant les mauuaises
opinions, qu'elles nous peuuent per-
uertir, damner & perdre nos ames.

*Labuntur nitidis, scabrisque tenacius
hærent.*



Ne se peuvent attacher à ce qu'est poli.

TOUT ainsi que les Mouches tombent, se voulans poser contre vn Miroir bien poli : & se grimpent bien contre choses groumeleutes, & mal ra-


botées. Aussi les hommes tombent plus facilement d'une grande félicité, & se tiennent mieux en aduersité.

L'aduersité humilie l'homme & le rend plus prudent & aduisé. La prospérité rend l'homme superbe & insolent, & luy fait perdre le sens commun & se mefcognoistre, ainsi que dit le Satyrique en la 8.

Rarus enim fermè sensus communis in illa

Fortuna. L'oracle commande à chacun de se cognoistre, & Socrate presentoit à la ieunesse le miroir, afin que celuy qui se trouueroit beau gardast de faire chose indecente, ou que par la beauté de l'esprit il essayast recompenser le défaut corporel.

Te stante, virebo.



Toy debout, ie rauerdiray.

ENTRANT Monsieur le R. Charles Cardinal de Lorraine en son Abbaye de Cluny, estoit esleuée au portail d'icelle, sa Deuise, vne Pyramide,

avec le Croissant au dessus: environnée
du bassin qu'en haut, d'un beau Lier-
re verdoyant. Et le tout accompagné,
del'inscription, de ce Sonnet de Guil-
laume des Autels.

*Quel Memphien miracle se haussant
Porte du Ciel l'argentine lumiere,
Laquelle va, tant qu'elle soit entiere
En sa rodeur, tousiours, tousiours croissât:
Quel sacre-saint Lierre grauissant
Jusqu'au plus haut de ceste sime fiere,
De son appuy (ô nouvelle maniere)
Se fait l'appuy, plus en plus verdissant?
Soit nostre Roy la grande Pyramide:
Dont la hauteur en sa force solide
Le terme au Ciel plante de sa victoire:
Prince Prelat, tu sois le saint Lierre,
Qui saintement abandonnant la terre
De ton soustien vas soustenant la gloire.*

Il changea depuis d'ame *Adhesit a-*
nima mea post te, prenant Dieu pour
la Pyramide.

Inter Eclipses exorior.*Ma naissance entre les Eclipses.*

LE grand Roy François que ce bon
heur, apres la perte de les deux fils,
qu'il vit que de celuy qui seul luy re-
stoit, naquit François I. d'une mere
dix ans sterile, lors du point de laquelle
naissance apparurent des frequentes c-

clipses qui furent tirées en diuers augures à droit & à gauche, aussi deslors furent batuz des iettōs avec des representations d'Eclipses, & ce mot *inter Eclipses exorior*, signe que combien qu'il paruint à deux Royaumes, & attēdist le troisieme, si est ce qu'ils luy furent de peude durée, & son autorité fut eclipsée du lōg du Loire. Ceux qui luy donnoiet vne tasse entēdoiēt ce signe celeste que les Poētes disēt estre la coupe du Corbeau consacré à Apollon, & par luy trāsferée au Ciel. Depuis ce ieune Prince eut pour Deuise deux Spheres, avec ce mot *vnus non sufficit orbis*, voulant dire qu'vn monde ne luy estoit suffisant; Pris de Iuuenal.

Vnus Pellæo iuueni non sufficit orbis.

Alexandre qui cherchoit à conquerir plusieurs mondes, selon que quelques Philosophes en disputoient, il se contenta d'vne biere de six pieds de long. Semblable destin enferma sous la lame François II. à Orleans en l'aage de 17. ans, & son decez trop hastif fut la naissance de nos miseres.

Fiducia


Fiducia concors.*Fidelité concorde.*

LES Romains deuant le Prince, Em-
 pereur, ou chef d'armée, portoient
 en enseigne vne Main : ainsi que l'on

peut voir tant en plusieurs monnoyes antiques, qu'aussi en celle belle antiquité imprimée en la face du liure des Commentaires de la Republique de Rome, mise en lumiere par Lazius, grand chercheur d'antiquitez, & Chroniqueur du Roy des Romains Ferdinand depuis Empereur. Telle enseigne doncques d'une Main, estoit la main de Concorde.

La main est ce dit-on outil de sagesse. Seruius Commentateur de Virgile dit sur les Eclogues que comme l'au-reille est consacrée à la Memoire, les genoux à la Misericorde, ainsi la paume de la main est dediée à la Foy. C'est pourquoy nos Roys en leur Sacre sont ornez de la main au bout d'un de leurs bastons, pour monstret qu'ils garderont leur serment à la conseruation des Priuileges de tous les Estats du Royaume.

Scilicet, is superis labor est.



Les cieux en ont-ils du soucy.

A LA Clef, pres de la porte de Le-
ontychidas Senateur de Lacede-
G ij

moné , s'estant entortillé vn Serpent, les augures & deuins luy en faisoient vn bien grand cas : affermans que c'estoit vn vray prodige. Surquoy il leur vint à respondre : Quant à moy , ce ne me semble point prodigieux, qu'vn Serpent s'entortille à vne Clef : mais si la Clef s'estoit entortillee au Serpent , ce seroit chose prodigieuse. Et ainsi ioyeusement reprint leur folle superstition. De laquelle certes auiourd'huy est fort embabouinée la populasse, qui tant de leger s'estonne des choses qui aduiennēt casuellement, & qui ne sont surnaturelles.

Ianus estoit peint les clefs en la main pour fermer & ouuir les années. Le Serpent tortillé alentour du Caducée de Mercure, portoit vne bonne signification.

Ainsi respondit vn deuin que ce n'estoit pas merueilles, si les Rats auoient rongé des Souliers, mais que ce seroit prodige si le contraire estoit aduenü.

Horrent commota moueri.



Ne courroucez ce qui est irrité.

L'OURS enfumé, & eschauffé, ne doit
 iamais estre irrité: ne fait pas aussi le
 personnage en colere, marry, fasché, &
 facheux, & duquel on ne pourroit rece-
 uoir que desplaisir, inconuenient & dā-
 ger. Charles Duc de Bourgogne appe-
 lant l'Empeur en la societé de la con-
 queste des Suisses, mesmes des Bernois
 qui en peignent la bande de leurs ensei-
 gnes, receut pour responce la fable d'E-
 sope, de ne vendre la peau de l'Ours,
 auant qu'il soit ris.

Si sciens fallo.



Si à mon escient ie trompe.


L'ANTI^QVE ceremonie que faisoient les Gregeois & Romains, venans à contracter & faire la paix avec leurs ennemis, estoit, que celuy qui avoit charge & commission de transiger, assommoit devant tous vne truye, avec vne Pierre ou Caillou, en proferant telles paroles: Tout ainsi qu'il en prend à cette Truye, m'en puisse prendre, si en cét affaire i'entens aucune fraude, ny tromperie.

HEROÏQUES. 103

Stabant & casa iungebant fœdere porca,
dans Virgile. Homere dit qu'ils respan-
doient vne tasse pleine de vin, disans,
comme le vin se respand, ainsi soit ren-
uerſée à terre la ceruelle de ceux qui
premiers enfraindront l'accord.

Cette formule est notoire en droit.
*Si ſciens fallo, me Diespiter urbe, Arcéque
& bonis omnibus eiicias, ut ego hunc la-
pidem.*

Inuicem fortuna fouet.




Bon gré, malgré, fortune favorise.

POLYCRATE vsurpateur de l'Estat des Samiens, vîa en toutes ses entreprises de telle felicité, qu'il ne luy arriua onc aucune chose autrement qu'à son plain souhait : s'il commandoit à baguette, il estoit obey; s'il chassoit, il ne reuenoit sans prise; s'il vouloit perdre il gaignoit; s'il se laissoit tomber ex-

prés du haut de sa personne, il ne se blef-
 soit point : bref il se vançoit d'estre le
 mignon de l'aveugle Deesse. De sorte
 que luy mesmes la cuidant temperer &
 changer, ietta vne sienne Bague ou An-
 neau, de tres grande estimation, dans la
 mer : lequel toutesfois fut retrouué au
 vêtre d'vn certain Poisson, que les Pes-
 cheurs pescherent en leurs rets, dont il
 vint à telle presomptiõ, qu'il creut que
 rien ne luy pourroit plus nuire, & son-
 gea en dormãt, d'estre monté en si haut
 lieu, que Iupiter le lauoit, & qu'Apollõ
 l'oignoit precieusement. Lequel songe
 eut tout autre euenement qu'il n'auoit
 cuidé, car le Mars de la guerre luy fut vn
 coup cõtraire, le Tyran fut en fin surpris
 & empoigné du Satrape de Perse, qui,
 dit Herodote, le fit pendre & estrãgler
 miserablement en vn gibet, où sa cha-
 rongne estoit lauée de la pluye, & oin-
 teà la chaleur du Soleil. A quoy peut-
 on voir que la faueur, le ris, ou l'heur de
 fortune, que le monde estime prosperite
 n'est pas chose fort assuree, de l'õgue
 durée ny certaine: ains de tãt plus qu'elle
 reluit, & plustost se cassẽ & se brise :

tout ainsi que fait le verre. *Fortuna vitrea est quae cum splendet frangitur*, & n'y a rien de si malheureux, que celui auquel n'aduint iamais aucun malheur. Vovez Bocace aux mesadventures des personnes signalées.

Ecquis emat tanti sese demittere?



Qui voudroit l'acheter si cher?

VALERE le Grand fait mention d'un Roy, lequel ayant receu un Diademe, Chapeau, ou Bâdeau Royal entre ses mains, le tint longuement avant que le mettre sur son chef, & le re-

gardant & bien considerant, se print à dire : O drap plus noble qu'heureux ! si quelqu'un cognoissoit & entendoit l'infini-
té des sollicitudes, perils, & miseres dont il est plein, s'il le trouuoit enmy la bouë, il ne l'en daignerait oster.

Comminus quò minus.



De plus pres pour moins fuyr.

VN Lacedemonien, taxé d'aucuns,
pour luy veoir porter en Deuise vne

seule Mbouche en son Bouclier, non plus grande que le naturel, luy disoient, que c'estoit en signe de se vouloir mesfer, & crainte d'estre veu: vint à leur respondre en cette maniere: Mais bien pour me monstrier clairement: car ie m'approche si près de mes ennemis, qu'ils peuuent veoir euidentement, que c'est telle marque & signe, & moy qui la porte.

Cet apophthegme est dans Plutarque, & est allegué de ceux qui veulent chercher de plus haut l'antiquité des armoiries, car on void que les vaillans hommes grauoient quelques figures d'animaux, oiseaux, ou fleurs pour se faire remarquer. On dit qu'Alexandre le grand s'armoit d'un Lion d'argent assis en vne chaire d'or tenant vne hache, le tout sur gueules. Aristomene auoit un Aigle esployé, que depuis ont pris les Romains, luy donnant double chef pour figurer l'Empire du Levant & du Ponent: & le nouveau Cheualier qui n'auoit encor rien merité, est descrit par Virgile,

Ense leuis nudo parmâque inglorius alba.


Transfundit pasta venenum.*Vn mauvais repas enuenime.*

VN coup de langue est pire qu'un coup de lance, l'un reçoit quelquefois guerison & l'autre non: il y en a de si peruers qu'ils n'ont bien qu'à medire, & qui pis est versent leur poison dans la poitrine de ceux qui hantent l'eschole de Male-bouche.

Et ainsi font comme les Guespes, lesquelles mangeans par grande auidité d'un Serpēt, rendent leurs éguillōs plus venimeux, & leurs piqueures plus dan-

gereuses & mortelles. Virgile parlant des abeilles dit qu'elles versent leurs vies dans les playes qu'elles font.

Prostibuli elegantia.



Telle est la beauté des putains.

LE Sage en ses Prouerbes fait comparaison de l'ordure de la femme prostituée, à vne Truye, qui a vn Anneau d'or au groin. Leurs visages fardés ressemblent aux tombeaux reblanchis, qui n'ont au dedans que charognes & pourritures. Ce qui est dit en général de toutes les mauuaises, doit estre pris plus griefuement pour celles qui rom-

HEROÏQUES. III

pent la Foy de Mariage , figurée icy par l'anneau. Mais hélas ! Faber vieil Jurisconsulte Gaulois a trop de raison de se plaindre de l'impunité de ce vice si detestable, qui estoit puny de lapidation en la Loy de Moÿse.

Celsa potestatis species.



Especce de souveraine puissance.

EN la pierre precieuse , ou anneau de cachet, qui fut trouué à Pompée

le grand, quand il fut occis, & lequel
anneau fit pleurer Cesar, le regardant,
quand il luy fut apporté, estoit la De-
uise du Lion portant vne Espée, selon
Plutarque en signe pouuoit estre de
vertueuse & magnanime execution.
Cela se peut rapporter à ce qui a esté
dit cy dessus du Lion d'Alexandre assis
en chaire tenant vne hache. L'espée
represente *ius gladij*, aussi Pompée auoit
eu tant de Consulats & tant de triom-
phes, qu'il ne vouloit endurer nul égal,
& Cesar nul superieur. Traian Empe-
reur liurant l'Espée au Prefect de son
Pretoire, le plus grand & souuerain de
tous ses Officiers & Magistrats, luy dit
ces mots, Prens le glaiue pour moy, si
ie fay bien : contre moy si ie gouerne
mal.

Ardua

Ardua desurbans, vis animosa quatit.




Courage vient à bout, des choses difficiles.

POUR venir à chef de chose arduë, difficile, & de grande entreprise, c'est le tout que bon vouloir, le courage, & la diligence : moyen qui fait que les Aigles viennent à tuer les Cerfs : en se jettant sur leurs Rames, leur battans, & remplissans les yeux de poudre qu'elles ont amassé en leur pennage, & en fin

H

les fa. sans tresbucher, & precipiter à val
les rochers.

Vias tuas Domine demonstra mihi.



Monstray moy tes voyes Seigneur.

EN la galere quatriesme, que le vail-
lât André Dorie, Admiral del'Em-

HEROIQUES. IIJ

pire, fit faire pour la personne de l'Empereur, à son voyage de Tunis, estoit vne Deuise d'une claire Estoile, à rayōs, enuironnée de plusieurs Traicts, en signe d'inuoquer la conduite, & adresse de Dieu Tout-puissant. Ce Gennois auoit voué son seruice à la France, puis pour vn mescontentement se reuolta vers Charles V. qui le combla de tant de biens & honneurs, qu'en fin en extreme vieillesse il mourut honoré de toute sa republique.

Vnica semper auit.



Seule en son espece.

ELEONOR fille d'Espagne, & sœur de Charles V. en son veuage du Prince Portugais s'entremet de moyenner la deliurance du grand Roy François qu'elle espousa en secōdes nopces, & à chaque fois qu'on luy portoit nouvelles du Roy son Espoux, elle faisoit present au messager d'une paire de Gās de fleur, dont vn iour ayant receu cette nouvelle par qui s'estoit hasté de la

porter sans charge, elle dit à celuy qui y suruint, mais trop tard: vous n'aurez pas les Gans, ie les viens de donner à vn qui vous a preuenü, & de là viët ce prouerbe, vous n'aurez pas les Gands. C'est à elle que dit Marot.

*Au Ciel Madame, ie crie,
Et luy prie
Qu'il face tout en vn temps,
Frere & mary si contens
Que tout rie.*

Elle prist vn Phœnix en sa Deuise avec ce mot *non est similis illi*. Il n'y a si petit qui ne sache que le Phœnix est vn oyseau seul en son espece, qui auoit quatre cens ans, autres disent six cens & se brule au Soleil. De la cendre duquel renaist vn vermissseau qui luy succede en pareille beauté. Ouide en son XV. de la Metamorphose.

*Vna est que reparat seq; ipsa reseminct ales.
Assyrj Phœnica vocant.*

Lactance apres luy en a fait vne riche description imitée en François par le sieur Notin en vn beau Poëme qu'il nomme Phœnix. Autres ont porté ce Phœnix, comme Bonne de Sauoye Duchesse de Milan.



Sans fraude.

CETTE tres-illustre maison de Môtmorency, portant tiltre de la premiere Baronnie de Frãce, à present erigée en Duché & Pairie, comme yssue


d'un Merouingie, qui le premier receut le baptesme de la main de S. Denys Areopagite, a esté vne seconde pepiniere de vaillans Cheualiers, dont il y en a eu iusques à cinq Connestables de France, & autres grands Mareschaux & Admiraux, qui ont tousiours porté les Lauriers sur le front, ce dit Ronsard en l'Épitaphe de ce grād Anne de Montmorency, Duc, Pair, Cōnestable & grand Maistre de Frāce, duquel vous voyez la Deuise qu'il a portée, non à cause de ce souuerain Magistrat qui a la main chargée de l'espée Royale flambāte, ainsi que le grand Etcuyer la porte dans le fourreau: mais ce mot Grec, qui signifie, sans fraude, a tousiours esté particulier aux valeureux chāpions de cette Royale famille, qui en ont decoré leurs drapeaux és guerres de dela les Monts, voire de dela les mers. Il a fait infinis bons serui- ces à cinq Rois, mesmes à François I. il donna la gloire d'auoir mis en route l'Empereur, & toute son armée en Pro- uence: on fit de luy ce Distique.

*A Regū antiquo cūm sit Momorantiū ortus
Sanguine, iure domū Regis, & arma regit.*

Ses huit batailles, & le reste de ses

120 D E V I S E S
vertus & proïesses meritoient vne
Chronique entiere.

Riens ne m'est plus.



Plus ne m'est riens.

VALENTINE de Milan, Duchesse
d'Orleans, Dame de Blois, Chau-

ny & Coucy, eut vn temps grãde occasion d'accompagner le reste de sa vie de force larmes & pleurs: attẽdu que d'vne part luy serroit le cœur le meurtre atroce, cõmis en la personne de son mary le Duc Lotiis, frere du Roy Charles VI. massacrẽ à la porte Barbete, & inhumẽ aux Celestins à Paris. Et de l'autre, pour autãt que de malheur, le dit Roy Charles VI. par plusieurs fois estãt surprins de sa maladie, de laquelle est fait mẽtiõ cy deuãt, ne recognoissoit personne: nõ pas mesme la Roynes, horsmis toutefois la duchesse Valẽtine: laquelle il appelloit sa belle sœur. A raisõ de quoy couroit le cõmun bruit, que le Duc de Milan, pere d'icelle Valẽtine, auoit fait enforcer le Roy. Dõt la miserable duchesse auoit vn tresgrand regret, tellemẽt que pour tous soulas, & cõfort en ses gemissemẽs, elle vint à prẽdre la Chantepleure, ou Arrousoir pour sa Deuise, sur laquelle est encores la lettre S, en signe, peut estre que seule souuent se soucioit & souspiroit, ensemble suiuant les mots que dessus. *Rien ne m'est plus. Plus ne m'est rien*, escrit avec la Deuise qui est enleuẽe en plusieurs lieux dans l'Eglise

des Cordeliers de Blois, tant en la Chapelle de ladite Duchesse, où elle git en sepulture de bronze: que aussi par tout au deuant du cœur d'icelle Eglise. Elle fut ayeule paternelle du Roy Louis XII. dit pere du peuple.


Pour vn autre non.



LAVIRON, ou Rame flamboyant, estoit la Deuise de Messire André de Laual, iadis Admiral de Frâce, comme se peut voir encores à presēt és faubourgs de Melun. Qui pouuoit estre le signe de l'ardent zele qu'il auoit de bien seruir le Roy : principalement quant au fait de sa charge, touchant la regence Nauale.

Raphaël Riario Cardinal de Saint George, mit en cent endroits du Palais qu'il fit bastir à Rome, vn Timon de Galere avec ce mot, *Hoc opus*, laissant à deuiner que pour comble de son bon heur, il ne luy restoit plus que la Tiare: mais il se mescontenta en ses vaines entreprises.

Fata viam inuenient.



Les destins en trouueront l'issue.

THESSE guidé du filet d'Ariadne fortit du Labyrinthe apres y auoir occis le Minotaure que Dedale y auoit enclos. Par ce Labyrinthe du Seigneur de Bois-dofin de Laual Archeuesque d'Embrun, se pourroit entendre que

pour rencontrer la voye, & chemin de
vie eternelle, la grace de Dieu nous
adresse : nous mettant entre les mains,
le filet de ses saincts commandemens.
A ce que le tenans & fuiuans tousiours
nous venions à nous tirer hors des dan-
gereux foruoyemens des destroits mō-
dains.

Quid non morsalia pectora cogis ?




*Aquoy n° force tu les pœuines mor-
telles.*

LES delicieuses & mignardes amours
de Cleopatre Roynne d'Egypte, avec

Marc Antoine ce vaillant Triumvir
 Romain, monstrent assez combien ce-
 ste passion est violente à qui l'a volon-
 tairement receüe & logée en son cœur.
 Car ce fut la cause pour laquelle il repu-
 dia Octauiue sœur d'Auguste, dont sur-
 uint la guerre ciuile entre ces deux puis-
 sans Competiteurs de l'Empire, qui
 combattirent à outrance & de toutes
 leurs forces en la bataille Nauale, dite
 Altiague, où M. Antoine pouuoit auoir
 le dessus, s'il n'eust trop souuent tour-
 né ses yeux vers sa Royne, laquelle tour-
 nāt en vn destroit pour y estre à sauueté,
 il en prit telle espouuante, pēsant qu'el-
 le s'en voulust fuir, qu'il courut apres
 elle, & tous ses vaisseaux se débanderēt,
 laissant la victoire à Auguste, qui le suy-
 uit & défit iusques en Alexandrie, où ses
 amās s'entre-dōnerent la mort, l'vn par
 le glaiue, l'autre par aspics veneneux.
 Or durant leurs plus estroites priuauitez
 ceste fine femelle faschée, & desplaisāte
 de l'essay que M. Antoine se faisoit fai-
 re, banquetāt en sa compagnie, pour luy
 persuader qu'il ne se défiast plus d'el-
 le, se print à mignarder voluptueusemēt

avec luy, à la mode antique, mesmes avec des Chapeaux & guirlandes de fleurs, les feuilles desquelles neãtmoins estoient empoisonnées: Et prenant d'icelles sur sa teste, les luy brisoit dans sa coupe, iusques à luy offrir d'en boire. Toutesfois ainsi qu'il portoit le hanap à ses leures, elle mettant la main au deuant, luy dit: Ha Antoine cher amy, ie suis celle, qui ay maintenant l'occasion de faire, ce que tu crains par tes curieux essais: mais ia n'aduienne, car ie ne puis viure sans toy. Par là doncques se peut cognoistre la confidence qu'on doit auoir en femme impudique. Il estoit biẽ en ceste cy d'empoisonner son bienfaicteur qui l'aymoit plus que soy mesme, & duquel elle se faignoit fort amoureuse, ce dit Plutarque, iusques à s'en faire maigrir tout expres. Les Eloges de cest aueugle fureur, ce disoit le Roy François, genereux, valeureux, amoureux, mal-heureux.

In sibilo aura tenuis.



Au siflement d'un doux vent.

LA Musique de sa nature est ennemie de mélancolie: & par ainsi peut appaiser la fureur causée de melancolie
hypocon-


hypocōdriaque. Comme elle peut aussi exciter l'assoupissement prouenant de ceste hypocondriaque humeur melancolique, suffoqué qu'il est & accablé de flegme. De laquelle maladie quelqu'un dit auoir veu vn pauvre patient, si fort assoupy & endormy, qu'on n'en pouuoit tirer paroles, fors que par le ieu de la Harpe: au son duquel instrument, il leuoit la teste, se prenoit à rire, & respondoit à ce, dont il estoit interrogé. C'estoit doncques grande affinité de la Musique avec l'ame. Ainsi Philozene tenoit que l'ame n'estoit qu'une harmonie. Chose que fit entendre euidement le Prophete Helisée, qui pour reuoquer son esprit Prophetique & prier dieu, pour le secours de sō peuple mourant de soif, se fit amener vn iōieur de Harpe: & ainsi obtint de la Diuine bōté, selon sa priere. Et quant au parfaict Harpeur Dauid venoit il point à consoler l'Esprit du Roy Saül, possédé du malin, veu que toutes les fois qu'il touchoit deuant luy, cessoit le mauuais de le tourmēter? Ceste harmonieuse Musique donc participe de la diuinité: veu

4. Rois
chap. 3.

1. Rois
chap. 16.

que ne seulement elle reuoque la fanté és corps, mais d'auantage eleue l'ame à contemplation, la rend consolée & celeste. Et pour autant est ennemie des diables, qui ne sont que desespoir, tristesse, frayeur, & abyinée desolation. Au surplus commela Musique, par voix differentes, se fait bon accord, ainsi entre hommes de diuerfes complexions, & qualitez differentes, se peut faire & maintenir tres-bonne Paix, agreable à Dieu, sur toutes choses.

Finem transcendit habendi.




Son appetit n'a point de borne.

LA desordonnée cupidité d'auoir, & excessiue ambitiõ de Calife de Bal-

dac grand Pôtife de la Loy Mochemetique, luy caufa mal-heureufe fin : car Haalon Prince des Tartares ; l'ayant prins prifonnier , le voulut traiter felon fes appetits: de maniere qu'il luy faifoit apporter , & feruir pour tous mets , fur table forces Plats , & grans Vafes pleins d'or, fans luy donner autre chofe à mâger, luy faifât dire à toutes les fois qu'ô le feruoit, teils mots: *Tien, mange, voicy la chofe du monde, que tu as plus aymée: prens & t'en faoule.* Les Parthes ayant vaincu Marc Craffus , luy firent fondre de l'or dans la bouche avec tel reproche, *Boy l'or dont tu as eu fi grand foif.*

Hec caelit in quenquam tantum scelus?



*Se peut il trouver en quelqu'un si grand
crime?*

DENIS le vieil usurpateur de l'Estat
de Siracuse en Sicile, auoit biẽ pre-
dit à son fils aisné & successeur de son

renom , que s'il ne se comportoit avec plus de modestie , & temperament de iustice, il ne lairroit pas son sceptre au troisieme heritier. Pour auoir donc mal obserué les preceptes de son pere, le ieune Denis fut chassé, & reduit en si extreme pauureté en la ville de Corinthe, qu'il fut contraint gagner sa vie à l'instruction de la ieunesse. Les filles de ce Tyran porterent en leur innocence les pechez de leur pere en ce mōde: car luy estant expulsé de son Royaume, les Locrois pour se venger de ce qu'il auoit auparauant forcé & violé leurs femmes & leurs filles, se saisirent aussi des siennes propres, lesquelles en leur tendre beauté & virginité, ils abandonnerent à tous venans. Et de ce n'estans encores contents, leur piquerent tant d'aiguilles sous les ongles , qu'ils les firent mourir de cruelle mort.

Les filles du Tyran Aristomin aymerent mieux par vne mort honneste & volontaire preuenir tels opprobres, ainsi que le recite Plutarque au liure des femmes illustres.

Pressa est insignis gloria facti.




Du fait insigne, en est la gloire esteinte.

L'EGLISE n'a point eu de plus cruels
 persecuteurs, que ceux qui de Bre-
 bis estoient deuenus Loups rauissans, tel
 que cet Empereur Iuliã, qui pour auoir

renoncé au rang de soldat de Christ où il s'estoit fait enrôler au Baptesme, fut surnomé Apostat, sãs cela il estoit doié d'excellentes vertus tant morales que militaires, & passoit vne partie de la nuit aux affaires, l'autre en l'estude des bonnes lettres, où il estoit fort auacé: & pour détourner les Chrestiens d'estre contraires à son party, il se transporta le iour & feste del'Epifanie, qu'õ dit des Roys en l'Eglise ancienne de Viëne des Allobroges, où il sanctifia selon la solénité des Chrestiens, c'est à dire il participa au sacrifice du Corps & sang de I E S V S-CHRIST, dit Ammiã. Se voyant Auguste paisible apres la mort de sõ oncle, il decouurit son hypocrisie, & persecuta l'Eglise en Renard, & fit publier en Nicomedie vn Edit, par lequel estoiet defendus aux Chrestiens les Escholes, & aussi toute administratiõ de Republique: lequel Edit fut empoigné par S. Iean le martyr, qui le brisa, & rōpit publiquement, cõ. ne le voyant estre la chose trop plus pernicieuse à la foy Chrestienne, que toute espeece de cruel supplice. Ainsi par tel acte nous fut signific, qu'il n'y a peur

135 D E V I S E S
ou crainte humaine, qui doiuë estonner
n'y faire varier, aucunement la droite
conscience des Chrestiens.

Cedo nulli.



Je ne cede à nul.

QVAND les Romains voulurēt bastir
vn sōptueux Tēple à Iupiter au Ca-
pitole, ils en prindrent des Augures, &
tous les petits Dieux, qui auoient quel-
que part d' Autel en ce superbe roc, dō-
nerēt des signes qu'ils cedoïēt à ce mai-


stre des Dieux, fors deux, d'ôt l'un fut le dieutelet Terminus, & l'autre la Iouëce, qui sont deux mots de bõ encõtre, signifians que l'Empire Romain n'auroit nulles bornes, & qu'il floriroit longtemps sans vieillir. Ouide Fastes 2.

Terminus ut veteres perhibent deprehensus in ade.

Restitit, & magno cum Ioue Tēpla tenet.

Ce discours est dilaté dās le 4. de la cité de Dieu chap. 12. Dās Girard Syntagme 1. Pierius liure 3. & 8. & Alciat embleme 157. où l'on tire ceste interpretation, que les lettres d'õnēt aux studieux vne assuree trāquillité, & qu'un tel mourir honore la vie. Ce Terme donc qui mesmes ne ceda à Iupiter, estoit la Deuise de Didier Erasme, l'une des plus claires lumieres des bonnes lettres, sur laquelle vn Cordelier, nommé Geruaya, luy impropéroit & obiectoit, que ce faisoit il par grande arrogance: comme ne voulāt en sçauoir ceder à personne aucunemēt. Cõbien toutefois qu'elle se puisse entendre de la mort, terme dernier & final de tous, que personne ne peut outrepasser. Respõse aussi que fit Erasme audit Geruaya en son Apologie.

En altera que vehat Argo.



*Vne autre Argo pour nous porter
en mer.*

QVI n'aura leu les cõquestes des Argonautes, ou pour mieux dire Arge-nochers dãs Valere Flaque, Appoloyne ou Ouide, du moins les life aux Poëmes de Ronfard, où il verra que ceste nef est la premiere & plus fameuse

que porta la fleur de Grece en Colchos, & que passâs par des destroits sabloneux, ils eürēt le courage de la porter sur leur col, & apres qu'ils furent retournez riches d'honneur, & de la despoüille de la Toison d'or, les Poëtes ont chanté qu'elle fut esleuëe au Ciel entre les Astres, dont est venue la Deuise, *Caloque, soloque, saloque*. Et seruit de suiet au festin & bal Comique que Iodelle dressa en l'Hostel de la ville de Paris en presence du Roy Henry II.

Au ciel, en terre, en mer. Les Franques, ou François, peuple iadis frequentant la marine, & exerçant l'art Piratique, selon Latinus Pacatus, Sidon Apollinar, & Beatus Rhenanus, voulerent que le lieu principal, auquel ils estoient arrestez, qui est la Cité de Paris capitale de France, portast perpetuellement l'enseigne de la profession & art, dont ils se mesloient. Parquoy luy donnerent la Deuise du Nauire, qu'elle a depuis tousiours porté iusques à present. Et n'est pas inconuenient qu'iceux ne participassent des Gepides, lesquels aussi auparauāt se remarquoient du na-

*L. Pacatus.
Sidon.
Apollin.
B. Rhenanus.*

Methodius.

uire, frequentans la mer Germanique,
 nation possible Troyenne, & escartée
 en loingtains mers, apres la destructiõ
 de Troye, de laquelle, l'opinion com-
 mune tient, que les nobles Frãçois sont
 descẽdus. Le mot en quelques endroits
 se vit, *Tumidis velis Aquilone secundo.*
 Vent en pouppe à pleines voyles.

Inspcratum auxilium.



Inesperé secours.


M. VALERIE Romain, combattant contre vn Gaulois, fut fauorisé de secours inopiné: car vn Corbeau se venant poser sur son armet, esgratigna, & esbloüyt de telle sorte les yeux de son aduersaire, que finalement fut vaincu, dont fut ledit Valerie adonc surnommé Coruinus: à raison d'iceluy Corbeau, combien que touchant sa victoire, elle ne se peut attribuer par sa prouesse, ains par la prouidence d'en haut. Neantmoins audit Coruinus, fit Auguste Cesar eriger vne statuë, laquelle auoit vn Corbeau sur la teste, pour monument de tel mystere.

Es duels & cōbats qui se font en camp clos, les Iuges & Parreins sont fort soigneux de iustemēt departir la poussiere, le Soleil & le vent, le Heraut crie qu'on laisse aller les bons combatans: à ce que nul ne se puisse preualoir d'aucun tant soit petit aduantage, & que la balance soit iuste & droite, autrement on diroit comme à ceux qui obtiendront victoire par la nouveauté & terreur de leurs Elephans chargez de Chasteaux & d'hōmes, ce traict, *Vt superasse iuuat, sic su-*

perasse pedes, dans Alciat. C'est autre chose quand le secours vient du Ciel, comme S. Augustin attribue à Dieu la victoire du pieux & grand Theodose, citant ces vers de Claudian,

*O nimium dilecte Deo cui militat aether,
Et coniurati veniunt ad classica venti.*


Tutum te littore sistam.



Je te rendray seur au riuage.

L'ANCRE est cy inferée en signe de nostre salut, en nostre Sauueur Iesus-Christ : qui est l'asseuré & dernier refuge, auquel nous conuient tousiours recourir. Vray est que Seleucus Roy de Syrie, portoit telle Deuise de l'Ancre en son anneau de signer, mais c'estoit pour autant que par l'Ancre luy auoit esté signifié son regne, au rapport des Deuins & Augures. D'auãtage l'a porté aussi l'Empereur Tite, toutefois pour autre raison, comme sera dit cy apres. En outre l'ont porté, & portent encore plusieurs Admiraux, en marque (ce semble) de leurs Offices, en expeditiõs & charges Nauales.

Alde Raunce docte & celebre Imprimeur Romain l'a mise pour marque au deuant deses Liures tres-corrects, & s'est trouué vn sien imitateur à Paris, qui au lieu d'vne Ancre en a voulu prendre deux, pourestre mieux assureé és mers de Leuant, qui est la langue Gregeoise, & du Ponent, qui est la Romaine, & autres ses filles.


Quò tendis ?*Où vas-tu ?*

SA I N C T Iaques, entre autres imper-
fections & incommoditez de la Lan-
gue, la dit estre pleine de mortel venin:
&

& l'accōpare au tymon, ou gouvernail d'un Nauires, par lequel tout le corps du vaisseau est gouverné. Opinion certes conforme à celle de Bias, auquel Amasis Tyran d'Egypte, ayant enuoyé vne beste sacrifiée, avec sommation de luy renuoyer d'icelle le pire, ou le meilleur membre: luy en renuoya seulement la Langue. Pour estre doncques celle petite piece du corps de telle importance, ne fait à emerueiller, si Nature la enclose de double portail, duquel aucunement ne doit iouir de l'ouuerture, sans la licence de Raison, & Entendement demourās au fort: autrement venant à s'e-uoler sans dire gare, c'est pitié que du danger de sa trainée, & queuë de malheureuse consequence.

Cesecond & facond Didier Erasme a fait vne declamation intitulée *Lingua per Des. Erasmus*. Ce qu'aucuns en riant ont interpreté, Langue tu perdras Erasme. Car le trop parler luy a suscitè de grands ennemis, & fait qu'il ne plaist aux vns ny aux autres.

Putrescet iugum.




Le ioug pourrira.

LE ioug pourrira par l'huile (dit I-
saye) prophetisant la liberte spiri-
tuelle, par l'aduenemēt de Iesus-Christ.
Auquel les enfans d'adoption, heritiers,
& enfans de Dieu croissans en augmen-
tation de Charité, & obseruās ses com-
mandemens, sont desliez du pesant
Ioug legal, & de seruitude. Car à ce iu-
bile spirituel les coupables sont absous,
les debtes sont remises, & quittées, les
bannis rapelez en leurs pais, l'hoirie
perduë se restitue, & les serfs, assauoir,

les hommes vendus, par peché, sont
deschargez de cè ioug seruille par Iesus-
Christ; vraye huile de misericorde, de
ioye, & de grace.

Le Pape Leon X. de Medicis entre
plusieurs Deuises, recitées par P. Ioue,
portoit vn Ioug avec ce mot *suauē*, figu-
rant l'obeissance deuë à l'Eglise qui est
douce. L'en ay veu maintes peintures au
Palais Vatican.

Nec fas est, nec posse veor.



Il n'est licite, & ne le peut.

Pris de Clodian.

CICERON apres les Stoiciens a dit qu'il ne faut estimer captif, celuy qui est chargé de vices. Car nonobstant que S. Pierre fut enchainé de double chainne és prisons d'Herode, si cōuint il à la venuë del'ange que les chainnes luy tōbassēt des mains, & qu'il euadast par la porte de fer, s'ouurant par le vouloir Diuin, lequel à la verité (encores que

la puissance humaine face (ses efforts) ne
peut aucunemēt, ny ne doit estre forcé.




De celeste semence.

LA terre ayant englouty Coré, Da-
than, & Abiron iedicieux, pertur-
bateurs du Sacerdoce & saint mini-
K iij

stere: fut iceluy confirmé diuinement en la lignée de Leui, par le mystere de la verge d'Aaron, laquelle entre les autres verges des lignées d'Israel, mises ensemble par le cōmandement de Dieu dans le Tabernacle, fut trouuée le lendemain germée, florissant & formant des amandres. Cette verge florie a esté soigneusement gardée avec la manne dans l'Arche d'alliance, qui sert à monstres qu'en la loy Euāgelique, aussi bien qu'en celle de Moyses, on a euiuste raison de conseruer la memoire des miracles. Mais celle verge d'Aaron a esté figure de la Vierge des Vierges, de laquelle les anciens ont chanté,

*Stirps Iesse virgā produxit, virgāque florē
Et super hunc florē requieuit spiritus almus.
Virgo Dei genitrix, flos est, flos filius eius.*


Ventura desuper urbi.

Qui doit venir sur la cité.

LA miserable destruction de Hierusalem par les Romains 40. ans ou ^{Ioseph} ^{Hegeſip?} environ, apres la passiõ de Iesus-Christ, fut signifiée par plusieurs, & mesmes entre les autres, par vne espouuanteable

Comete, en forme d'espée luisante en feu, laquelle apparut bien l'espace d'un an sur le Temple, comme demonstrent que l'ire Diuine se vouloit venger de la nation Iudaique, par feu, & par sang: ce qui auint, outre la piteuse calamité de famine: à raison de laquelle y eut vne si mal-heureuse & affamée mere, qui mangea son propre enfant.


Qui se voudra contéter des autheurs modernes qui ont escrit sur ce sujet en nostre langue, lise le chapitre second des histoires prodigieuses de P. Boyteau, & le chapitre des famines prodigieuses au mesme liure.

In utrumque paratus.*Prompt à l'un, prest à l'autre.*

APRES le retour de la captivité de Babylone, le peuple Israélite reedifiant Ierusalem, fut contraint par les assaux & empeschemens qu'y faisoient ses ennemis, de bastir de l'une des mains, & tenir l'espée de l'autre. Histoire mystiquement representant les edificateurs de l'Eglise Chrestienne, lesquels pour reedifier, ou enseigner les ignorans, ou deffaillans en la foy, qui sont les ruines, y doivent diligemment estre ententifs d'une part : & de l'autre.

tre se de fendre des dāgereux & mortels ennemis, qui sōt les vices: toufiours avec l'espée de la parole de Dieu, qui est plus affilée & penetrante que le glaiue trenchant des deux costez.

Vindice fato.



Le destin vengeur.

DAVID encores ieune & simple berger, armé de la grace de Dieu, s'osa biē presenter au combat contre le grād Goliath. Non toutefois se confiant aux

armes du Roy Saül, dont on le vouloit endosser, non se rememorant d'auoir estouffé vn Ours qui assailloit son troupeau, ains seulement se contentant de sa fonde, cinq cailloux, & son baston, au moyen dequoy, il occit ce Geant, ennemy tât redouté, & espouuantable. Ainsi pour vaincre le diable, dangereux aduersaire de Nature, nous suffisent seulement les armes de ferme Foy, portans avec nous vraye confidence en la passion & mystere de la Croix de nostre Sauueur Iesus-Christ.

Calcondyle recite d'vn Cheualier Chrestien Hongre, qui se fiant en sa stature Geantine & en la force de ses bras, défia tous les Turcs sur la querelle de la religiõ: & encore que la cause fust bonne, si est-ce que Dieu permit qu'il fust vaincu par vn ieune guerrier Mahometan, qui ne faisoit que sortir de Page: & quand le grand Seigneur l'en voulut recompêser, l'Adolescent s'en excusa par vn ioly discours qu'il luy fit du destin, selon l'erreur de l'Alcoram, & reiettant l'heur de sa victoire, sur ce que l'heure derniere du Chrestien estoit venuë.

Nil solidum.*Rien de solide.*

A LA consecration d'un nouveau Pape à Rome, lors qu'il est mis en lay-sine de son Euesché de saint Iean de La-tran, comme il passe par la chappelle S. Gregoire, en laquelle sont inhumez plusieurs Papes ses predecesseurs, le maistre des ceremonies porte deuant luy, deux cannes, ou roseaux, sur l'un desquels

font des estoupes, & sur l'autre vne chandelle, avec laquelle brulant lesdites estoupes, se retourne deuant sa Sainteté, & dit: *Pater sancte, sic transit gloria mundi.* Rallumant ces mesmes estoupes, & reiterant ce mesme aduertissement par trois diuerfes fois. Pour rabattre la vaine gloire, & l'auiser que la mort esgalle les crosses & chappes, avec les houlettes & souquenies. Ainsi vn bon Roy de Perse, quoy que tres redouté & grand terrien auoit vn Page qui tous les matins luy crioit tout haut: *SIRE vous souuienne que vous estes homme mortel.* Ceste ceremonie est plus vraye & remarquable qu'vne autre nouvellement inuentée d'vne chaire de marbre qui n'a entrée ny issuë, & vient de cest erreur populaire de Ianne la Papeffe, dont la refutation est ample dans le liure du Sieur de Raymon.

Vtrumlibet.*Lequel qu'il vous plaira.*

L'OLIVE, ensemble la Masse d'armes, Deuise de Paix ou de Guerre, se peut montrer aux ennemis, leur offrant le choix de l'un, ou de l'autre,

ainsi que faisoient les Antiques par le Caducée, avec la Lance: mesmes les Romains aux Carthaginois, ou bien par deux lances ensemble, assaüoir l'une à roquet, & l'autre à fer esmoulu.

Vn Ambassadeur Romain s'enferma dans vn Cercle qu'il auoit fait d'vn baston en la poussiere, jurant de n'en bouger, qu'il n'eust certaine responce de paix ou guerre; voyant qu'on ne luy disoit autre chose, sinon qu'on luy auoit mis en main deux balottes, l'une de paix l'autre de guerre, il les remporta toutes deux à Rome pour en laisser le choix & auiron à son peuple. Minerue pour auoir esté inuentrice de l'Oliue signal de paix, eut la prerogatiue de donner son nom à la docte Cite d'Athenes.

Agere & pati fortia.



Faire & souffrir choses difficiles.

A PRES que le superbe Tarquin eut esté chassé de Rome en vengeance de la chaste Lucrese, Porsene Roy des Toscans s'efforçat le réintégrer assiegea de si pres les Romains qu'ils se virent en grand danger, dont Sceuola print


print resolution d'aller en l'ost ennemy & y faire vn coup, pour la deliurance de sa chere patrie, mais par mesgarde ayāt tué vn financier empourpré, il en receut en son cœur si grand desplaisir & regret d'auoir failly & pris l'vn pour l'autre, qu'il en mit volontairement sa main dans le feu, en presence de Porfene, qui fut si espouuanté de ceste constance, qu'il se desista de son entreprise, & leua le siege. Toute l'histoire Romaine est remplie de tāt de vertueux faits & courageux mespris de la mort, tant en l'vn qu'en l'autre plus fresse sexe, qu'à bon droit toutes les autres nations y peuvent prendre des exemples de cōstance & genereuse resolution. On en pourroit trouuer autant ou plus en nos Gaule-François, si ce n'estoit que nos ancestres ont esté plus adonnez à bien faire qu'à bien dire, comme i'ay discouru en vn Poëme au deuant de l'histoire du Sieur du Haillan.

Lex exlex.*Loy sans loy.**Valere
le grad.*

ANACHARSE Philosophe Royal
 accomparoit les Loix, aux Toi-
 les des Araignées, lesquelles prennent
 & retiennent les petites Mouches, Pa-
 pillons, & autres bestions, & laissent

passer les gros & forts, ce que demesme font aussi les Loix, qui par mauuaise interpretation ne lient les riches, & puissans, mais sont rigoureuses, & contraignent seulement les pauures, imbecilles, foibles & petits. Et toutesfois Chryssippe Stoïcien, dit que la Loy est Royne de toutes choses diuines & humaines, la presidente des bons & des mauuais, la regle des iustes & iniustes. Demosthene cõtre Aristote. Que tous doiuent obeyr à la Loy, forts & foibles, & y conformer ses mœurs, comme estant vn don & inuention de Dieu. De vray les Loys quoy que sainctes, profiteroient peu sans les bonnes mœurs : & dit Tacite, que parmy les peuples septentrionnaux les bonnes mœurs y valent plus, que parmy les Romains les bonnes Loix. *Cur lex non omnibus aqua? Quia non omnes equi,* & les gibets sont faits pour les mal-heureux.

Tutus ab igne sacer.




Sacrè exempt du feu.

*Plutarque.
Valer.
Max.*

LE Litue, bastõ Augural, & aupara-
uant Iceptre d'Ivoire de Romme, ne
futaucunement bruslé par les grands
feux de Rome : ains fut trouué dans

iceux, tout entier, sans aucune lesion.

Ce que les Romains embabouinez de par Numa leur second Roy, imputerēt à Religion, voire à prodige, que le feu eust pardonné à vn baston courbé, auquel ceux qui deuinoient par le vol, caquet & manger des oiseaux, se faisoient dans le Ciel des regions bornées. Au reste toutes les deuinaillies n'estoient que pures superstitions & folies, comme Caton le recognoissoit, disant qu'il s'esbahiroit si vn deuin rencontroit vn autre de son mestier, & qu'ils se gardassent tous deux de rire. Aucuns ont pris de ce baston Augural, l'origine de nos Crosses, lors que le grand Constantin transféra en la religion Chrestienne & aux Pontifes d'icelle, les marques qui attiroient les Payens à honorer les faux ministres des Idoles.


Parce imperator.*Pardonne grand Capitaine.**Appia.*

M. Secua, vaillant soldat en l'armée de Iul. Cesar, cōbatant aux escarmouches d'entre ledit Cesar & Pōpée, à Duras, apres auoir eu vn œil creué, & luy auoir esté son corps percé en six diuers lieux tout outre, fut encore trouué

son Bouclier auquel estoïent plantées six
vingts flesches: & en outre estoit atteint *Cesar.*
ledit Bouclier, ainsi que Cesar mesmes *Suet.*
escrit bien de deux cens trente pertuis. *Valero.*

Ce neantmoins fut par luy la porte du
fort tresbien gardée, qui luy auoit esté
commise. D'auant le ledit Sceua, vne
autrefois resistant feu en vne bataille en
Gaule, & s'estant nié sur ses ennemis,
côme il eut receu vn coup: trauers la
cuisse, s'õ visage luy estre reboulé à coups
de pierres, son morion rompu sur la te-
ste, t'õbé son bouclier tout percé, & son
espée en pieces, se ietta hardiment en la
mer, armé qu'il estoit de double corce-
let, & fit tant à la nage, parmy les ondes,
qu'il auoit fait rougir du sang des enne-
mis, qu'il gaigna la compagnie de ses
gens, là où se voyãt desnueé deses armes,
chose illicite en art militaire, se print à
crier à son Prince, nonobstãt les trauaux
de sa fortune, capitaine, pardõnez moy,
i'ay perdu mes armes. Telle fut dõcques
la proüesse & vertu dudit Sceua, lequel
en recompense de ses merites, fut mis en
honneur & estat de Centuriõ ou Cõte-
nier digne certes de pl⁹ hautes charges.

Euertit, & aqnat.



Abat, & aplanit.


*Frois-
sard.*

GVILLAVME de Henaut, Comte d'Ostrenant, fils aîné du Duc Albert de Bauieres, Côte de Henaut, Hollande, & Zelande, portoit en l'an 1390. en Deuise la Herse, figurée d'or en son estendart, lequel fut desployé en l'armée Chrestienne, contre les Sarrasins, deuant la ville de Maroc en Afrique ou

Barbarie. Comme la Herse doncques renuerse & esgale les motes & choses groumeleuses du champ, aussi peut le bon Prince en ses pais par ses Loys, & ordonances abbattre & exterminer les meschans & mutins, qui s'esleuent en mal-faisant, contre son autorité & puissance.

Froissard au 4. volume narre, que les Chrestiens souffrans de grandes mesay-ses en ce siege, es grandes ardeurs de l'esté, furent vne nuit assaillis par toute la fleur de la Cheualerie Sarrafine, & eussent couru fortune de leurs vies, s'il ne se fust presenté vne vision d'vne Dame excellēte en beauté, assistée d'vn escadron de pucelles portās vn Gonfanō blanc, vestues de mesme pareure, dont les mécroysans prirent telle espouuante, que les Baptisez pour ce coup furent garentis du danger ineuitable, & tindrent bon iusques en hyuer, que la dis-sension des Geneuois empescha le cours des victoires des Barons de France.

Uterius tentare veto.



Ne passez outre.

Les Theologiens tiennent que par la seule lumiere de Nature, il a esté & est impossible aux Philosophes comprendre le Mystere de la S. Trinité. Avant l'aduenemēt de Iesus-Christ, estoit desia insinué entre les Gentils, & Payēs, le mystere de la sainte Trinité. Designée prophetiquement par la Triple Statuë du Dieu des Sabins, qu'ils nom-

moient *Sanctus Fidius & Semipater*. Le-^{Bien.}
 quel par eux fut porté à Rome, le disans ^{Fla.}
 estre de Triple nom, encores qu'à la ve-
 rité ce ne fust qu'un. Et combien qu'ils
 eussent tous trois un temple dédié au
 mont Quirinal, si est ce que ledit tēple
 ne portoit le nō que de l'un. Pour abre-
 ger la persuasion des hommes, touchant ^{Plin.}
 ladite Triple Statuë, qui est si gran-
 de, qu'elle obtint miraculeusement au-
 thorité de serment: auquel estoit enten-
 du sous vne Trine puissance Diuine, le
 Dieu Fidius, qui estoit le Dieu. Or e-
 stoïēt ces trēfantiques Sabins fort reli-
 gieux, à raison dequoy furent ainsi ap-
 pellez. Les Juifs mesmes qui estoient la
 gent eleuë ne l'ont peu entendre par les
 obscurs caracteres du vieil Testamēt, &
 les 72. interpretes, au lieu de tourner
Baisez mon fils. Ils ont dit, *Receuez la*
discipline. Graces à ceste saincte & indi-
 uiduë Trinité, qui permet aux Baptisez
 en elle, & par elle de cognoistre par vi-
 ue foy, & adorer vne seule essence diui-
 ne en trois personnes, sans priorité ny
 posteriorité.



Exod.
 21.
Deut.
 15.

PAR la Loy rigoureuse de Moÿse, quand le Serf auoit accomplÿ son terme prefix & destin      seruitude, il auoit le choix de s'en aller en libert   : ou bien de tousiours demourer en seruitude avec son maistre, s'il luy plaisoit. Chose que s'il choisissoit de faire, son maistre luy perçoit l'oreille avec vne Alefne. Et estoit telle seruitude volontaire. Ainsi que doit estre celle du bon Chrestien, libre seruiteur, selon la Loy de grace: presentant son oreille    Dieu,    ce qu'il luy plaise de la luy r  dre apte & capable d'entendre ses saincts com-

mandemens : Grace plus grande qu'il puisse receuoir , & celle qu'il semble que le Psalmiste dise auoir receu , par ce traict : *Aures autem perfraxisti mihi.* Aucuns prennent le passage de Mosaique surdit autrement, disans que la seruitude volontaire, estre des Serueurs es choses terrestres, & mondaines, & ne se voulans retirer, mesmes au bout de leurs aages, à la liberté spirituelle, qui est le seruice de Iesus-Christ, l'Oreille desquels aussi est notée pour ceste cause, de perpetuelle inobedience. Et puis qu'il est escrit *Voluntatem timentium se faciet Dominus.* O combien est heureux l'esclau, qui peut tât vers son Seigneur, que de le forcer à accôplir sa volonté. Les seruiteurs de Dieu sont Roys de Royaumes plus amples & excellens que toute la rondeur de la terre, nulle oreille n'a iamais oüy, nul œil n'a veu, nul cœur n'a conceu les ioyes que Dieu a préparé à ses seruiteurs fidelles.

Sic terras turbine perflat.



DI E V nostre Createur, selon saint
x Pieres Pierre, saint Iaques, & S. Luc,
Isq. 4. resiste aux orgueilleux, fiers & hau-
Luo. 1. tains, & donne grace aux humbles. Et
 en ce semble estre imité par la Foudre,
 qui de sa nature laissant les choses bas-
 ses, tombe coustumieremēt sur les hau-

tes. Ainsi que meisme tesmoigne Horace, disant :

*Sapius ventis agitatur ingens
Pinus, & celsa grauiore casu
Decidunt turres: feriuntque summos
Fulgura montes.* Horaca.


Et encôres Ouide.

*Summa peris linor, perflant altissima venti,
Summa peris dextra fulmine missa Iouis.*

Il n'est pas icy le lieu de discourir des trois principales especes de foudres. Mais ie reciteray deux vers que fit Gouean Portugais adressans à vn Conseiller de Bordeaux, nommé Prejant du Val, lesquels il luy bailla en forme de Placet.

*Cùm tonat, ad cellas celeri pede vallius imas
Confugit, in cellis an neget esse Deum?*
Auquel ce docte Senateur celebré par Bucanan, fit cette prompte responce:
*Antoni, genus hoc vestrũ Marana prepago,
Et calo, & cellis abnegat esse Deum.*

Calitus impendet.



DENIS Tyran Sicilien, voyant vn
 Diour vn sien flateur, nommé Da-
 mocles, qui le loüoit merueilleusement
 pour sa grande magnificēce & opulen-
 ce, iusques à dire qu'il l'estimoit estre
 le plus heureux que iamais homme n'a-
 roit

uoit esté, se print à luy respondre en telle maniere: Damocles puis que tu prens plaisir à ceste vie que ie meine, veux tu essayer ma felicité, & gouter de ma fortune? Ouy Sire, dit Damocles: s'il vous plaist. Alors le Tyran fit en grand appareil acouter vn beau grand lit d'or, couuert d'vn tapis de riche broderie: dresser force bufets parez de vaisselle d'or, & d'argent tresingenieusement grauée, & faite par riche artifice, apres ordonna plusieurs beaux ieunes pages se tenir autour de la table, où Damocles fut assis, prests à accomplir tout ce qu'il luy plairoit commander. Dauantage estoient mises senteurs, chapeaux de fleurs & force parfums odoriferans. La table couuerte de viandes delicieuses: par moyen qu'en telle sorte s'estimoit Damocles le plus heureux du monde. Iusques à ce que le Tyran cōmanda qu'une tranchante Espée toute nue, fust pendüe au plancher, tenant seulement à vn poil de queuë de Cheual, la pointe droit sur la teste de ce bien-heureux Boufon. Lequel se voyant adonc si proche de tel eminent danger, se desgouta

de toute ceste Beatitude: n'ayant plus le regard tendu à contempler la beatitude de ces beaux ieunes pages, ny au grand artifice de la vaisselle Royale, luy faisant aussi toute viande. Tellement que les chapeaux de fleurs luy tomboient par terre, tant que finalement il pria le Tyran, de luy donner congé de quitter tel lieu, ne voulant plus estre bien-heureux en ceste façon. Enquoy ledit Tyran assez declaroit, qu'il n'y a aucune Beatitude, la où est presente la crainte: Quand principalement elle est entenduë de la dangereuse Espée de vengeance Diuine, pendant tousiours à un petit filet, sur les miserables pecheurs. La conscience sert de mille tesmoins, de iuge sans appel, & de bourreaux. Et pour ce dit le Satyric en la 13.

Prima est hæc

ultra quod se

*Indice nemo nocens absoluitur improba
quamuis*


*Gratia fallacis pratoris
vicerit vnam.*

Satis.*Assez.*

HERACLITE pour faire entendre, que si les Atheniés estoient si bien aisez, que de se cōtēter des dōs de Nature seulement, qu'ils viuroiēt en bonne paix, trāquilité, & cōcorde, ietta de la Farine avec la main dedās vn verre plain d'eau. Le Prophete au 4. des Roys, guerit l'a-
mertume de eaux avec vn peu de farine.

M ij

Vis est ardentior intus.



L'ardeur est plus grande au dedans.

AINSI qu'une Souche creuse & embrasée par dedans, est chose bien à craindre, pour le danger du feu, duquel on ne se donne garde, pour n'y en voir aucune apparence en dehors: Aussi és villes & citez, sont les intestines entreprin- ses, coniurations, & seditiōs plus à craindre, d'autāt qu'elles sont plus ocultes & couvertes. Car à telles choses, est biē difficile de remedier: que premieremēt n'ē forte tresgrand danger, & inconuenient

à la République. Ceste Deuise aussi, se pourroit entēdre d'un Amour secret, & couuert: qui est pareillement chose fort ardente: & souuent de grāde consequēce. Anacreon conclud subtilemēt, De quoy me seruent les armes par dehors, quand ie couue mō ennemy au dedans?

Premitur , non opprimitur.



Verité est pressée, non oppressée.

LE vicil Empereur Galba, seant pour le diferent & proces d'un Cheual contentieux, & voyant par les douteuses depositions destesmoins, que la cōiecture de la verité, en estoit difficile, constitua la propre Nature Iuge d'elle

Sueton.

mesme, à l'imitation de Salomon, lequel defera le iugement de la controuerse, à l'affection maternelle. De maniere qu'il ordonna que ledit Cheual fust mené, la teste enuelopée & bouchée à son abreuoir acoustumé : & que de ce lieu, apres luy auoir esté la teste descouuerte il appartient à celuy chez lequel il s'en retourneroit, ayant beu. Dont apparut par tel moyen, que verité se peut desguiser, mais non toutesfois iamais opprimer. *A veritate laborat sepe ius, at nunquam extinguitur*, dit Pline. Vn Ferrarois ayant perdu vne bourse de mille escus, fit crier qui la luy rendroit, il luy en doneroit cent. Vne veufue qui auoit deux filles à marier pauvres, mais nobles & honnestes, ayma mieux rendre la bourse que la retenir, & sur ce que le marchand luy vouloit imposer qu'elle en auoit soustrait 50. ducats pour la frustrer de son salaire, elle s'en plaignit au Duc, qui adiuagea la bourse & les mille escus à la gentil-femme, de fait qu'elle ne fut pas au marchand, puis qu'en la sienne il y auoit mille & 50. ducatz.

Magnum vectigal, parsimonia.



Espargne grand reuenu.

LE Herisson se iettant en queste, ne se contente seulement de se paistre des fruits qu'il rencontre, ains encor se couche & roule par dessus : afin d'attacher de ses pointes ce qu'il peut, tant des vns que des autres. En ceste façon les emporte en sa cauerne, pour s'en nourrir long temps apres, peu à peu. En quoy nous fait apparoir, que pour auoir du bien, ce n'est pas le tout que de posseder plusieurs terres & reuenus, ains d'estre soigneux, & diligemment vser d'espargne, qui est vn reuenu tant assure, & si grand, qu'il contraint ordinairement

les riches & grands despensiers, devenir à recours aux petits ménagers, & bien dispensans les choses.

Ingenij largitor.



IL n'est que la nécessité, pour faire inventer les habiletz, & subtils moyès. Comme naturellement demonstre le Corbeau, duquel Pline fait mention, qui estant pressé de soif, & neantmoins

ne pouuant aduenir à boire sur vn monument, dans vn seau, auquel residoit eau de pluye, porta & ietta tant de pierres dans iceluy, qu'en fin croissant le monceau, fit remonter l'eau pour boire. Qui auoit appris à cet oiseau ce secret de nature, que toute chose pesante tend contre bas, & legere se porte en haut? Celuy qui riant a dit que le premier maistre es arts s'appeloit Gaster l'a pris du Poëte Perse,

*Quis expedit psittaco suum χῶπε,
Picásque docuit verba nostra conari?
Magister artis ingenique largitor
Venter, negatas artifex sequi via.*

Par necessité Dedale inuenta la façon de voler par l'air.

Vindicta trahit exitium.



Vengeance attire perte extreme.

*Des In-
ges 15.*

VOLONTIERS ceux qui conspirēt vengeance, & qui la portēt, en sont punis les premiers. Ainsi en print il aussi és trois cens Renars, qui porterent les brâdons que Samson leur attacha à trauers les bleds des Philistins, pour les brusler. L'estoy present quãd le Cardinal Comendõ vsa de ceste similitude en la harãgue qu'il fit aux Polacha Vvarsau, les incitant à la concorde en l'election d'vn

Roy, & parangonant les diuerſes hereſies aux Renards courans çà & là ayant le feu en leurs queuës.

Aequentur summa imis.



Soient les grands egalez aux moindres.


TARQUIN le Superbe, pour faire entendre à son fils son intention, sans se fier d'en cōmuniquer autrement à vn Gentil-homme que son dit fils luy auoir

*Tite
Lius.
Valere
le
Grand.*

enuoyé, s'en alla pourmener dās vn iardin, & là se print à abatre avec vne baguette les testes des plus grands Pauots, & ainsi renuoya le messager sans luy dire autre chose, ny sans luy bailler aucunes lettres. Dōt son fils fort bien interrogea ion Gentil-hōme de tous les principaux points, de ce que le Roy son pere auoit dit ou fait, & sur ce qu'il n'oublia à luy rapporter les gestes du Roy, tenāt ce bastō sur les plus hauts Pauots, le fils qui n'estoit pas grūē comprit aussi tot le conseil de son pere, duquell l'intention n'estoit autre, sinon qu'il luy plaisoit que les grands & puiffans personages des Gabiens, dōt il estoit question, & entre lesquels sondit fils auoit grandement insinué son autorité, par ruse fussent chastiez & punis capitalement. Et ainsi par celle façō de faire ambigue, fit telle responce sanguinaire. Cōsiderant, s'il est à presumer, qu'vn Prince pour pacifier ses païs doit rendre les plus Grands obeissans. C'estoit en effet vn conseil & vn acte digne d'vn superbe qui le donnoit, & d'vn felon qui le receuoit, trahissant ceux chez lesquels

HEROÏQUES. 189
il s'estoit refugié, & qui l'auoient trop
bien traicté.

Ecquis discernit verumque.



Qui separera l'un de l'autre.

PAR le crible, sont entendus les gens
de bien, lesquels, comme le crible
purge le bõ blé des mauuaifes graines :
aussi sçauent-ils bien discerner le bon

190 D E V I S E S
sçauoir d'auec le mauuais, ce que ne
font les meschans, qui le prennent sans
cribler.

Hac illac perfluo.




Le coule çà & là.

LE Tonneau des Danaïdes, selon
les Poëtes, est tant trouié & percé
de tous costez, que tant que l'on y peut
verser, il coule & iette dehors. A tel ton-
neau-doncques, ou semblable, Plutar-
que, Terence, & autres Auteurs accõ-

parent les Langards, les Ingrats, & les Auares. Pour autant que le Langard & causeur ne peut rien tenir de secret, mais iette tout dehors. L'ingrat & mesconnoissant ne sçait gré du bien qu'on luy fait, & l'Auare iamais n'est remply ny saoul. *Plenus rimarum sum, hac illac perfluo*, dans le Comique.

Virtutis Fortuna comes.




Fortune accompagne vertu.

LES Peintres cuidans gratifier ou flatter Timothée Duc d'Athenes, à cause de sa richesse & pouuoir, peignirent son effigie dormant : & auprès d'elle, Fortune, qui luy presentoit des Villes encloses dans rets ou filets. Dont toutesfois ledit Timothée fut marry : voyant qu'ainsi ils attribuoient plustost sa felicité à Fortune, qu'à Vertu. *Plutar.*

tarque dit que c'estoient ses ennemis, auxquels il dit, Si ie prens tant de Villes en dormant, que sera-ce quand ie seray du tout resueillé ?

Prohibere nefas.



N'est permis l'empescher.

*Aristot.
Pline.*

L'AMPHISBEINE monstrueux serpēt, ayāt vne teste en la queuë, ainsi qu'au deuāt, de laquelle il mord, s'auāce & recule, quand il luy plaist, pourroit bien estre la Deuise d'un tas de traistres à deux visages, & ennemis domestiques : desquels le danger est si grand, qu'il n'y a espece de peste plus dangereuse pour nuire, que telle race de gens, selon


Ciceron.

HEROÏQUES. 193

Ciceron. Qui sont les meschans, dont
dit aussi le commun prouerbe.

*Tel par deuant fait bon visage,
Qui derriere mord, & outrage.*

Tu decus omne tuis.



Tu es l'honneur des tiens.

LA vraye Gentillesse entre les li-
gnees, a prins son origine premie-
rement de quelques actes memorables,
proüesses & faits insignes, ainsi qu'il ad-
uint à celle de l'illustre Lyfimac Mace-
Tro: pomp:

N

donien, lequel par cōmandement d'Alexandre, exposé en proye d'un fier Liō, esprouua de telle forte sa vertu, luy iettāt la Main dans la gueule, qu'il luy arracha la lāgue, & l'estrangla sur le champ. Au moyen dequoy il rentra si auant en la grace de son Roy, que par l'authorité & puissance, en laquelle il le cōstitua, il fit bastir la Ville de Lysimaquie, laquelle il luy pleut ainsi nommer de son nom.

Le Lion de Nemée est mis entre les douze trauaux de ce grand Hercule chasse-mal. Et puisque nous sōmes sur la défaite des Lions, le Sire de Coucy entreprit de combatre vn Lion espouuantable, & fut guidé au lieu de son repaire par l'hermite Nortbert, qui le luy mōstra à dix ou douze pas : dont le vaillant cheualier luy dit, Tume l'as de prés monstré, & de là vint la denomination de l'Abbaye de Premōstré, chef de tout l'ordre blanc, dont ledit Sieur fut fondateur pour ceste victoire. Nous auons veu souuent en la grand' sale du balà Fontaine-bleau la peinture du combat, auquel s'exposa de son bon gré vn Gentil-homme, qui avec l'espée & l'esc-

HEROIQVES. 195
pette défit vn cruel & puissant Leo-
pard.

Vsqe recurrit.



Toufiours retourne.

ENCORES que Nature se puisse au-
cunement diuertir, si est-ce qu'elle
tend toufiours à retourner en sa premie-
re inclination. Ainsi que l'on void d'un

N ij


Arbre treillé, duquel, combien que les branches soient retenues par force, neantmoins s'en vont, & reiettent les nouveaux fions, où ils tendent naturellement. Et ainsi en prêt-il des autres choses, mesmes des bestes, & gens, surquoy court le commun proverbe : *Qu'on ne scauroit faire d'une Buze, un Esperuier. Ny aussi d'un vilain un Noble.* Et à la verité, le mortier sent tousiours les aux.

*Naturam expellas furca, tamen usque
recurrat,*

Natura sequitur semina quisque sua.

La Palme s'elcue en haut contre son poids. Les autres arbres bien que courbez retournent en leur naturel, & ainsi se trouua que S. Marcel de Chalons sur Saone fut lié pieds & poings à quatre arbres d'égale distance, & les branches se reguindant en haut, mourut en ce long & cruel Martyre.

Quocunq̃ue ferat.



Quelque part que ie tombe.

CATON disoit qu'il seroit bon que le Palais fust ionché & parsemé de chauffe trappes, afin qu'il fust moins hâ-té & frequenté des plaideurs. La chauffe-trappe de sa forme, est tousiours dangereuse, & preste à nuire en quelque lieu qu'elle tombe, pour auoir vne pointe aigue, & droite dessus. Aussi les malicieux, & meschans, ne se trouuent ia-

mais sans porter vn malencontre à ceux
qui le suiuent, ou s'en accompagnent.

Spe illectat inani.



Alaitté de vaine esperance.

L'ENCHANTEMENT & illusiõ des
choses mondaines, font de loing
tre grande promesse aux mortels : & les
allechent de grande esperance : mais de

prés ce n'est que vanité, & abusion.
Ainsi que peut démonstrer le Leurre de
Fauconnerie, deceuable rapeau d'Oi-
seaux gentils, dont les vns se disent de
poin, les autres de Leurre que Monsieur
de Thou nomme Lorarios.

Vlteriùs ne tende odiis.




Ne passe outre par ta haine.

LA puissance humaine ne peut aller,
& ne doit contrevenir à la Diuine:

Grég.
Naz.

ainsi qu'il fut demonsté à l'Empereur Valens , lequel comme taché de l'erreur Arienne, ayant escrit plusieurs choses concernans l'exil & bannissement de saint Basile , il ne fut toutefois en son pouuoir de paracheuer: pour autant que sa plume refusa à rendre ancre par trois fois , & ce nonobstant , passant outre à signer & confirmer telle Loy, ou ordonnance pleine d'impieté , se vint à mouvoir sa main dextre , & trembler de telle sorte , qu'adonc surprins qu'il fut de peur & grand' crainte , rompit luy mesme à deux mains toute son ordonnance reduite en forme de constitution.

Autant de fois qu'Ælie Adrian s'est efforcé faire rebastir Hierusalem , & la nommer Ælie de son nom : Dieu a autant monstré de Miracles , fait crouler les fondemens avec flammes prodigieuses , demeurant la victoire deuers le Dieu des armées.



Cest aage sent sa diuinité.

SVR l'aduenement d'Auguste Cesar à l'Empire, apparut à Rome, selõ Pline, à l'environ du Soleil, cõme vne Corone d'estoiles, ou d'espics de Blé, ensemble des Cercles de diuerses couleurs. Vray est que Suctone faisant mentiõ de tel signe, ne parle que d'vn Cercle seule-

Suctone dans Aug.

ment, en semblance de l'Arc en ciel: re-
nant tourefois ainsi que dessus toute la
rondeur du Soleil. Mais Dieu confir-
mant de plus près l'opinion de Pline, dit
oultre la mentiõ qu'il fait d'vne Estoille
non accoustumée adonc apparoiſſant,
qu'il sembloit à voir, que la lueur du So-
leil se diminuast, & s'offuscast: semblant
encores qu'en iceluy fussent trois Cer-
cles, l'vn desquels se demonstroit, cõme
environné d'espics de Froment. Et d'a-
uantage en autre lieu plus auant, dit en-
cores ledit Dion, que le Soleil (comme
dessus) se diminuant & offuscant, luisoit
aucunefois la nuit. Tant y a, apres toute
opinion, que du temps dudit Auguste,
naquit Iesus - Christ nostre Sauueur,
vraye lumiere, & Soleil de Iustice, du-
quel l'aduenement apportant aux hu-
mains toute abondance, pouuoit aussi
bien estre demonsté par le tesmoigna-
ge des cieux, que fut sa mort & passion,
selon l'Euangile, auquel temps le Soleil
perdant sa clarté, se firent tenebres vni-
uerselles. Et ne fait à esmerveiller, si les
signes annonçans la Natiuité du fils de
Dieu, ont esté obseruez des Payens, en
ignorãce de luy neantmoins, & leur ont

esté admirables, veu que les prodiges apres tesmoignans tât sadite passion, que resurrection, ont esté trouuez merueilleux. Ce que furent les tenebres de la mort à saint Denys, estudiant lors avec Apollophanes son Precepteur en Egypte. Qui cognoissant par son grand sçauoir le Soleil s'estre obscurcy en pleine Lune outre nature, se print ainsi que dit Suidas à faire tel cry & exclamation: *Aut suida.*


Deus Nature patitur, aut mundi machina dissoluitur. Ou le Dieu de nature souffre, ou la machine du monde veut tōber en ruine. D'auantage quant au grand trēblement de terre, qui aduint à sa resurrection, Pline, si bien l'on considerela cōcurrence du temps, en peut auoir assez apertement escrit en cette maniere: *Ma-* Pline

ximus terra memora mortaliū existit me- Livre 2.
tus, Tiberij Cesaris principatu, XII. urbibus
Asie una nocte prostratus: Le plus grand trēblement de terre, qui soit de memoire d'homme, est celuy qui aduint au temps de l'Empire de Tibere: par lequel en vne nuit, furent ruinées douze citez en Asie.

Ceux qui voudront lire Plutarque du defaut des Oracles, y trouueront l'histoire d'Ataman & de la voix, qui d'vne

Isle deserte, luy annonça que le grand Pan estoit mort : figurant souz ce nom Grec , celuy qui est tout en tout.

Haud sedit inane.




Le vuyde ne va au fonds.

L'OEUF leger & pourry mis en eau, nage & flotte par dessus : & le frais, plein & pesant, descend tousiours, & va à fonds. Surquoy peut-on considerer, que d'autant qu'il y a plus d'ignorance en vn personnage, & plus il est impudēt, & effronté, aimant à estre veu apparent,

*Plin.
Quin-
tilian.*

haut monté, & grand : & aussi d'autant qu'il y a plus de sçauoir & d'intelligence en vn homme, & plus il est modeste, humble & haissant toute folle & exterieure ostentation.

Infringit solido.



Se brisera contre le solide.

VOULANT calomnier vn personnage, ferme, magnanime, & constant, la calomnie retourne contre le calomniateur : Ainsi que fait vn trait ou fiesche contre l'Archer, l'ayant tiré contre vne pierre dure & solide.


Sans autre guide.



LA Montioye des Pelerins, en brâches
 nouïées de Geneste, ou autre arbre,
 ou petits moncelets de Pierres, pour re-
 marquer & adresser leurs chemins, re-
 presente cy, que seule Vertu est la guide
 pour suiuir les brisées de felicité. Ceux
 qui ont esté à S. Iaques & autres lieux,
 sçauent que cest Alciat grand Iuriseon-
 sulte a fait vn Embleme d'vn Mercure
 assis sur vn monceau de Caillous, mon-
 strant de son Caducés le droit chemin

HEROIQUES. 207
aux passans, & pour subscription. *Quá
dij. vocant eundum.*

Fata obstant.



Les destins l'empeschent.

POUR paruenir à quelque felicité, & bonne fortune, le chemin est difficile & mal aisé: ioint que pauureté y nuit, & empesche.

L'embleme figure vn enfant ayant

l'un des bras aisé, & vne pierre de taille attachée à l'autre : la pauvreté deprime les bons esprits en ce siecle de fer.

Terit & teritur.




S'vse en vsant autruy.

AINSI que la Pierre & polissant
 aguivoir, se gaste, s'vse & mange,
 en rongant les ferremens : aussi
 les meschans, & plaideurs volontaires
 & obstinez, sont contens de se
 ruiner,

ruïner & destruire, pour ruïner les autres: ils se veulent bruler pour en échauder.

Sic præda patet esca sui.



La viande met en proye.

LE grand bien que le poisson appelé Pourpre ou Porfire, reçoit de sa Langue, est d'autant à estimer, que c'est son moyen de viure: prenant la proye avec icelle. Et aussi le mal que souuent luy en aduient, est d'autant à craindre, que par


là, il prend la mort : estant tousiours pris du Pescheur par la Langue. De mesmes donques la Langue humaine sagement faisant son office, est vn tresor inestimable. mais aussi la jangleresse, causeuse, & desgorgée est d'autant à redouter, qu'elle est venimeuse : estant aussi appelée vulgairement, *Grand Langue*, & par ainsi tousiours representee par celle du Pourpre, qui est fort grande, à la fin de laquelle dans la gorge, a encores ce poison l'humeur empourpré qu'il iette : comme fait aussi la meschante Langue de ses actes, & yssues : qui sont bien souuent sanguinaires.

Ronsard dit qu'Hercules, voyant que son chien qui auoit auallé vne Pourpre en auoit le museau teint, inuenta ceste teinture d'escarlata, dont y a de trois couleurs, rouge, violette, blanche.

Candor illaesus.*Blancheur non souillée.*

LE Pape Clement de Medicis, VII. de ce nom, auoit pour sa Deuise vne Comette, ou Estoile à queuë. Aristote à ce propos escrit, que tout ainsi qu'une Comette, ou nouvelle Estoile apparoissant, signifie aux humains vn grand bien, ou vn grand dommage: aussi l'aue-nement d'un nouveau Prince, apporte à la Republique, ou bon heur, ou totale ruine.

Prosper uterque mari.




*L'un & l'autre d'heureux Augure
en mer.*

L'APPARITION de deux Feux ensemble, que iadis les Antiques nom-

moient Castor & Pollux, que les marini-
 ers modernes, nomment saint Her-
 me, est estimee sur la mer à tresbon si-
 gne. Et celle de l'un d'iceux seulement,
 est tenuë à mauuais presage. Pareille-
 ment l'amour coniugal, reciproque, &
 reluisant ensemble, arriuant en tour-
 mente de mariage, & Republique de
 mesnage, est signe de tranquillité, affeu-
 rance, bon-heur, & allegement. Mais
 aussi la distraction, élongnement, & di-
 uorce entre les deux parties, signifie in-
 conuenient, trouble, dommage, desplai-
 sir, & ruine. Autrement peut demon-
 strer aussi la separation de ces deux
 Feux, le danger qui peut aduenir, quand
 la seule force & puissance se vient à se-
 parer de Sapience.

L'amour coniugal de Gracchus vers
 sa femme Cornelia fut si grand, qu'e-
 stans apparus deux serpens en sa cham-
 bre, & aduertty par les Deuins, qu'il fal-
 loit que luy ou sa femme en mourust, il
 fit tuer le malle, & ainsi prefera la vie de
 sa femme à la sienne propre.

Sic spectanda fides.




Ainsi se doit esprouver la foy.

Si pour esprouver le fin or, ou autres metaux, l'on les rapporte sur la Touche, *lapidem Lidium*, sans qu'on se confie de leurs tintemens, ou de leurs sons: aussi pour cognoistre les gens de bien, & vertueux personages, se faut prendre garde à la splendeur de leurs œuures, sans s'arrester au babil. Sainct Paul dit que sil n'auoit la charité mere des bon-

HEROÏQUES. 215
nes œuvres, il seroit comme l'ayrain
sonnant.

Sic violenta.



Ainsi les violentes.

RIEN de violent n'est de duree. Tou-
te violente crierie, est coustumiere-
ment de nul effect : ainsi que d'une Tri-
quette, ou Tarteuelle, que les petits en-

fans de Paris appellent Cresserelle, du nom d'un Oyseau faisant pareil cry, & s'en sert-on depuis le Jeudy absolu, iusques au Samedi de Pasques, au lieu de Cloches.

Terror & error.



Terreur & erreur.

3. De-
cade de
Tite
Lius
x. liors. **C'**EST fait en Prince magnanime,
prudent, & bien aisé, & bon Capi-
taine, de tourner nécessité en vertu: & se
retirer ensemble son armée, hors du dā-
ger de ses ennemis, par ruse & sans coup

HEROÏQUES. 217

frapper, les espouuantés seulement comme fit le gētil Annibal, liant de nuit des Fagots ardās sur les testes de ses Bœufs. Et par ce stratageme de guerre, Annibal tira son armée d'vn destroit de montagne, les Romains l'auoient enclose.

Poco à poco.



Peu à peu.

DE mesmes que l'on peut veoir les Herbes venuës, & nō point les ap-

O v

perceioir croistre: aussi se peuvent voir
les Vertus cruës, & non pas croistre: ny
discerner leur lent accroissement.

Aemula natura.



Contre-faisant nature.

Sueton.
no.

CONTINVELLE exercitation peut
tant, qu'elle peut imiter Nature,
comme fit apparoir Domitian Cesar,
lequel estoit si fait & industrieux à tirer

à l'arc, qu'il tira en la teste d'une Beste
deux fleches si droit qu'il sembloit qua-
si que ce fussent des cornes naturelles.

L'auteur de la Franchise des Suisses
contraint d'abatre d'un coup de fleche
sur le chef de son enfant, s'y comporta si
dextremēt, que tombant la pōme, l'en-
fāt ne fut point blessé. Et cōme le Lieu-
tenant de l'Empereur luy eut deman-
dé pourquoy il auoit mis trois fleches
en son Carquois, Si i'eusse, dit-il, failly à
la premiere, ie t'eusse tué de la secōde, &
moy-mesme de la troisieme : & ce fut
le suiet de la reuolte.

Renouata iuuentus.



*Gregoi-
re.*

L'ESPERVIER au Soleil, se purge des meschantes plumes : Ainsi deuous nous faire des vices : approchans Iesus-Christ, Soleil de Iustice. Les anciens ont peu cogneu ceste sorte de chasse ou volerie, qui se fait par Esperuiers, Autours & tels oiseaux, desquels on dit que le Gentil-homme est valet, comme il est

HEROÏQUES. 121
maistre des Cheuaux, & compaignon
des Chiens.


Prapete penna.



L'AIGLE esployé, ou à deux testes,
suiuant la commune opinion, com-
mença à estre porté en telle sorte, adue-
nant la diuision de l'Empire : lequel du
temps de Charlemaigne, fut transferé

en Orient & Occident, ou bien, ainsi que dit Lazius, Croniqueur de Ferdinand Roy de Boëme Empereur des Romains du temps de Cōstantin le Grād, lequel diuisa en deux, la Republique Romaine, assauoir l'vne à Rome, & l'autre à Constantinople, ou Cité de Constantin, dit la nouvelle Rome, & en vulgaire Turc STAMBOL, Cité Imperiale, & des plus superbes & magnifiques du monde, fondée par Cōstantin fils d'Helene, perduë par vn autre Constantin, fils aussi d'vne Helene, à present reduite sous la domination du Prince des Musulmans, par les armes de Mermets. Aquoy nous deurions bien penser, que si cela est auenu au verd, que doit craindre le sec? car nos pechez ne sont pas moindres, sans mettre en conte les nouvelles heresies.

Attendite vobis.




Pensez à vous.

CEVX qui discourent sur ceste desolation de tant de belles Prouinces & riches Citez, englouties sous la Tyrā-

nie du Turc, en imputent la faute, sur le scisme des Gregeois, dont quelques Patriarches & autres ont voulu se demembrer du corps mystic de l'Eglise, dont Iesus-Christ est le chef, & son grand Vicaire seant à Rome successeur visible de S. Pierre. Demourons donc vnis en la Bergerie du souuerain maistre, qui se daigne bien dire nostre bon Pasteur, mettant son ame pour les oüailles.

Ce seroit vn tresgrand bien, pour la tranquillité de l'Eglise Chrestienne, que par l'obiet des instrumens de la champestre Bergerie, les Pasteurs de la Spirituelle veillassent tousiours à bien faire leur deuoir, cōme les Pasteurs auxquels l'Ange annonça la naissance du Fils de Dieu, furent trouuez veillans & faisans bonne garde sur leurs parcs & troupeaux. C'est par les Pasteurs qu'il faudroit commencer vne sainte reformation.

Vinit ad extremum.



A vie iusques au bout.

LA Foy, & Amour à son Prince, doit durer inuiolable, & sâs faute ny feinte, iusques au dernier bout. Car quelque vent qui auïene, & qui soufle, la foy ne s'en doit iamais esteindre : ains plustost rallumer, tout ainsi que fait le feu au Brasselet de corde d'arquebuzerie. Les Persans mettoient la perfection de

toutes vertus en l'amour & veneration
de leur Roy.

Captive liberté.




Appian. S'ORTANS du Senat les coniuerez meur-
triers de Iule Cesar, aucûs d'entr'eux
portoyent par Rome, le Chapeau sur v-
ne Lance, qui estoit le signe de Liberté,

pour estre lors la coustume de donner le Chapeau és Seifs, qui estoient quit-tes, & francs, & en ceste sorte iceux meurtriers alloient par les ruës, exhor-tans le peuple à reprendre son autorité Ciuile. De manière qu'ils cuidoiēt a-donc estre en vraye Liberté, combien toutefois qu'il leur en aduint tout le cō-traire, veu que l'an ne fut passé, qu'ils ne fussent tous perdus & tuez, la plus part de leur propre alumelle. Et par ain-si trouuerent que la licence de commet-tre vices, & meschancetez en ce monde, que nous estimons Liberté, est entie-rement Seruitude.

Alciat en fait vn Embleme, où il dit que les Brutes, coniurateurs en firent battre des especes de Monnoyes.

Le bonnet est signe de liberté, & quand on reçoit vn Docteur on luy dō-ne le bonnet. Il se trouuera vn iour lieu de discours de part & d'autre, si les an-ciens ont eu cognoissance de ces bon-nets, & de quelles façons ils couuroiēt leurs testes.

Police souveraine.

EN la Police souveraine sont deux choses, les Lettres & Plumes pour le conseil, & l'Espée pour l'exécution. Heureux celuy, dit Plin l'Orateur, auquel ce bon-heur est donné du Ciel, de faire des gestes dignes d'estre escrits, ou d'escire choses dignes d'estre leuës.


Superstitio religioni proxima.*Superstition proche de religion.*

QVAND le diable, par sa cautele & malice, veut introduire, en ce monde, quelque grád abus, & meschanceté, il tasche tousiours de déguiser & couvrir sa menterie de quelque ombre de vérité: encores que ce ne soit tout qu'illustio, sortilege, & enchantemēt. Ainsi qu'il fit quand premierement il enracina l'opinion, & coustume d'augurer, en faisant croire au Roy Tarquin Prisc. & au peuple Romain, que l'augure Dec. Nauius

Tite
Linc.

auoit coupé avec vn Rasoir, l'entiere
 Pierreaguifoire: comme aussi quād vne
 vierge Vestale tire & met à sec vn grād
 vaisseau attaché de sa ceinture, que tous
 les cables, bras & engins de Rome n'a-
 uoiēt peu esbrāler. TiteLiue est plein de
 tels faux miracles, comme quād il feint
 qu'vn bœuf a parlé, & Iules Obseques
 en a fait vn entier recueil. Delphes, Do-
 done, Hammon, & autres tels faux ora-
 cles n'estoit-ce pas des pures piperies?

De mal me paists.



*Plutar-
que.*

VNE Ventouse, par son feu & appli-
 cation, ne tire que le mauuais sang.
 Et le meschant en son cœur, ne retient
 que les mauuaises choses. Telles Vētou-

HEROÏQUES. 231
ses, & les Pompes seruent de prouuer ce
secret de Physique, que nature abhorre
le vuide.

Fons innocentiæ.




Fontaine de celuy qui inuoque.

SAMSON, inuoquant Dieu à son aide,
se sentant pressé d'extreme soif, fut
secouru d'eau d'oinement, laquelle vint à
fluer par l'vne des grosses dents de la ma-
choire d'Asne, avec laquelle ledit Sa-
son auoit occis mille Philistins. Enquoy ap-
pert que la simplicité merite de rece-
voir la grace de Dieu, par l'infusion
desirée de sa sainte parole, qui est la
vraye Fontaine viue.

L'ange enseigna à Agar de l'eau pour

sauuer la vie à s^o petit Ismaël trop alteré.
 Entre les loüanges que le Prophete
 Dauid dōne à son Dieu, c'est qu'il a fait
 foudre de l'eau en abōdance du milieu
 des rocs & steriles sablons de l'Egypte.

Et l'un & l'autre.



En quelque diferēt qui aduienne, il
 n'est possible que l'une des parties
 puisse contēdre contre l'autre, quelque
 bō droit, ou force qui y soit, qu'elle n'ait
 tousiours la part de l'ennūy & fascherie:
 si du dōmmage ne peut auoir. Et en est
 cōme du jeu de la Panoie, autremēt dit
 du Tiron, auquel n'y a celuy des deux
 tireurs, posé que le plus fort vienne à

emporter le Baston, qui n'y employe
toute sa puissance.

Consultori pestimum.



Tres-mechant au Conseiller.

L mal & punition tôte tousiours sur
ceux qui cõseillent le mal, ou ensei-
gnêt de mal faire. Ainsi qu'il en prent és
Estandars, Enseignes, & Guidons, qui


assemblans & tirans les gens à la guerre, aussi font-ce les premières pièces en danger, & qui ont mal an. D'avantage les boute-feux, en toute querelle & batterie, sont plus punissables, & s'ont les Loix plus rigoureuses contre eux, que contre les frappeurs & batteurs mesmes. Tescmoin dans Esope la fable du trôpette, mis prisonnier, qui se cuidât excuser de ce qu'il ne combattoit pas en fut plus mal traité de ce qu'il donnoit l'alarme aux autres.

*Aul.
Gel.*

Aule Gele, à propos de ceux qui conseillent le mal, recite vne histoire de la meschanceté des Augures de Hetrurie, lesquels ayans esté appellez des Romains, à cause que la statue d'Horatius Cocles auoit esté frappée de foudre, leur persuaderent, cōme leurs ennemis couverts & occultes qu'ils estoient, que ladite statue fust colloquee en lieu à l'escart, où le Soleil ne la peust voir. Dequoy neantmoins furent accusez, tellement qu'après avoir cōfessé leur malice, & trahison, furent mis à mort. Et fut ladite statue mise en la place publique de Vulcā, en lieu apparêt & honorable. D'ont les Enfans (estant telle chose heureusement succedée à la République) commencerent à chanter par

toute la Ville, en desdain, & contre
iceux mal conseillans Augures, Mauuais
conseil à mauuais Conseiller dommageable.

Vu nescia virri.



SCYLURE Cheronesien mētionné par
Plutarque, laissant à la fin de ses iours
octante enfans masles, comme ce nom-
bre n'estoit pas merueilleux, veu que la
pluralité des fēmes estoit lors permise,
leur presenta à tous vne trouffe ou liasse

Plutarque.

de dards, à ce qu'ils essaiaffent l'un apres l'autre, de la rompre. Lesquels toutefois n'en pouuans venir à bout, & luy ayans respondu qu'il n'estoit possible: luy mesmes défaisant icelle trouffe, leur en fit rompre tous les dards separémēt. Leur remonstrant par tel moyen, que tant qu'ils perseuereroiēt d'estre vnanimés, & d'un accord, qu'ils seroient tous iours puissans & grands: mais aussi là où ils se viendroiēt à separer, & distraire, ce ne seroit d'eux que foiblesse & abiectiō.

Pline. Mesme exemple pouuoit-il aussi mettre en auant des pierres de l'Isle Cycladique Scyre, lesquelles selon Pline, estās entieres, nagent sur l'eau: & brisées s'en vont à fonds. Ceste Deuise doncques de dards assemblez, suyuant l'histoire & la nature des pierres que dessus, signifie la force de l'union este inuincible: principalement quand elle est ceinte du bon lien de Prudence, figurée par ce Serpent, que voyez entortiller ceste trouffe, comme pour vn Carquois. *Concordia res parue crescunt. Discordia maxima dilabuntur*, dit Saluste. Geryon que les Poëtes ont feint auoir trois corps, n'estoit que la concorde de trois freres

HEROÏQUES. 237
regnans en Espagne, qui ne peuvent
estre défaits que par la diuision.

Lux publica Principis ignes.



*La lumiere au public ce sont les feux
du Prince.*

*Herod-
ian.*

LE flambeau de feu ardent, qui se portoit par les Romains deuant le Prince, ainsi que l'on voit par plusieurs Monnoyes ou Medailles antiques, & duquel fait mention Herodian, en ce qu'il traite de l'inauguration de l'Empereur Gordian, pouuoit euidentement représenter, que tel Prince, Empereur, Chef d'armée, Capitaine, ou aussi Preteur, qui mesmes du regne des Rois auoit charge, & pouuoir de faire droit, & iustice aux parties, deuoient estre plus clairs, plus luyfants, & lumiere à tous autres.

Ce que le Soleil est au Ciel, cela mesme est le Roy en son Royaume. Sans celui-là le Ciel seroit tenebreux, l'air espais, la terre dure & sterile. Sans celui-cy les Royaumes seroient exposez aux brigandages de ceux de dedans, aux incursions de ceux de dehors, & la vie ne seroit pas vie.

In se contexta recurrit.



Tissue retourne en soy.

BENEDICES *coronæ anni benigni-* psal 54
tatis tuæ, dit le Psalmiste, faisant
 mention de la grãde grace, que la bon-
 té, benignité, & prouidẽce diuine nous
 fait : nous enuoyant annuellement vne

reuolution, couronnée de diuersité de tous biens, s'entresuiuans & tenans de prés, selon leurs temps & leurs faisons, comme des fleurs au Printemps, espics en Esté, fruiçts Automnaux & Hyuernaux. Par le Serpent s'entend l'année, en ensuiuant l'Egyptienne antiquité: & le Demogorgon estoit peint de cette sorte, en Dragon, mordant sa queuë.


Virgile,

Atq; in se sua per vestigia voluitur annus.

Et Ouide au premier des Fastes, parlant du solstice hyuernal, qui est la fin d'une année, & commencement de l'autre,

Bruma noui prima est, veterisque nouissima solis.

Pithone

Pithone perempto.*Pithon occis.*

VENANT à decliner l'Empire Romain, & les antiqués coustumes à se changer, principalement quant à porter en guerre, avec l'enseigne de l'Aigle, assavoir celle du Loup, du Minotaure, du Cheval, & du San-

Q


Claudian.

glier, fut mise en auant celle du Dragõ, amplement mentionnée par Claudian, laquelle pouuoit représenter & signifier Vigilance, requise par tout, mesme en guerre.

La fable du demesurable Serpent Pitthõ occis de coups de fleches par le ieune Apollon, est poëtiquement descrite dans Ouide au 1. de sa Metamorphose, dont le vainqueur se surnomma Pitthien.

Et adiouste ce gentil esprit qu'il en deuint si fier, que d'entrer au mespris du petit Cupidon, qui par despit l'en naura au cœur pour Daphné.

Caelo imperium Iouis extulit ales.



*L'oiseau de Iupiter porte l'Empire
au Ciel.*

LA principale Deuise des enseignes
des Romains, estoit l'Aigle: ce qu'il-

le est encore à present du S. Empire, & fut preferée aux autres par C. Marius: lequel estant paruenü à second Consulat, la dedia entierement aux Legiōs, selon Pline. L'Aigle doncques, pour estre l'Oiseau craint & redouté de tous les autres, & cōme l'on dit leur Roy, aussi a esté choisi pour remarquer le peuple, & la nation plus grande, & qui a assuietry, & mis sous le ioug, toute autre. Vray est que les Romains faisoient à leurs enseignes de l'aigle porter l'image de la Foudre, comme estant dedié à Iupiter, & luy seruant d'escuyer, aussi pour ce que l'Aigle n'est iamais frapé de la Foudre.

Tite Liue dit que Tarquin Prisque venant à Rome vn Aigle luy leua en chemin son bōnet sur sa teste, puis ayāt pris son vol au loin s'en reuint, & le luy remit, qui luy fut vn presage de Royauté: car d'esträger il regna le cinquiesme en la nouvelle Rome, & n'est hors de propos de croire que ce fut luy qui s'arma le premier del'Aigle à vn seul chef. Car l'Empire Romain s'estāt depuis estendu par tout le monde, l'Aigle esployé eut deux chefs regardāt le Leuant & ponēt.

Infestis tutamen aquis.*Defense contre les flots dangereux.*

L'EMPEREUR Sergius Galba qui succeda à ce monstre Neron, seella de la Deuise de ses parens, & ancestres: qui estoit d'vn Chien se baissant, & comme sautant du haut de la prouë d'vn Nauire en bas, qui pourroit estre signe de bon guet, & vigilance en grand peril, & danger, ou vn presage que ce bon Prince se-

roit en bref temps deietté, comme il fut
du throne imperial, par la trahison d'O-
thon. Voyez Tacite au 1. de ses histoires.

Antidoti salubris amaror.




Amertume d'un remede salulaire.

LE moien de faire nostre salut, git en l'imitation du mystere de la passion, & croix de nostre Redempteur: qui est (ainsi qu'il est dit cy deuant) de patiemment porter les tourmens & afflictions du monde, & par ainsi gouster (auec inuocation du nom de Dieu) de l'amertume de ce mystique Calice salutaire, disant vn chacun de nous auec le Psalmiste: *Quid retribuam Domino, pro omnibus que retribuit mihi? Calicem salutaris accipiam, & nomen Domini inuocabo.*

Moyse promet par la Loy escrete toute prosperité temporelle. La Loy de grace ne mignarde pas ceux qui s'y soumettent, elle leur dit que par tentations & aduersitez, il faut paruenir aux cieus: mais aussi elle les couronne de Pierres precieuses en l'autre vie. Le faux Propheete Mahomet pour faire croire à ses songes, promet prosperité en ceste vie & en l'autre, où il figure vn Paradis de delices Epicuriennes.

Cessit victoria victis.




Les vaincus ont eu victoire.

LA sanglante Espée du supplice des saints Martyrs, se conuertit en Palmes de perpetuelle victoire : portans Couronnes du regne immortel, telles que celles que S. Basile tesmoigne auoir esté apportées aux 40. Martyrs de Capadoce. Et non seulement sont appellez Martyrs ceux qui espendent leur sang pour la Foy, mais aussi ceux qui pour paruenir au regne celeste, portent leur Croix apres Iesus-Christ: endurent patiemment les afflictions, tourmens, & opprobres de ce monde : enquoy consiste & gir vne autre espee de martyre.


Il y en a qui mettent la troisieme espee au vœu & conseruation perpetuelle de la virginité, & Erasme au liure de la comparaison du Martyr & de la Vierge dit, que ceste cy est autāt à priser se sacrisant tous les iours de bonne volōté, comme cestuy la qui a offert son sang tout à vne seule fois.

Ny l'œil n'a veu, ny l'oreille entendu, ny n'est entré au cœur humain ce que Dieu a preparé à ceux qui l'ayment.

Flavescent.*Blondiront.*

LE feu Seigneur Horace Farnese,
 Duc de Camerin , auoit pour sa
 Deuise quatre Gerbes verdes , en signe,
 selon mon aduis, que la ieunesse d'un
 Prince doit paruenir à quelque bonne
 & parfaite meureté.

Vt lapsu graniter ruant.



Afin qu'ils prennent plus grand saut.

IL y a perpetuelle inimitié entre le Dragon & l'Aigle : de sorte qu'ils ne se rencontrent gueres qu'ils ne s'attaquent , ou se combattent. Et sont leurs combats plus perilleux , d'autant qu'ils s'attaquent en l'air : là où le Dragon entortillant sa queue à l'Aigle, tō-

bent tous deux en bas. Et ainsi void-on souuent aduenir de deux orgueilleux fiers & hautains.

Cecy s'applique encore à vne autre contemplation de la Iustice diuine, qui souffre pour vn peu de temps les mechans fleurir, en credit, honneurs & biens, puis tout à coup les rauale du feste de felicitez en vn abyfme d'aduerfitez.

Claudian au Panegyric contre Rufin, confesse qu'il auoit douté de la providence de Dieu, iufques à ce qu'il eust veu ce principal officier de l'Empire puny, pour auoir abusé de l'autorité qu'il auoit prés ses maistres, & que d'autant qu'il auoit esté haut monté, la cheute en fut plus lourde.

— *tolluntur in altum,*


Vt lapsu grauiore ruant.

Si Dieu a les pieds de laine, il a les bras de fer.

Raro autem cadentem selestum.

Deseruit pede pœna claudo.

Victrix casta fides.



Chaste foy vaine.

ES Cordeliers d'Anignon, sur le tombeau de Dame Laure, tant célébrée par Petrarque qui l'a aimée & chantée viue & morte xxxi. ans, est en armoiries sa Deuise, qui est de deux Reinceaux de Laurier trauerfans en sautoir vne Croisette sur le tout, ensemble

une rose sur l'escuffon : ainsi peut estre representé, pource que par le moyen de sa sainte Foy, & chaste amour, elle a esté victorieuse sur les mondaines affections.


Il trouue en vn vieil escrit Tuscan, que ceste Damoiselle s'appelloit Laurette Chabot, qui est le surnom des illustres familles de Iarnac & Brion, alliées de Luxembourg. Le grand Roy François composa cest Epitaphe, si bien m'en souuient.

*En petit lieu compris vous pouvez voir
Ce qui comprend beaucoup par renommée,
Nature & l'art, la beauté, le sçauoir,
Furent vaincus par l'amant de l'aymée.
O heureuse ame estant si estimée,
Qui te pourra louer qu'en se taisant ?
Car la parole est bien peu estimée
Quand le sùiet surmonte le disant.*

Ces vers sentent de la rudesse du siecle, mais passables, voire loüables pour le Roy leur autheur, duquel Baltazar Castaliõ en son Courtisã auoit predict qu'il aymeroit les lettres, & les feroit aimer à la Noblesse Française. Il meriteroit donc le tiltre du pere des lettres que les Pro-

fesseurs par luy instituez à Paris luy ont donné, si ce n'estoit que par l'abolitiõ de la Pragmatique à la venalité des iudicatures, il a fait qu'aux persõnes de doctrine & vertu, toutes portes de benefices & offices sont fermées, & n'en reste plus d'ouuerte, sinon qu'aux benefices on y entre par la porte de faueur, & aux Magistrats par la dorée. Encores auoit ce grand François bonne grace, quand il n'en receuoit argent que par forme d'emprunt qu'il rendoit, & si il en a donné à plusieurs, comme à Messire G. Budée qu'il fit Maistre des Requestes de son hostel. Et M. André Tiraqueau, qu'il fit aussi Conseiller en son Parlement, & quelques autres qu'il honora de charges Ecclesiastiques & temporelles pour le seul respect de leur doctrine.

Ipsa sua testis victoria cladis.




La victoire tesmoigne la dérouté.

A VIOVRD'HVY se retrouue encore de la monnoye antique, qui selon son inscription a esté battuë au nom de l'Empereur Vespasiã, en laquelle est imprimée vne Deuise d'un grand Palmier, chargé de fruiçt. Or est-ce vn
arbre

arbre prouenant naturellement, & abondant en Iudée, region qui aussi fut conqueſtée par le fuſdit Empereur. Et pour autant le Palmier en ceſt endroit, pourroit repreſenter tant ledit païs, que pareillement la conqueſte & deſolation d'iceluy, qui aduint enuiron 40. ans apres la paſſion du Sauueur du monde, & en vengeance d'icelle : la palme auſſi ſe pourroit porter en Deuiſe par quelque grand Prince chargé de palmes & victoires, tant pour ce que, comme dit le Poëte, *palme pretiū victoribus*: qu'auſſi que c'eſt le ſymbole de conſtance en aduerſitez, d'autant que la palme plus eſt preſſée & chargée, plus ſe redreſſe.

L'Egliſe la peut prendre & ſ'en couronner, lors qu'elle triomphe des heretiques. S. Hilaire 4. de la Trinité. Elle a, dit-il, cela de propre, que lors qu'elle eſt exercée elle florit, ſi elle eſt oppreſſée elle ſ'e releue & accroiſt, ſi on la meſpriſe elle en profite d'auantage, ſi on la combat elle vainc, ſi on luy dreſſe des queſtions & des doutes, elle a chez ſoy les reſolutions.

Malo vndique clades.



Affliction de toutes parts.

L'ESPEE & glaive par dehors, & le lieure ou la crainte par dedans, est signe qu'il n'y a lieu de seur acces, pour les vicieux & malins, qu'ils ne foyent

touſiours en dāger de punition diuine, tant és champs, qu'en la ville: & de corps, & d'eſprit. Car ainſi ſont menaflez meſmes entre autres infinis paſſages des ſaintes eſcritures, par ce propre trait Moſaïque: *Foris vaſtabit eos gladius, & intus pauor*. Ils ſeront pourchaflez par dehors à coups d'eſpée, & par dedans eſtonnez de crainte, frayeur, & eſpouuantement.

Le lieure eſt fort craintif de Nature, & pource, dit Anacreon, qu'elle l'a muni de viſteſſe ſur tous animaux, dont luy a eſté donné le nom *Lepus, quaſi leuis pes*. Il eſt auſſi tresſecond, de peur que pour les chafſes ordinaires qu'on en fait l'eſpece en vienne à faillir: pour ceſte fuyarde timidité peu en font leurs armes ou Deuiſes. On y met pluſtoſt des beſtes rauiffantes ou oiſeaux de proye, ainſi que l'a noté Eraſme.

Grandeur, par grand heur.




EN l'Anneau de cachet de Pompée le Grand, comme recite Dion, estoient grauez trois Trophées, ainsi qu'en celuy de Sylla; euidente Deuse pour vray de la memoire & tesmoignage de leurs plus grandes, & plus memo-

rables victoires. Ceste peinture montre assez comme de vieux arbres esbranchés on en faisoit des Trophées, où l'on pendoit la despoüille des vaincus & fuyards.

AU XI. del'Encide se void le Trophée dressé des despoüilles du Tyran Mezence.

Improbilas subigit rectum.




Le mal force le bien.

LE Lierre croissant auprès d'aucun
bois droit, le gaste & ruine par son

entortillement. Aussi comme l'on dit communement. *Le Tort bien mené, peut rendre le droit inutile.*

Autres disent que le lierre embrassant vn vieil mur le soustient: quoy que ce soit si le lierre meurt avec l'arbre ou le mur qui luy seruoit d'appuy, ce n'est pas à tort qu'on l'a pris pour Deuise d'amitié durable iusques au trespas, sa feuille estoit consacrée à Bacchus, & seruoit quelquefois à couronner les Poëtes, Compagne de l'immortalité.

Ce fut de ces feuilles de lierre que les Nymphes Nyseannes couvrirent & cachèrent le berceau de cest enfançon de Semele, ce dit Ouide au 3. des Fastes, & Nonnus au 9. des Dionysiaques; & bien que le lierre en ses feuilles, ses retours & ses graines quand elles sont meures ayt grande similitude à la Vigne, ses Pampres & ses raisins, si est ce que les Physiciens tiennent que le lierre est fort contraire à l'yurongneric.

Paris & armorum vigiles.*Veilles en paix & en guerre.*

DE toutes les voyes qui acheminent à loüange & célébrité, ie n'envoy point qui eleuent au plus haat solstice des honneurs & dignitez que la gloire militaire ou l'Eloquence ; car comme ainsi soit qu'il ne s'ẽ trouue gueres d'autres qui puisse apporter tant de proffit au public que ces deux : elles sont si neces-

faïres qu'on ne s'en ſçauroit paſſer: d'au-
tant, que l'vne commande en la guerre,
l'autre preſcrit des loix à la paix; l'vne
plante plus loing les bornes de l'eſtat,
l'autre fait iouir des biens qui y ſont ia
acquis: Celle là repouſſe hors tous dan-
gers, ceſte cy aſſeure, enrichit, embellit
& fortiſie la cité: mais par ce que parmi
les armes ſe tayeſent les loix, & que les
Tonnerres de Mars aſſourdiffeſſent le luth
d'Apollon, ie ſeray contraint confeſſer
que par tout meſme en noſtre France
les facultez oratoires ſ'euanouiſſent ſi
toſt que le ſon des Trompettes & Tam-
bours commencent à retentir, dont plu-
ſieurs ont eſté d'aduis que le ſeiour du
Palais cede aux Tentes & Pauillons de
guerre, le Repos des villes aux meſay-
ſes des Tranchées, le Tranche-plume à
l'Eſpée; l'õbre au ſoleil: & qu'en noſtre
France-gaule iuſques à huy les armes y
ont eſté les plus reſpectées, redoutées &
honorées. On pourroit ſouſtenir qu'à
la gloire qui ſ'acquiert la lance ſur la
cuiſſe, les Capitaines, gendarmes & ſol-
dats, voire & la fortune y ont la meil-
leure part, & qu'à la reputation de l'hõ-


me de lettres, bon iuge, & grand politique, n'y est receu aucun à partage. Mais Ciceron le pere de l'eloquence Romaine, & qui avec sa robbe longue a sauué l'Estat de sa Republique, encor qu'il eust dit *Cedant arma togæ*, s'est luy mesme esclaircy de ce doute en sa Harâgue qu'il a faite pour Murena, bon guerrier, lequel il parangonne & prefere à Sulpice grand Iurif. consulte, luy disant; *Vigilus tu de nocte, vt tuis consultoribus respondeas: ille vt eò quò intendit mare, cum exercitu peruenit. Te galloꝝ ñlium buccinarum cantus exsuscitât. Tu actionem instituis, ille aciem instruit.* Et puis il conclud pour l'espée qui a acquis aux Romains, & leur conferue l'Empire de la terre.

Quelques vns ont soustenu, que cest orateur seruoit à sa cause, & en parloit au plus loin de sa pensée, veu qu'il a ailleurs pris cette resolutiõ, selon le dire de Platon, que les Royaumes & Republiques iouissent de leur pleine prosperité, quãd les Philosophes y regnent, ou que les Roys, Princes & ceux qui y commandent s'adonnent à la Philosophie. De ce

texte de Ciceron est prise cette Deuise ou Embleme du Cocq & de la Trompette, pour denoter que le Prince exercité en guerre, & doué des dons de l'esprit & de la langue, est digne de paruenir au comble de toute vraye loüïage, & d'estre le mignon de ceste deesse Renômée, à laquelle Virgile au 4. & Petrarque donnent des aïles & vne trôpe, la faisant triôpher du Temps. Le Cocq est symbole de hardiesse : aussi fait-il peur au lion : & nos vieux Gaulois, dans Cesar, s'abstiēent d'en manger, pour ce que c'estoit l'oiseau du soleil qu'ils adoroient. La maison de l'Hospital de Naple, d'où sont issus les seigneurs de Choisi & Vitry, s'arment de gueule à vn Cocq d'argent, onglé, becqué & cresté d'or.

Pour la raison que dessus nos Gaulois ne māgerent ny leuraux ny oïsons, pour estre cēt animal dedié à la terre & melancholique, & cest oiseau fort aquatique.

De parvis grandis acervus erit.



De peu viendra grand tas.

DE l'Épic, à la Glenne, & de la Gléne, à la Gerbe; Ainsi le pauvre, bien aisé, bien conteillé, & diligent, se peut aiser & moyenner des biens. Et quels neantmoins Dieu luy faisant la grace de paruenir, faut qu'il s'arreste & met


son but à la tres-heureuse suffisance: qui est le comble de richesse: Se souuenant tousiours à ce propos d'vn beau huitain qui s'enfuit: duquel toutefois, si ie scauois le nom de l'Autteur, ne seroit icy non plus teu, que partie du los qu'il merite.

*De moins que rien, l'on peut à peu venir:
Et puis ce peu, n'a si peu de puissance,
Qu'assez ne face, à assez paruenir,
Celuy qui veut auoir la suffisance.
Mais si au trop (de mal-heur) il s'auance.
Ne receuant d'assez contentement,
En danger est par sa fole inconstance,
De retourner à son commencement.*

*Paruula si tentes super adiecisse pusillis.
Idque frequens peragas, magnus cumula-
tur aceruus.*

Maille à maille se fait le Hauberion.

La, le danger.



LA statue de Bacchus, en Lacedemone, tenoit vne Lance, prinse &

enuironnée de lierre, duquel aussi estoit couuert le fer de la dite Lance, qui ainsi pouuoit designer, que ce n'est point par force, que les guerres se menent, & gouernent: mais bien par certaine prudence, conseils, intelligence, pratique, & menées, qui seruent plus quelquefois que les impetuosités belliques. Ainsi disoit vn ancien qu'il falloit coudre la peau de Renard quand celle du lion estoit inutile.

En ce mesme lieu de Sparte estoit la statuë de Venus toute armée, à laquelle l'Epigramme Grec feint, que Pallas dit qu'elle estoit preste de plaider contre elle le prix de beauté, fust ce deuant le berger Paris leur ancien iuge. A quoy Venus replique, Te suffit-il pas qu'une fois ie t'aye peu vaincre toute nuë, & Iunon aussi bien que toy?

Nodos virtute resoluo.



Le denoüe par vertu.

PLVTARQVE, Elian & Cursé se font esgayerz à escrire d'un beau stil les gestes d'Alexandre le grād, où ils recitēt que ce Prince voulut veoir passant en Phrygie le chariot Gordian entortillé d'une tant renommée liaison decorée de

corce de cormier: Et luy en conta on vn propos que les habitans du pays tenoiēt pour prophetie veritable, que celuy qui pourroit deslier ceste liaison, estoit predestiné pour estre vn iour Roy de toute la terre: le commun bruit fut qu' Alexandre ne pouuant deslier ceste liaison, pource qu'il n'ë voyoit point les bouts, tant ils estoient entrelassez par plusieurs tours & retours, les vns dedās les autres, desgaina son espée, & coupa le nœu par la moitié, de sorte qu'on eut alors plusieurs bouts de la liaison: mais Aristobal escrit qu'il le desnoïa fort aisément, ayant premieremēt osté la cheuille qui tient le ioug attaché au timon, & en tirant apres le ioug dehors. De là vient le proverbe du nœu Gordien, & Ronfard en l'hymne au Duc d'Aniou depuis Henry III. levante en ces vers.

Tu as tranché le lien


Gordien

Menassant nos destinées.

Ce nœu fut pris en Deuise par messire Jaques d'Albon sieur de S. André, Côte de Froissac, Marechal de France, se vantant de rendre possibles par sa vertu les choses qui sembloiēt impossibles.

Paul Ioue dit que le Roy Catholique porta ceste mesme Deuise avec le mot *santo Monta*, qui luy fut donnée par le docte Antoine Nebrisse pour la conqueste de Castille.

Turpibus exitium.




Malencontre aux puans.

TOUT ainsi que l'Elcarbot se nourrit,
& vit entre les ordures & voiries, &

au contraire languit & se meurt emmy les Roses : aussi les ords voluptueux, ne peuuent porter la souëfueté de l'odeur des bonnes choses : mais aiment mieux tousiours se trainer en leur puanteur, villennie & meschanceté, que d'essayer à s'en retirer. C'est pourquoy on a dit, *qui sordet sordefiat adhuc*, & à lauer la teste de tels asnes, on n'y perd que la laixiue.


Tels peut-on dire ceux qui mesprient les bons aduertissemens que Dieu leur enuoye, & regimbent contre l'esperon, signe euident de leur reprobation.

*Vnius compendium, alterius dispen-
dium.*




Nul n'y perd qu'autre n'y gagne.

Si vn Serpent ne mangeoit l'autre
iamais ne deuiendroit Dragon. Ain-
si les Riches & puissans, croissent au
doiz mage d'autruy.

Consilio firmata Dei.*Assisté du conseil de Dieu.*

L'ESPEE couronnée, ensemble deux fleurs de Lis, reluisans iadis en l'enseigne de la Pucelle d'Orleans, est vn perpetuel monument de la defense & protection de France.

Si Les Romains ont fait si grand cas d'une vierge Clelie qui se sauua elle mesme au trauers du Tybre, combien deuons-nous faire plus d'estime de ceste Ianne de Vaucouleurs fatalemēt adressee de Dieu pour encourager Charles VII. redresser les affaires de France, & sauuer de prise & de sac la cité d'Orleans, laquelle garde la memoire de sa deliurance tant par sa statue de bronze sur le pont de Loire, que par le discours de ses faits enregistrez en l'hostel de ceste ville. Elle estoit aussi chaste en son corps qu'innocente du crime de sorcellerie à elle mis sus par les Anglois, qui à tort la firent brusler viue à Rouën.

Etiā Fortunam.*Mesme la fortune.*

M. Sergius, Cheualier Romain, ayāt souuent cōbatu à l'encontre d'Annibal, & esté par luy prins deux fois prisonnier, & neātmoins par ruse tousiours échappé de ses mains, perdit finalement en vne bataille la main dextre.


Dont depuis fut contraint de combattre de la gauche en quatre batailles. Toutefois par ce qu'il ne s'aidoit pas si

bien que de la droite, se fit enter vne main de fer, de laquelle il combatit depuis si vaillamment, qu'il print & deffit en Gaule, douze camps des ennemis des Romains.

Dont dit Pline, qu'il ne sçait homme qui merite d'estre preferé audit Sergius: lequel par sa vertu, proüesse, & vaillance, en vainquant mesmes la Fortune, merita vn nombre infiny de Couronnes.

Mais ç'a esté vne mal-heureuse tache à son nom, que de sa posterité estoit descendu ce Sergius Catilina, qui par sa coniuration s'efforça de mettre en cendre Rome sa patrie, si le consul Ciceron n'y eust sagement pourueu.

Sic sopor irrepas.



Ainsi puissions nous souriller.

COMME Gontran Roy de Bourgõ.
gne trauillé de la chasse s'endor-
mit es champs près d'vn petit ruisseau,
vn sien Escuyer qui le veilloit luy vit for-
tir droit de la bouche vn petit bestion,
qui s'en alla droit audit ruisseau, lequel
marchandoit de passer.

Ce que contemplant l'Escuyer, tira

S v

son espée qu'il mit à trauers le ruisseau, & ainsi passa le bestion par dessus, puis s'en alla dans vn petit pertuis, estant au pied d'vne montagne: de là reuenant au ruisseau, repassa comme deuant sur l'espée: & rentra dans la bouche du Roy, lequel sur ce point s'esueillant, recita vn sien songe à sondit Escuyer, & comment il auoit passé vne riuere sur vn pont de fer, & auoit esté dans vne cauerne, sous vne montagne, là où il auoit de bien grands & riches tresors. Quoy entendant son Escuyer, luy conta ce qui estoit aduenu pendât son somme, de maniere que ce Roy fit creuser la montagne, en laquelle il trouua force richesses, lesquelles il distribua és pauures, & Eglises, mesme en fit couvrir d'or la chaise saint Marcel le Martyr, lez Chalon sur Saone, là où il gist.


Cecy aduint en Touraine, pres de Mont-richard, & la Montagne s'appelle encore pour le iourd'huy Mont-Tresor, & le prochain Chasteau Brin doré, appartenant à l'illustre maison du Bouchage.

Cæcus amor prolis.*Au engle amour de son engeance.*

Le Singe naturellemēt aime tant, & *Plin.*
 est si fol de ses petits, qu'en les em-
 brassant, & accolant, les estraint si fort,
 que souuent les oppresse, & tue. Et ainsi
 fait comme plusieurs peres, qui mignar-
 dent tant, & sont tant douilletts, & ten-
 dres de leurs enfans, qu'en fin n'en font
 chose qui vaille.

Blanda patrū segneū facit indulgētia natos.

Supplicio laus eiusa semel.




La loüange est mise en lieu seur.

VN Indien que l'on disoit estre si bõ archer, & dextre à tirer à l'arc, qu'il passoit sa fleche de loing par dedans vn anneau, estant quelquefois importuné & pressé, de tirer par le commandement d'Alexandre, ne pour cela ne s'y voulut iamais accorder, ce que voyant le Roy, commanda qu'on le pendist. Donc comme on le menoit au supplice, & qu'on l'interrogeoit cepen-

dant pourquoy il ne vouloit tirer, il fit responce, qu'il auoit peur de faillir, pour autant qu'il y auoit long temps qu'il n'auoit tiré. Dequoy estant aduertty Alexandre, & cognoissant qu'il ne le faisoit par coustumace, mais par crainte de moquerie, le fit adonc relascher, s'esmerueillant de l'esprit cupide de los & gloire, & d'auantage considerant, qu'il auoit plustost aimé mourir, qu'estre trouué aucunement indigne de sa renommée.

Vn Empereur Romain se trouua aussi iuste archer, trauersant cinq fleches par l'entredeux de chacū des cinq doigts sans les offenser: & ceste industrie est plus louable & vile, que d'vn qui iettoit vn grain de mil à trauers le trou d'vne éguille, aussi n'en fut-il recompensé que d'vn boisseau de mil, & d'vn cent d'éguilles.

DEVISES
Omnis caro fenum.



Toute chair est foin.

L'AMBITION Romaine a couru & remué tous les quatre coins de la terre habitable. Que si ce peuple qui cuidant s'aggrandir a tant tourmenté de mōde eust peu faire son profit de l'enseigne de Romule son fondateur, qui faisoit porter vn boteau de foin au bout d'vne lā-

ce, il n'eust tant tracassé çà & là avec les legiōs pour planter ses aigles en borne derniere de la terre, & sur les riuages de l'Ocean lors peu cogneu. Qu'a profité cette cité superbe ayāt chassé le septiesme Roy, & vengé l'hōnesteté d'une damoiselle violée, pour se soumettre à deux Cōsuls Annuels, puis à dix hōmes, à des Tribuns avec puissance Cōsulaire, & encore à deux Cōsuls, & par fois à vn Dictateur de six mois, pour voir perir sa liberté sous les efforts des guerres ciuiles, & en fin seruir non à la iuste domination de Roys successifs de pere en fils, qui est la plus excellēte monarchie, ains à la corruption des Cēteniers & soldats Pretoriens, qui par auarice ou par hazard choissoient quelquefois le pire qu'ils establiſsoiēt sur eux, sur le peuple, & par dessus les loix mesmes. La grandeur Romaine en sa temporalité a esté beaucoup plus esmerueillable, que ne l'a descrite Iuste Lipse en vn volume qu'il en a fait expres: de quoy leur a seruy cette grandeur amassée à tant de peine & de sang, conseruée avec tant de soing & de crainte, puis qu'il leur a fallu tout


laisser, & estre eux mesmes le ioyet & la proye des autres nations. Que leur a seruy que Rome ait esté tout le monde, & tout le mōde ayt esté Rome, que sa puissance ait cerné d'une rōdeur égale tout ce que Neptune enferme, & ce que chauffe le soleil leuant ou couchāt, si elle qui mit tout souz ses loix, s'est dontée soy mesme, est deuenüë proye au temps, & se sert de monument à soy mesme comme Niobé: de sorte que qui la voit ne la recognoist pas. Et pour mieux philosopher sur l'instabilité de tout ce qui est souz le cercle de la Lune, il ne faut que bien peser ce sonnet de du Bellay.

Ces grands monceaux, ces tours, ces vieux murs que tu vois.

*Furent premieremēt le clos d'un lieu chāpestre,
Et ces braues Palais dont le tēps s'est fait maistre
Cassules de Pasteurs ont esté quelques fois.
Lors prièrent les bergers les ornemens des bois,
Et le dur laboureur de fer arma sa dextre,
Puis l'annuel pouuoir le plus grand se vit estre
Et fut encor plus grand le pouuoir de six mois.
Qui fait perpetuel en est en telle puissance,
Que l'Aigle Imperial de luy print sa naissance,
Mais le Ciel s'opposant à tel accroissement,
Mist ce pouuoir es mains du Successeur de Pierre,
Qui souz nom de Pasteur fatal en ceste terre
Monstre que tout retourne à son commencement.*

Toke

Tolle voluptatum stimulos.




Ostez les éguilles de salles voluptez.

AINSI que par l'Esmouchoir, ^{Hiero.} mesmes de Plumes de Paon, où sont figures d'yeux ouuerts, sont chassées ou espouantées les mouches: Aussi devons-nous veiller, & efforcer de reculer de nous, les voluptueux appetits, & charnelles concupiscences.

T

Paix outragée, se rend vengée.



Prosp.

Av temps de l'Empereur Zenon, les Perfes se vindrent payer de leurs demerites, au rapeau de leur mefchanceté : car cuidans surprendre les

Romains, & gagner l'enseigne Imperiale, à laquelle estoient attachez les traitez de Paix par eux adonc violée, tomberent la plupart dans vne fosse, à eux dressée subtilement. De sorte que dans icelle furent attrapez iusques au Roy, & ses enfans: ne se sauuant encores le reste de l'armée que tout ne fust deffait par en buscade.

Dolus an virtus quis in hoste requirat?

Dit ce ieune Phrygien dans la 2. de l'Eneide. Les peuples Orientaux, comme les Parthes, ont obtenu maintes victoires lors qu'ils feignoient auoir peur. Crassus y fut ainsi attrapé: ce n'est donc que bien fait d'auoir poussé vne fraude par vn stratageme honnestes & salutaire.

Rerum sapientia custos.




Sagesse Gardienne.

MADAME Marguerite de France, tresillustre Duchesse de Berry a fait sa Deuise de l'Oliue, ensemble du Serpent, signifiant ainsi, toutes choses estre regies, & gouvernees par Sapien-

ce oufageffe : elle fut depuis Duchesse de Sauoye mariée à Emanuel Philibert, & mere de Charles Emanuel, & pris pour Deufe le bouclier de Minerue, qui est la Gorgone encheuelee de serpenteaux, avec ce meisme mot, sinon que pour *sapientia* il y auoit *prudencia*, & en verité c'estoit vne tresprudente Princesse, digne que Ronsard & Iodelle l'ayent celebrée sous le nom de Pallas.

Discite iustitiam moniti.




Apprenez Justice.

B A S A N, Roy des Sicambriens, fils
du Roy Diocles, marchant en

quelque lieu que ce fust publiquement, faisoit porter deuant soy vne Espée nue, & vne Corde; en signe de bonne Iustice. Et fut ce Roy si grand iusticier, entre autres siennes perfections & vertus, qu'il n'y eust pas mesmes son propre fils de tous les transgresseurs de la Loy, qu'il ne fist mourir ou punir rigoureusement.


L'on met ces Sicambriens entre les deuanciers de Pharamond, tesmoin S. *Apolline Francorum penitissimas paludes intrares venerantibus Sicambriis.* Nos Roys ont pris ceste coustume de faire porter l'espée flamboyante à leur Sacre par le Connestable, le grand Escuyer la porté au fourreau & Baudrier fleurdelisé. Charles Roy, Empereur a porté ceste coustume en la Germanie, où le Duc Electeur de Saxe Marechal de l'Empire, la porte ainsi deuant son Cesar.

Concussus surgo,*Battu ie bondy.*

A Q V I donneray-ie ce Ballé pour Deuise, voicy deux seigneurs qui le querellét, l'vn Charles Orsin Romanisque, auquel Loüis Dominic l'attribue avec ce mot, *Percussus*. Eleuoir. L'autre est Messire Philippes Chabot sieur de Brion Comte de Charny, qui a porté cette mesme Deuise peu auant l'Italien, qui l'auoit peut estre prise comme partisan & seruiteur de ceste Serenissime maison, qui porte les sept Balles, dont la premiere contient nos trois fleurs de

lis, comme fatale à nostre France, pour nous auoir donné deux tres-chrestiennes Roynes. Nostre Chabot a bien eu quelque autre desseïn, car luy qui auoit espousé la fille d'vne seur naturelle du Roy François, tomba en sa disgrace si auant, que son Roy qui l'auoit fait Amiral de Frâce & gouuerneur de Bourgongne, permit que son procez luy fust fait & parfait du temps du Chancelier Poyet. Mais comme ce Ballon plus rudement il est ietté contre le paué, plus haut il bōdit: ainsi par sa prudence il rētra en ses Estats & en grace plus que deuant, & vint à bout de ceux qui l'auoiēt voulu calomnier: effects dignes de sa vertu & courage magnanime, & que tant plus il estoit batu & combatu de la fortune aduerse, moins il estoit abatu, & que comme Antée pour auoir touché la terre, il en recouroit nouvelles forces & plus vigoureuses.

Hac virtutis iter.



Icy le chemin de vertu.

LA Herse tenant & liée à la lettre Pythagorique, que portoit iadis en sa Deuise Messire Pierre de Moruillier, Chancelier de France, ainsi qu'il appert en l'Eglise saint Martin des Champs à Paris, demonstre assez que par labour l'on peut paruenir à Vertu. Voyez l'Epigramme de ceste lettre de

Pythagore attribuée à Virgile, ou à Aufone, & le discours de Silius Italic sur vne vision qu'il feint estre aduenue au ieune Scipion, le tout pres de Xenophon, où il git en sa Chapelle.

Hoc Cesar me donauit.




Cesar me l'a donnée.

CHARLES VI. de ce nom, Roy de France, desirant de perpetuer la


memoire de la prinse qu'il auoit fait en la forest de Senlis, d'vn Cerf qui auoit au col vne chaine, ou colier de cuiure doré, auquel estoit escrit en lettre ancienne, *HOC CÆSAR ME DONAVIT*, print pour sa Deuise vn Cerf volant, ayant vne couronne au col.

Plusieurs qui viuoient lors de ceste prise en firent de beaux discours, iusques à dire que ce Cerf auoit eu ce collier de la main de Iules Cesar, auquel cas il faudroit qu'il eust vescu enuiron quatorze cens ans; comme s'il n'estoit iamais venu qu'vn Cesar en Gaule; comme s'il n'y auoit pas grande affinité de nom de celuy-là avec Iulian Cesar; cōme si les Roys-Empereurs ne se pouuoient plus dire Cefars. Je ne peux croire que les Cerfs soient de si longue vie, comme le dit l'Epigramme d'Aufone ou de Virgile, mais ie sçay qu'vn particulier veneur a peu porter ce nom, & le grauer en ce colier.

Victo seculo.*Siecle vaincu.*

LA Deuise de la couronne d'Espines, qui se garde avec veneration en la Sainte Chapelle à Paris, ensemble du Roseau de la passion de nostre Sauueur Iesus-Christ, est en signe de s^o regne celeste & eternal, de sa victoire sur le monde, & sur le diable, Prince d'iceluy.

DEVISES
Terriculum noxae.



Esponnantail à faute.

Platav-
que. **P**OMPEE le Grand estant creé chef
 d'armée, & Sylla l'enuoyant en Si-

cile, non seulement se porta en Magistrat de guerre, preux, hardy & vigilant, mais aussi se gouerna tres-equitablement : viuant en iuste Capitaine : de sorte que ceux de ses gens qu'il entendoit s'estre desbande, & tenir les châps, pour piller & mal faire, il les faisoit grieuement punir. En outre aussi pour brider les auant-coueurs, & les garder de bleffer ou molester quelqu'un, il leur feelloit, ou cachetoit diligemment toutes leurs espées avec les propres anneaux de cachets.

La guerre ne se doit faire qu'en intention d'acquérir & asseurer vne ferme paix : & les Roys, Princes, Chefs d'armée & Capitaines doiuent soigneusement prendre garde guidant leurs troupes, de faire garder les ordonnances, car c'est de là que vient le mot des Ordonnances, que les Roys anciens ont faites pour garder le plat pays de foule & oppression.

Hic terminus haeret.



Icy est la fin.

VN Roy Perfan auoit vn Page qui luy venoit tous les matins crier en son lit, *Debout Sire, venez dōner ordre à ce que le grand Dieu vous a donné en charge.* Vn autre Roy Gregeois se faisoit ramēteuoir chaque iour qu'il estoit hōme. Pleust à Dieu que chacun, cōme veut le Sage, pensast souuent aux fins dernieres. plus on est en haut degré de Seigneurie ou Noblesse, plus il faut obuiuer à ce que l'affluence & felicité des biens, richesses, & honneurs, ne leur vienne à empescher la memoire qu'ils sont hommes, & se moyenner quelque representation de la fin: Ainsi comme a fait M. de Boizy, grand Escuier de France,

France, Duc de Roannois aîné de Gouffier, portant en sa Deuise, vne Souche estronquée, abatue, & tombée avec le mot sus escrit.

Son pere fut choisi par le Legat d'Amboise à cause de sa seigneurie & sagesse, pour gouverner le Duc d'Engoulesme, qui fut depuis le Roy François, dont il s'aquitta dignement : & de sa femme niece dudit Sieur Legat eut deux fils, l'un grand Escuyer, l'autre Amiral Bonniét, dont vient le Prouerbe, Amboyse fit Boisi, & Boisi refit Mommorancy.

Mibi pondera luxus.



Le trop m'accable.


TOUT ainsi, dit Seneque, que la grã-
de fertilité & pesanteur des grains,
rompt & renuerse les espics des Blez :
aussi l'aïse & immoderée felicité, en-
ue nos esprits & entendemens. Hanni-

balayant vaincu les Romains en cette grande & celebre iournée de Cannes, se retira superbe en la riche ville de Capouë, où il se donna en proye luy & son armée Carthageoise à l'Amour, aux banquets & delices, qui par apres le perdirent: la prospere fortune est plus à craindre & difficile à supporter que l'aduerse. Cette-cy rend l'homme humble & caut: celle-la le rend superbe & insolent, & luy oste la plus faine partie du sens commun.

Rarus enim fermè sensus communis illa.

Fortuna. — Ceste aueugle deesse oste les yeux de l'Esprit à ceux chez lesquels elle vient loger, & si elle a cela de mauuais, qu'elle donne tousiours trop, & iamais assez.


Nil amplius optat.



Rien plus.

VNE autre Deuise d'aucuns Rets pliez, est aussi figure avec la precedente : pouuant denoter vne suffisance, repoussant le desir del'enuieuse chasse des choses passageres, vaines, & muables.

Num status telluris honor.



Est ce vn vent l'honneur de terre.

LA coustume des Romains estoit que les habitãs & suiets de leurs Prouinces faisoïent present à ceux qui entroient nouvellement en offices de Prefecture peregrine, ou Preuoté & Presidēce provinciale pour leur ioyeux aduenement:

A sauoir de sept sols par teste, vne Mote, ou Gazon de terre, vne Clef, & vne Balle ou Sachet, de forme Spherique. Le Gazon, en signe qu'il falloit que le President deuoit donner tel ordre, que les viures ne fussent chers : mais tenus à pris si raisonnable qu'il n'y suruinst cherté, ny famine. Et d'auantage, qu'iceluy President se gouuernast si discrettement à l'endroit des suiets, qu'il leur semblast auoir receu de luy vn champ, pour vne mote de terre. Le present de la Clef, la liberté, l'autorité & plaine puissance de iurisdiction. Et la balle, representoit grande puissance: commel'on dit qu'Alexandre interpreta la signification de la Balle, Boule, ou Globe, que luy enuoya le Roy Daire: ou bien ladite Balle monstrois la totale administration du gouvernement militaire.

Voyez cette elegante epistre de Ciceron à Quinte son frere, en laquelle il luy donne de beaux preceptes & enseignemens, pour sagement regir & administrer la Prouince.

Quis contra nos?

SAINCT Paul en l'Isle de Malte, fut ^{Aux Actes 28.} mordu d'un Vipere: ce neantmoins (quoy que les Barbares du lieu le cuidassent autrement) ne valut pis de la morsure, secoüant de sa main la Beste dans le feu: car veritablement à qui Dieu veut ayder, il n'y a rien qui puisse nuire.

Maturè.

A MESME argument (ce semble)
 quel'Empeur TiteVespasiè por-
 toit en Deuise l'Ancre , ensemble le
 Dauphin : Le Pape Paul III. portoit
 aussi le Cameleon & le Dauphin , ainsi
 signifiant tousiours ceste lente hastiue-
 te, ou maturité requise en tous affaires,
 esquels faut entendre moyennement.

Le lenuy.

AV temps de la langueur & maladie de Charles VI. de ce nom, Roy de France, que le Duc Louis d'Orleans son frere contédoit contre le Duc Iean de Bourgogne, pour le fait du


gouuernement & administration du Royaume, ledit Duc d'Orleans (prouoquant son ennemy à la guerre) chargea la Deuise du Baston nouëux, se iactant ainsi, que là où il frapperoit, la bigne s'y leueroit. Et dauantage portoit escrit en ses enseignes, I E L'EN VY. Deuise certes malheureuse, & contreuenant (comme peruertie) au bien qui doit proceder des bonnes, lesquelles sur toute chose concilient paix & amour : mais au contraire ceste-cy poignant de trop près ledit Duc de Bourgogne au cœur, le mit de telle sorte hors des gens de raison, que ce dāgereux Prince machina la mort dudit Duc d'Orleans, lequel tantost apres à Paris fut occis à la porte Barbetre.

Hic houd.

LE Duc Iean de Bourgongne, nommé cy deuant, venu au meschant ieu de la guerre, que son aduersaire auoit enuié: porta aussi en ses enseignes escrit en Flamand, *HIC HOVD*, qui est à dire, *IE LE TIENS*, prenant encores pour Deuise le Rabet, pour applanir le Baston noüeux d'Orleans, selon l'indice de telle Deuise. Laquelle (comme la deuantdite) donnant occasion à mal, & estans toutes deux plustost trompettes de seditiõ que Deuises, causerent en parciueine infinité de malheur.

tez : & sur tout la mort de ces deux
puiffans Princes : car comme il est dit
cy deuant , le dit Duc de Bourgogne
ayant fait occire le Duc d'Orleans , fut
auffi vn temps apres meurtry à Monte-
reau-faut-Yonne. De ceste Deuise du
Rabot se voit la statue dudit Duc de
Bourgogne sur la sepulture és Char-
treux lez Dijon, toute semée de Rabots
d'or , avec leurs coupeaux ou esclats.

Me pompa prouexit apex.



LA plus grande recompense, ou plus grand loyer que les antiques Romains estimassent faire aux Chefs d'armée, Empereurs, Capitaines, & Cheualiers victorieux, c'estoit de les grati-

fier & honorer (selon toutesfois leurs merites, estats, charges, & degrez) de certaines belles Couronnes: qui generallement à ceste cause furent appellées Militaires. Desquelles, pour auoir esté indices & enseignes de prouësse & vertu, les figures des principales & plus nobles sont icy tirées en Deuises, tant à la louange & memoire de l'antique noblese, que pareillement à la recreation, consolation & esperance de la moderne, aspirant & desirant aussi de paruenir aux gages & loyers, appartenans & dediez aux defenseurs de la recommandable Republique. La premiere doncques mise en rang, representera la Triomphale: laquelle estant tissue du verd Laurier, avec les bacques, estoit donnée au Triomphateur, auquel par decret du Senat, estoit licite de triompher parmy la ville de Rome, sur chariot, comme victorieux de ses ennemis. Desquels neantmoins luy conuenoit, auant la pompe, faire apparoir de la défaite du nombre parfait de cinq mille, en vne seule bataille. La susdite Couronne triomphale, apres long trait de temps, decli-

nant l'Empire, fut commencée à estre meslée & variée de perles & pierreries, & puis entierement changée de Laurier naturel, en Laurier buriné & enleué sur vn cercle d'or: comme se void par les Medailles de plusieurs monnoyes anti-ques.

Le premier que nous trouuons auoir porté diademes, ou Courõnes, car ie pré l'vn de ces mots indifferement pour l'autre, ç'a esté Charlemagne, Augu-
ste Roy de France, Empereur Romain, qui l'a transmis non seulemēt aux Roys
ses successeurs, ains aussi aux Augustes
Germaines, & de là elles ont esté nom-
mées Augustales, & Imperiales. Les O-
rientaux en ont bien porté quelques-v-
nes avec branchettes d'or & de perles,
& la croix au haut, mais n'approchant
nullement à la forme de celles d'aujour-
d'huy, où les couronnes Royales sont
plus amples au milieu, qu'au bas, & font
comme deux couronnes en vne toute
couuerte, rapportant plusieurs Lunes,
quasi comme en vne mitre, ainsi que le
remarque le Pontifical Romain, dans
lequel aussi la Tiare ou triple diadème

du souverain Pontife, represente la iustice notée par la Triade, ou les trois parties de monde habitable suiuettes à sa Vicairerie & puissance spirituelle, comme le chandelier de la loy Mosaique estoit composé de trois branches, afin que les gens & nations diuifées de langues & mœurs diuerses soient assemblées en commerce de la foy, & serrées du lien de la vraye Religion.

O vous donc, Pontifes & Rois qui tenez de Dieu immediatement, & non d'autres, vos puissances distinctes & separées, foyez aduertis de poser bas vos couronnés, & diademes aux pieds de celuy, par le bienfait duquel vous en estes decorez, & duquel vos grandeurs, bien que terrestres, & perissables, representent les images, ainsi comme petits miroirs opposez à la splendeur du grand soleil. Autant que vous soumettrez vos chefs à sa diuine maiesté, autant serez vous releuez en honneurs par celuy qui vous a faits Rois de par luy seul, c'est à dire participans de sa maiesté, vous pouuans faire toute autre chose. Il vous a orné les chefs de couronnes d'or, & de pierres

pierres precieuses , luy qui n'a point voulu emprunter de la terre la magnificence de la courōne, avec laquelle couronne ce Roy de tous viuans a triomphé des portes infernales par les cruels & espineux tourmēs qu'il a voulu souffrir en son chef, aussi biē qu'en toutes les autres parties de son corps, & a voulu que ceux qui desirent estre tenus pour ses enfans, l'imitent & suiuent en tribulation, douleurs & martyres, & que qui ne combatra diligemment ne soit point couronné. Cependant qu'ils tiennent de la grace de Dieu la souueraineté temporelle, se souuiennent de distribuer les loyers fraisles & temporels pour les vertus guerrieres, politiques, & literaires. Mais plus volontiers pour cette premiere que derniere, & non sans quelque probable raison.

La fable est vulgaire dē Daphné fuyant les amours d'Apollo metamorphosée en laurier, d'ont cest amant a tant honoré les fueilles toujours verdissantes, qu'il s'en est fait des guirlandes, & a voulu que les Poētes en fussent couronnez aussi bien que les Triompha-


teurs : d'où Petrarque a pris ce qu'il dit à sa dame Laure parlant à elle, comme à cette Daphné.

O sola in legna ai gemino valore.

Les Prestres, Sacrificateurs, Deuins & Magistrats s'en sont voulu encor approprier: Pline, Suetone, & Dion narrent tous trois vne histoire qu'à grand peine croiroit-on, si ces deux derniers n'auoient assez de credit, comme Liue Drusille estant fiancée à Auguste, vn Aigle volât luy ietta d'en haut vne poulette blanche ayant au bec vn rameau de laurier chargé de ses grains. Ce que les Deuins interpreterent à bon augure, commandant que la poulette fust soigneusement nourrie & eleuée, & gardée avec ses pouffins, & que le brin fust enté & bien cultiué: ce qui fut fait, & la poule & le laurier portez en la mestairie des Césars, où ce plant a tellement prouigné, qu'il en est venu comme vne forest, d'où Auguste s'est tousiours fait des couronnes, & ses descendants aussi iusques au quatorzième an del'empire de Neron dernier de la race Cesarée, auquel temps toute cette

engeance de poules, & ce bois de laurier perirent, & secherent.

Merces sublimis honorum.




Recompense plus haute d'honneurs.

Av Capitaine, ou Chevalier ayant soustenu vn siege, estoit donnée la Couronne Obsidionale : ou Graminée: par les deliurés & gardés de l'ennemy.

Et nonobstant que telle Couronne fust seulement de Gramen, prins en cét endroit generalmente pour toutes herbes qui se trouuoient, & lesquelles ils pouuoient arracher sur le lieu, incontinent au leuer du siege; si est-ce que selon Pline c'estoit la plus honorable de toutes: plus noble & plus digne d'estre estimé. Fabie Maxime ayant par sa prudence & vaillance fait leuer le siege qu'Annibal auoit posé deuant Rome, apres la perte d'une sanglante iournée, la voyât reduite au dernier aboy, le Senat & le peuple Romain en la seconde guerre qu'ils eurent contre les Carthageois, luy ordonnerent ceste honorable courōne de chiendent, cōme au conseruateur de leur Republique: cette herbe estoit le symbole de salut & protection, cōme dediée à Mars & à Saturne. Festus remarque dans Plaute que quand il y a ce mot Herbande, cela ne signifie autre chose que, ie me rend, ie me confesse vaincu: car celuy qui requeroit mercy prenoit à terre de ceste herbe la premiere rencontrée, & la presentoit à son vainqueur, coustume venue de ceux qui dās

vn pré cōbattent à la luitte ou à la course. Il y a diuerses especes de cette herbe, del'vne desquelles Glauque ayant mangé, ainsi que recite Athenée liure 7. se vāte d'auoir acquis immortalité. Voyez Alciat Embl. 26.


Sernasi gratia ciuis.



Pour vn citoyen saigné.

VOYEZ ceste forme de chapeau de triomphe, c'est la Couronne appellée Cuique, donnée par le Citoyé au Citoyen qu'il auoit sauué en guerre: en representation de vie sauuée. Et estoit cette Couronne, tissue de fueilles, ou petits rameaux de Chesne: pour autant qu'au chesne, la vieille antiquité souloit prendre sa substance, son manger ou sa nourriture. Ce que le monde n'a plus fait depuis l'inuention des bleds, on ne croile plus les chesnes, comme on faisoit au parauant.

Excidij turribus honos.




Honneur pour creneaux abatus.

LA Couronne Murale qui estoit d'or faite en forme de creneaux de Ville,

estoit aussi donnée par le Chef d'armée ou Empereur, à celuy qui premier gaignoit le haut de la muraille: se iettant maugré les ennemis, par force dedans leur ville. Suetone nous tesmoigne que non seulement les Capitaines, mais les simples Soldats y pouuoient paruenir, mais qu'elle ne se donnoit qu'après vne exacte recherche des merites de celuy qui en estoit honoré. Ouide & Lucian en leurs metamorphoses, cōme Silius en rapporte l'histoire d'un Fuluius, qui en couronna mille à la face de l'armée à laquelle il commãdoit, attribuent cette mesme couronne tourionnée & crenelée à Cibele la grand' mere des Dieux, que S. Augustin liure 7. de la Cité, dit que la terre est signifiée par cette deesse avec son Tombay.

H'oc valli insigne recepti.




*Marque d'auoir faussé le camp en-
nemy.*

LA Couronne Castrense , Vallaire, ou Palissée , aussi faite d'or en maniere toutefois de Paux , ou Palis, estoit donnée par le Chef d'armée, ou Empereur , au premier qui (en combatant) entroit au camp des ennemis. Ce qui ne se pouoit faire sans forcer les fossez & trenchées : cette couronne auoit beaucoup d'affinité avec la precedete, n'eust esté que Valere Max. liure 1. chap. 8. semble en faire vn cas à part. Le docte

Ambassadeur Paschal n'a rien obmis en la discution de toutes ces couronnes.

Classis monumenta subacta.




EN la guerre Nauale, le premier qui venoit par force à sauueté tout armé dās la nauire ou galere des ennemis, estoit honoré de la Courōne d'or, marquée ainsi que de Rostres, ou Prouës de vaisseaux de mer, qu'on appelloit Couronne Nauale ou Rostrale, pour ce que cette partie du vaisseau representoit la figure d'vn bec d'oiseau. Elle se donnoit

encor à ceux qui auoient pris & conquis sur l'ennemy vn vaisseau. Telles couronnes n'estoient pas si auancées que la precedente, car Polybe tesmoigne que les Romains ne sont venus que sur ie tard à combattre sur mer, & ont pris l'exemple sur les Carthaginois leurs plus cruels ennemis. Tellement qu'on a creu qu'Agrippa apres la victoire qu'Auguste obtint au Camp Actiaque, fut le premier qui receut cette marque de gloire de la main de son Empereur & depuis beaupere. Mais Festus en donne le premier honneur à Terence Varron sous Pompée, & encor à vn Attilius.

Les Atheniens en auoient auparavant recompensé ceux qui les premiers auoient équipé & armé vne galere à leur seruice. Varron, Demosthene & encor I. Pollux adioustent liure 1. que ce luy qui le premier mettoit le pied en vne Isle possédée par l'ennemy, & qui ouuroit le passage à s'y fortifier, il en remportoit cette mesme couronne.

In hunc intuens.



Lette icy da veuë.


LES Ægyptiens auoient de coustume
en leurs banquets, que pendant le re-
pas, l'vn d'entre eux portant vne image
de Mort, en forme d'vn scelette s'en ve-

noit le monstrier à vn chacun de tous les assistans en leur disant l'vn apres l'autre, *Voy-tu, Regardes bien que c'est que cela, fais tant bonne chere que tu voudras, car tel il te faut deuenir.* De l'aduertissement & memoire de la fin, recite aussi Isidore, qu'à Constantinople estoit l'ancienne coustume, que au iour du couronnement de l'Empereur, comme il estoit en sa plus grande pompe & gloire, seant au trone Imperial, se presentoit vn mafson deuant la Maieité, luy monstrant de trois ou quatre sortes de Pierres, en luy disant : *Trescher Sire, plaise vous de choisir & ordonner de laquelle il vous plaira que l'on face vostre sepulture.*

Alexandre le grand pensant qu'il y eust d'autres mondes, ne se contentoit pas de celuy-cy, & fallut qu'en Babylone il se contentast d'vne biere de six pieds, faisant cognoistre que la fin commune n'espargne ny Roy ny Roc.

Victoria limes.*Victoire derniere.*

C'EST pourquoy en vn dialogue Epictete Philosophe, interrogé par l'Empereur Adrian pourquoy l'on couronnoit vn Mort, luy respondit, que c'estoit en signe & tesmoignage qu'il estoiteschappé, & auoit passé outre les travaux, combats, miseres & pauuretés de cette vie. Le dire de Solon est notable & veritable, que nul ne se peut dire heureux auant le decez.

Spes altera vita.

POUR ne desgouster par vn fascheux
déboire les spectateurs de ces deux
Deuises precedentes qui representēt la

fin où il faut que tout passe : en voicy vne pleine de douceur & consolation d'une vie seconde, meilleure & perdurable, en laquelle par l'obseruance des commandemens, nous sommes assurez de receuoir le centuple en la Hierusalem celeste, où face à face nous contemplerons ce que nous n'auons veu qu'en Enigme & dans vn miroir. Ce que nous semons en terre, soit grains de bled, legumes ou herbages ne sera point viuifié, ne rendra chaumes, feuilles, fleurs, ny espics, s'il n'est premierement corrompu & pourry: ainsi faut il que ce qui estoit corruptible, infirme, mortel, ignominieux, reueste vne incorruptibilité, puisſance, immortalité, gloire & spiritualité, pour se parangonner de là en auant aux Anges luyſans plus que le Soleil, voire estre semblables à celuy qui s'est voulu nommer les primices des Dormans, le Dieu des viuās, non des morts, qui retirera le sang des hommes de la pate & de la gueule des bestes brutes, pour reuenir à ce qui estoit diuisé, le propre corps avec l'ame, tout ainsi qu'il a repris le sien, avec lequel il est fortý du

Sepulchre , & entré dans la sale de ses Disciplès, sans ouuerture ny des pierres ny des portes. C'est ce qu'Ezechiel eut en vifion , qu'apres vn tremble-terre les os se rapprochoient des os , chacun au plus près de sa ioincture , & se couuroiēt de nerfs, tendons, chairs & peaux, puis il adiouste de quelle façon les esprits ont fait nouvelle entree en leurs propres domiciles corporels, pour prendre diuerfement leurs partis , les vns qui ont fait de bonnes œuures en la resurrection de la vie, & les autres qui ont mal vescu en la resurrection de la condamnation : c'est cecy dont ce grād Docteur saint Hierosme prenoit en luy le plus d'épouuancement, quand il disoit, que veillant, dormant, mangeant , beuant, & en quelque occupation, ou meditatiō qu'il peust se mettre, il luy sembloit tousiours ouyr à ses oreilles, ceste trompette éclatante que S. Paul a dit deuoir sonner lors qu'en vn clin d'œil , & sur le dernier ton de cēt airain, tous les hommes doiuent resusciter en la plenitude de l'aage à trente trois ans, estre ravis dans les nuës, & representez deuant le throne
de la

de la iustice diuine. Car il ne sera non plus difficile à celuy qui d'vn rien, d'vn peu de limon de terre a créé & compassé ce bastiment humain, ce chef d'œuure, que l'on appelle petit monde, apres que ceste chair, ces nerfs, os serōt retournez au giron de leur premiere matiere, de les en retirer pour en rebastir de nouueau son mesme ouurage plus excellent & parfait; autrement en quoy serions nous differens des animaux? quelle préeminence aurions nous sur eux, qui nous garderoit de nous rendre comme eux, esclaués du ventre, de la gueule, des appetits dereglez, de toutes les salles voluptez, & veautrez en cette fange, & passer ce peu qui nous reste à viure; & encor en cela ces brutes nous surpasseroiēt d'vn poinēt en ce qu'elles sont exemptes de toutes fascheries & ennemis voire de toutes sortes de passions & apprehensions, desquelles la fragilité des hommes est le plus souuent bourrelée & accablée. O profondeur de la prouidence diuine! Combien y en auroit-il qui pretendroient

vn foible ſujet de dire que toutes chofes icy, ſ'il n'y auoit vn autre monde, aduiennent temerairement, ou fortuitement. Et à la verité ſi noſtre foy ne nous commandoit croire cette reſurrection de la chair : Nous voyons en ce monde pluſieurs gens de bien pauures, ſouffreteux, affligez en leurs perſonnes & bien oppreſſez de douleurs, maladies, torts & iniures, deſtituez de tout ſecours , & tant de meſchans au contraire abondans en richelſſes, honneurs, ſanté, lieſſe & proſperité. Qui ſera celuy tant depourueu de ſens, qui ne dira qu'il eſt de la iuſtice de Dieu, qu'il y ayt vne ſeconde vie & vne reſurrection, afin que ceux qui eſtoient abbatuſ ſoient releuez , & reçoient quelque rafraichilſſement des cuiſantes peines par eux ſouffertes ; & puis que l'ame n'a pas ſeule operé, & que le corps a participé aux actions vertueuſes ou vicieuſes ; n'eſt ce pas iuſtice que tous deux en reçoient pareille recompenſe ou pareille peine ? Ne craignons donc point la corruption de cette chair , laquelle

bien que ce soit la solde du peché, si est-elle la porte de l'incorruption & l'échelle de Iacob par laquelle nous deuons monter avec les Anges: & si tant de gens trauillent pour cette vie temporelle si fresse & de peu de durée; combien faudroit-il plustost s'éuertuer pour l'éternelle, de laquelle vne heure & vn iour valent mieux que cent mille de l'autre; & si elle se peut si facilement acquerir en nous donnant à celuy à qui nous voulons & deuons estre, lequel soit benit aux siecle des siecles.

F I N.